

温然集

湛然居士文集序



夫文章以氣為主浩然之氣養于胸中發為文章不期文而文有餘矣古之君子其文見于簡策宏深渾厚言近而旨遠詞約而義深非後世以雕篆為工者所能比蓋其浩然之氣貫于中也諸葛孔明暨近代范文正公懷王佐之才有關務成物之畧自任天下之重初不欲以文名世然出師一表可與伊訓說命相表裏而萬言一書議者亦比于管仲樂毅二子者豈嘗學為

如此之文也哉其忠義之氣形之于文亦不自知其所以然也嗚呼世之作文者非不衆也言語非不工也及其建功定業任大持重不若昔之人者其胸中所養者小也今吾湛然居士其庶幾乎公當聖朝開初之際應鹽梅鼎鼐之任仰贊天子茂弘德威臣上古所不臣之國籍禹貢所不籍之地公之功業著見于天下炳如日星雖月氏殊俗蠻荆遠方莫不仰戴其威名觀其從事征討軍務倥偬直其不暇留意于文字

間然雄篇傑句散落人間復如彼其多或吟咏其情性或托意于玄機千彙萬狀會歸于正又皆肆筆而成若不用意為者人雖服其精敏意者何為而能然耶殊不知公善養其浩然之氣充于其中形于言動發于功業見于文章有不得不然者矣孔子曰有德者必有言其是之謂乎邇者中書省都事宗公仲亨更新此集募工鏤板過雲中同監紉樊子通見屬為序微以為文章者公之餘事也公之德業天下共知之固

不待文而顯者也其文天下共傳之又奚待以  
序而彰哉雖然不為之辭者微東城一鄙人也  
幸齒于門下士之末若復獲挂名于文集中固  
所願也于是乎書癸巳年十月晦日九山居士  
李微子微序

湛然居士文集叙

乾坤之運否之則塞泰之則通日月之光蒙之  
則晦廓之則明聖人之道鬱之則滯推之則行  
化而裁之謂之教神而明之存乎人天之未喪  
斯文陰有主宰亦有所託付教不終隱待其人  
而益弘况乎啟端發源於新造之初技傾柱邪  
于積亂之後以任當世之重以行衆人之難必  
有命世大賢超人異行舉歷代非常之事卒前  
哲未成之志與時標準卓然為吾道之倡夫道

之不明久矣去古而今呂情其性典謨遠而淳  
風哀雅頌息而淫辭作以大學中庸為虛位以  
致知格物為迂論聖門閉而不開正路梗而莫  
辟加之兵革以來百餘年間宇宙之內昏々默  
嘿如夜之未晝夢之未寤醉之未醒病之未藥  
伏陰未覩于太陽寒谷未熙于春律黎苗之渴  
望未蘓黔首之倒懸未解夫欲濟塗炭而域仁  
壽滌瑕穢而鏡澄清療國脉之膏盲細天維之  
罅漏草創萬有權輿百度典禮樂于板蕩之際

極詩書于煨燼之餘黼黻皇猷經緯政體變干  
戈而俎豆易荒服而衣冠斲雕反樸鑄頑成仁  
扇美化以風六合沛膏澤以雨羣生教績將絕  
之時功畫無形之世非天下之至神其孰能與  
于此哉惟我中書湛然居士天姿英挺上智誠  
明著龜其誠鈞鼎其器聳四方之具瞻遇千載  
之嘉會作朝廷之翰維社稷之楨牢籠區夏宰  
制山川提封不牧之邦郡縣不毛之地正機衡  
而泰階平明曆數而靈符定開元建極畫彌綸

之術驟帝馳王入酬酢之計以唐虞吾君為遠  
圖以成康吾民為已任涵養于事業形容于文  
章得之心不受一塵應之手自能三昧游戲妙  
場掀揭理窟運天地之橐籥奪造化之機緘論  
性則窮其深源談道則索其隱旨以聖經為根  
本故其文體用而精微以史氏為枝葉故其文  
氣焰而宏麗盤詰訓誓其格言詠歌比興其奧  
義雖出師征伐之間猶銳意經濟之學觀其投  
戈講藝橫槊賦詩詞鋒挫萬物筆下無點俗揮

洒如龍蛇之肆波瀾如江海之放其力雄豪足  
以排山岳其輝絢爛足以粲星斗幹旋之勢雷  
動颺舉溫純之音金鼓玉振片言隻字冥合玄  
幾竒變異態靡有定跡曼乎出于見聞之外鏗  
錫炳耀盪人之耳目所謂造物有私默傳真宰  
胸中別有一天耳蓋生知所稟非學而能如庖  
丁之解牛游刃而餘地公輸之制木運斤而成  
風是皆造其真境至于自然而然公之于文亦  
得此不傳之妙若夫湛然之稱不可以形尋不

可以言詰其處之也厚其資之也深靜于內為善淵演于外為道派即其性而見其文與元氣俱粹然一出于剛正觀夫所稱其人可知已然則作之者創其始亦在乎述之者成其終適有中省都事宗仲亨最為門下之舊收錄公之餘橐纖悉無遺今又增補雜文誠好事之君子舉其全帙付之于門下士高冲霄李邦瑞協力前修作新此本以示學者可謂兼善之用心省丞相胡公喜君之文揄揚溢美勒成為書中有

或悞者更加釐正命工刊行于世益廣其傳真得仁人之雅意省察王子卿李君寔許進之王君玉薛正之皆欣然響應共贊成之二公承宗公之志畢其能事同諸君繫永為序僕以兵塵中來舊學荒廢不敢應命蓋公之心術生蹟不能盡探之于文公之文章高致不能具陳之于序雖其文皆公之寓言筌蹄而忘象是亦勲業之餘蘊公如不言則人將何述焉嘗謂雲漢為章天之文言詞可法人之文故觀乎天文以察

時變觀乎人文以化成天下文之為用大矣哉今  
公之為言非徒示虛文而已實救世行道之具  
所以柱石名教綱紀彞倫鼓舞士風甄陶人物  
豈惟立當代之典章端可為將來之軌範於戲  
大禹不治水吾民憂其魚孔子不作經王道幾  
乎熄夫以文德開通濟物密藏諸用扶持聖道  
之久弊幽而復顯見天意之所屬為時永定而  
能樹治本遏亂源活生靈福奕世其功德無慙  
于先聖斯文之不墜皆公之力焉是言也非獨

予之所言迺天下之公言也歲次癸巳十有二  
月初吉襄山孟攀鱗序

其心志與山並峙無改易之志  
予之所言與天下必公言也  
其心志與山並峙無改易之志  
予之所言與天下必公言也

領中書省湛然居士文集序  
士君子困而後學老乃思歸  
已屏山居士年二十有九閱復性書知李習之  
亦二十有九叅藥山而退著書大發感嘆日抵  
萬松深攻亟擊退而著書三十餘萬言內藁心  
學諄々大半晞顏早立亞聖生知追繹先賢誠  
難倒指湛然居士年二十有七受顯訣于萬松  
其法忘死生外身世毀譽不能動哀樂不能入  
湛然大會其心精究入神盡弃宿學冒寒暑無

晝夜者三年盡得其道萬松面授衣頌目之為  
湛然居士從源自古宗師印證公侯明白四知  
無若此者湛然從是自稱嗣法弟子從源自古  
公侯承稟宗師明白四知亦無若此者萬松一  
日過其門見執菜根蘸油鹽飯脫粟萬松曰子  
不太儉乎曰圍閉京城絕粒六十日守職如恒  
人無知者以至扈從西征六萬餘里歷艱險困  
行役而志不少沮跨崑崙瀚海而志不加大  
客問其故而曰汪洋法海涵養之力也若乃詈

聖安而成贊戲清溪而發機行九流而止縱橫  
立三教而廢邪偽外則含弘光大禦侮敵國之  
雄豪內則退讓謙恭和好萬方之性行世謂佛  
法可以治心不可以治國證之于湛然正心修  
身家齊國治之明効吾門顯訣何愧于大學之  
篇哉湛然嘗以此訣忠告心友時無識者慨然  
曰唯屏山閑、可照吾心耳噫嘻雖欲普慈兼  
濟天下後世末由也已嘗和友人詩曰贈君一  
句直截處只要教君能養素但能死生榮辱哀

樂不能羈存亡進退盡是無生路至于西天三  
步遠東海一杯深老作衲僧未易及此使裴公  
美張無盡見之當歛衽焉蓋片言隻字出于萬  
化之源膚淺未臻其奧者方且索之于教偶鍛  
鍊之排正如檢拍蒙學對句之牧監望涯于少  
陵詩史者矣加以志天文以草西曆翫焦桐而  
贊南風在燮理為難能皆湛然之餘事或謂萬  
松濶論無乃夸誕乎曰王從之雷晞顏王禧伯  
尚不肖屏山閑形于論辨萬鍛炎鑪不停蚊蚋

宜乎子之難信也吾待來者千載一人豈獨為  
子設耶甲午年仲冬晦日萬松野老行秀中夜  
秉燭序

湛然居士文集序  
夫文章天下之公共言賦者自以與賈馬爭麗  
則言詩者自以與李杜爭光焰逞辭藻者不讓  
蘇黃恃歌詞者輒輕吳蔡以至氣衝雲霄而莫  
肯相下及其較量長短探頤妍醜得其全者鮮  
矣厭人望者鮮矣中書湛然性稟明有天然之  
才或吟咏數句或揮掃百張皆信手拈來非積  
習而成之蓋出于胸中之穎悟流于筆端之敏  
捷味此言々語々其溫雅平淡文以潤金石其

湛然居士文集序

夫文章天下之公共言賦者自以與賈馬爭麗  
則言詩者自以與李杜爭光焰逞辭藻者不讓  
蘇黃恃歌詞者輒輕吳蔡以至氣衝雲霄而莫  
肯相下及其較量長短探頤妍醜得其全者鮮  
矣厭人望者鮮矣中書湛然性稟明有天然之  
才或吟咏數句或揮掃百張皆信手拈來非積  
習而成之蓋出于胸中之穎悟流于筆端之敏  
捷味此言々語々其溫雅平淡文以潤金石其

飄逸雄挾又以薄雲天如寶鑑無塵寒水絕翳  
其照物也瑩然向之所言賈馬麗則之賦李杜  
光焰之詩辭藻蘇黃歌詞吳蔡兼而有之可謂  
得其全矣厭人望矣外省官府得居士文集古  
律詩雜文五百餘首分為九卷恐珠沉于海玉  
隱于山而輝彩未著特命良工板行于世使四  
方士大夫如披雲覩日快願見之心嗚呼言者  
心聲也中書之言自詠物之外多以國事歸美  
為章句雖稷契之忠臯陶之嘉未易過此癸巳

年十二月望日平水冰巖老人王鄰序

湛然居士文集目錄



中書令 移刺楚材 晉卿

卷第一

和黃華老人題猷陵吳氏成趣園詩

和平陽王仲祥韻

和李世榮韻

和李世榮見寄

和李世榮韻

再用其韻

又索六經

和移刺繼先韻三首

和薛伯通韻

鹿尾

過金山用人韻

過雲中贈別李尚書

和裴子法韻

和許昌張彥升見寄

和南質張學士敏之見贈七首

卷第二

和張敏之鳴鳳曲韻

和孟駕之韻

和陳秀玉縣梨詩韻

和冀先生韻

和百拙禪師

題平陽李君實吟醉軒

從聖安澄老借書

題西庵所藏佛牙二首

和移刺繼先韻二首

過山陰和人韻

再用前韻

復用前韻唱玄

用前韻送王君玉西征二首

用前韻感事二首

過濟源和香山居士韻

和裴子法見寄

用李德恒韻寄景賢

過天德和王輔之四首

槐安席上和張梅韻

思親有感二首

思友人

贈李郡王筆

寄雲中外佛寺照老

寄平陽淨名院潤老

贈雲川張道人

贊李俊英所藏觀音像

題西庵歸一堂

和景賢還書韻二首

外道李浩求歸再用韻示景賢

外道李浩和景賢霏字韻予再和呈景賢

和楊居敬二首

過天寧寺用彥老韻二首

過大山周敬之席上和入韻二首

和人韻

丁亥過沙井和移刺子春韻二首

再過晉陽獨五臺開化二老不遠迎

過青源謝汾水禪師見訪

玉屋道中

卷第三

和斛天秀韻

用萬松老人韻作十首寄鄭景賢

萬松老人真贊

萬松老人琴譜詩一首

寄曲陽成壇會首大師

和王巨川韻

釋奠

和移刺子春見寄

寄移刺國寶

寄景賢十首

和景賢韻三首

和李世榮韻

和景賢十首

感事

讀唐詩有感

又一首

和王君玉韻

和東勝用先君文獻公韻二首

過夏國新安縣

過青塚用先君文獻公韻

過青塚次賈搏霄韻

再用韻以美搏霄之德

再用韻自嘆行藏

再用前韻感古

再用韻唱玄

過雲川和劉正叔韻

過雲中和張伯堅韻

過雲中和張仲先韻

過雲中和王正夫韻

過白登和李正之韻

過天城和靳澤民韻

過武川贈散令人

過燕京和陳秀玉韻五首

還燕京題披雲樓和諸大夫韻

和威寧珍上人韻

和李德脩韻

卷第四

和呂飛卿韻

再用韻贈國華

謝飛卿飯

再用韻紀西遊事

再用韻贈博霄

再用韻謝非熊名飯

再用韻唱玄

再用韻

和博霄韻代水陸疏文因其韻為十首

寄賈博霄乞馬乳

謝馬乳復用韻二首

贈博霄筆

再用韻寄博霄二首

再用韻別非熊

愛子金柱索詩

贈賈非熊博霄

和李正之二首

非熊兄弟餞予之燕再用振之韻

和連國華三首

連國華餞予出天山因用韻

還燕和吳德明

又和橙子梅韻

和竹林一禪林師韻

西庵上住夏 足以詩戲之

送韓浩然用馬朝卿韻

戊子喜雨用馬朝卿韻二首

戊子餞非熊仍以呂望蟠溪圖為贈

和宋子玉韻

和李邦瑞韻二首

和邦瑞韻送奉使之江表

和王正之韻

祝忘憂居士壽

蠟梅二首

謝禪師公寄閭山紫玉

和鄭壽之韻

寄沙并劉子春

和棊士苗蘭韻

和人韻二首

和武川嚴亞之見寄

己丑過鷄唱山

寄天山周敬之

邦瑞乞訪親回用其韻

和邦瑞韻

卷第五

贈蒲察元帥七首

庚辰西域清明

用鹽政姚德寬韻

用昭禪師韻二首

和薛正之見寄

乞扇

壬午西域和河中遊春十首

游河中西園和王君玉韻四首

河中西遊西園四首

河中遊春有感五首

過閭居河四首

感事四首

壬午元日二首

過沁園有感

用劉正叔韻

西域輩家人釀酒戲書屋壁

西域從王君玉乞茶因其韻七首

和冲霄韻五首

又一首

和冲霄十月桃花韻二首

用薛正之韻

卷第六

和景賢見寄

用劉潤之乞冠韻

西域河中十詠

西域和王君玉韻二十首

和楊彥廣韻

題平陽李君實此君軒

西域有感

早行

自叙

西域元日

西域寄中州禪老士大夫一十五首

蒲華城夢萬松老人

寄巨川宣撫

寄南塘老人張子真

觀瑞霍詩卷獨子晉治書無詩

寄德明

才卿外郎五年止惠一書

寄清溪居士秀玉

戲秀玉

寄張子聞

寄用之侍郎

和正卿待制韻

寄仲文尚書

雪軒老人邦傑久不惠書作詩怨之

謝王清甫惠書

思親二首

思親用舊韻二首

思親有感

再過西域山城驛

辛巳閏月西域山城值雨

十七日早行始憶昨日立春

是日驛中作窮春盤

西域蒲華人城贈蒲察元帥

乞車戲

戲作二首

過太原南陽鎮題紫微觀壁三首

和松月野衲海上人見寄二詩

夢中偶得

賈非熊餞予用其韻

用李德恒韻

松月老人寄詩因用元韻

和薛正之韻

卷第七

用李邦瑞韻

寄平陽淨名潤老

和鄭景賢韻

和李茂才寄景賢韻

除戎堂

寄武川摩訶院圓明老人五首

和李漢臣韻四首

和北京張天佐見寄

戊子繼武川劉搏霄韻

懋解州邵薛村洪福院

邵薛村道士陳公求詩

過金山和人韻三絕

題黃山墨竹便面

請任東堂

請倪公

請照老任華塔

華塔照上人請為功德主

請岩公禪師詣天德作水陸大會

和賈搏霄韻二絕

和高麗使三首

夢中偶得

和武善夫韻二首

題寒江接舫圖

題黃梅出山圖

夢中贈聖安澄老

跋定僧岩

詠探春花用高冲霄韻

寄休林老人

過濟源登裴公亭用閑、老人韻四絕

再用前韻

謝王巨川惠蠟梅曰用其韻

和王巨川題武成王廟

又用韻

又一首

和景賢七絕

又四絕

和景賢二絕

和高冲霄二首

過天山和上人韻二絕

過覃懷二絕

玉屋道中

過天德用遷上人韻

贈遠西李郡王

題張道扇二首

題古并覃公秀野園

題昭上人松菊堂

題平陽劉子寧玄珠堂

題誌公園

復用前韻

再和西庵上人韻

請真老住華塔

請玉公住太原開化

和薛伯通四絕

和松菊堂主人昭老見寄三詩

洞山五位頌

正中偏

偏中正

正中來

兼中至

兼中到

太陽十六題 入部卷五第廿七

識自宗

死中活

活中死

不落死活

背捨

不背捨

活分

殺人劍

平常

利道拔生

言無過識失

透脫

透脫不透脫

稱揚

降句

又一首

方又圓

西域嘗西尔

天德海上人寄詩用元韻

寄白雲上人用舊韻

武川摩訶院請為功德主

和房長老三絕

過平陽高庭英索詩強為一絕

卷第八

醉義歌

題恒岳飛來石

為慶壽寺作萬僧疏

太原開化寺革律為禪仍命予為功德主

因作疏

為石壁寺請信公庵主開堂疏

圓明禪院請予為功德主因作疏

天寧萬壽禪寺命予為功德主因作疏

請某公庵主住竹林疏

請湛公禪師住紅螺山寺疏

請容公和尚住竹林疏

請智公尼禪開堂疏

代劉帥請智公尼禪住報先寺疏

請某菴主開堂疏

為慶壽寺化萬僧疏

請亨公菴主開堂疏

三學士改名圓明仍請予為功德主疏

淨名院華律為禪請潤公住持疏

五臺寺請予為功德主因作疏

請定公菴主出世疏

永寧石壁寺請忘憂居士為功德主疏

代忘憂居士請琳公禪師住持壽寧禪師

疏

為大覺開堂疏三道

司天判官張居中六壬祛惑鈴序

苗彥實琴譜序

答楊行省書

進西征庚午元曆表

西游錄序

辨邪論序

寄趙元帥書

萬松評唱天童覺和尚頌古從容菴錄序

評唱天童拈古請益後錄序

燕京崇壽禪院故圓通大師朗公碑銘

貧樂庵記

自贊

燕京大覺禪寺新建經藏記

卷第九

和張敏之詩七十韻三首

次韻黃華和同年九日詩十首

寄東堂和尚

謝萬壽潤公和尚惠書

大覺寺奧公乞經藏記既成以詩戲之

寄龍溪老人乞西岩香

謝聖安澄公饋藥

和王正夫韻

繼孟雲卿韻

次孟雲卿見寄

和王夫正韻憶琴

繼宋德懋韻三首

和張彥升見寄

跋白樂天慵屏圖

和請住東堂疏韻

寄倪公首座

寄呂飛卿

戲陳秀玉

卷第十

扈從冬狩

用秀玉韻

送西方子尚

用樛軒散人韻

和邦瑞韻送行

謝西方器之贈阮杖

繼希安古詩韻

和非熊韻

又

過深州慈氏院

用李君實韻

繼崔子文韻

繼武善夫韻

鼓琴

扈從羽獵

狼山宥獵

對雪鼓琴

寄冰雪散人

寄平陽潤和尚

紅毒二首

吟醉軒

寄西庵上人用舊韻四首

和漁陽趙光祖二詩

自贊

再過太原題覃公秀野園

和韓浩然韻二首

張漢臣因入覲索書詩

和謝昭先韻

德恒將行以詩見贈因用元韻以見意云

送文叔南行

和馮揚善九日韻

示石州劉企賢

和劉子中韻

李庭訓和予詩見寄復用元韻以謝之

和張敏之擬黃庭詞韻

寄嵩公堂頭同叅

寄移刺子春

寄妹夫人

送侄九齡行

送姪了真行

和少陵和尚英粹中山堂詩韻

和武善夫韻

和馮揚善韻

和董彥才東坡鐵杖詩二十韻

卷第十一

用張道亨韻

題龐居士陰德圖

和馮揚善韻

和秀玉韻

示從智

答聶庭玉

繼柏岩大禪師韻

和張善長韻

凌棲岩彈琴鼓法二絕

夜坐彈離騷

彈秋宵步月秋夜步月二曲

彈秋水

彈秋思用樂天韻二絕示景賢

彈廣陵散終日而成賦詩五十韻

吾山吟

從萬松老人乞玉博山

寄萬壽潤公禪師用舊韻

寄聖安澄公禪師

寄甘泉禪師謝惠書

送房孫重奴行

從龍溪乞西岩香并方

乙未元日

旦日遺從祖

旦日示從同仍簡忘憂

元日勸忘憂進道

轉燈

錄寄新詩

寄東林

借琴

戲景賢

再用前韻二首

寄景賢

再用知字韵戲景賢

復用前韵戲呈龍岡居士兼善長詩友二首

慕樂天

彈廣陵散

戲劉潤之

用劉潤之韵

卷第十二

琴道喻五十韵以勉忘憂進道

彈琴逾時作解嘲以呈萬松老師

勉景賢

劉潤之館於忘憂門下作述懷詩有弟子  
二三同會食誰曾開口問先生之句予感  
而和之

劉潤之作詩有厭琴之句因和之  
懷古一百韻寄張敏之

示忘憂

和金城寶宮旭公禪師三絕

再和世榮二十韻寄薛玄之

蘭仲文寄詩二十六篇勉和以謝之

又二首

用曹植韻

怨浩然

從國才索閑煎茶賦

贈高善長一百韻

再廣仲祥韻寄之

寄金城士大夫

誠之索倡

遺任淑卿香方倡

為子鑄作詩三十韻

卷第十三

楞嚴外解序

心經宗說後序

獠孽教民十無益論序

釋氏新聞序

屏山居士金剛經別解序

書金剛經別解後

屏山居士鳴道集序

賈非熊脩天子廟疏

孝義永安寺疏

寶宮寺疏

任玉山開堂出世疏

任東堂出世疏

奉聖寺開堂疏

寶林寺開堂疏

任文寺永壽寺疏

太原山開化寺疏

重脩宣聖廟疏

燕京大萬壽寺化水陸疏

請奧公禪師開堂疏

興教寺疏

請東林老人住持疏

請松岩儼公疏

祁州重脩宣聖廟疏

安慶織萬佛疏

住山陰縣復宿山疏

題萬壽寺碑陰

和公大禪師塔記

萬壽寺上梁文

茶榜

約善長和詩戰書

寄萬松老人書

萬松老人萬壽語錄序

祭姪女淑卿文

和林城建行宮上梁文

為武川摩訶院葺建佛牙塔疏

卷第十四

法語示猶子淑卿

和潤之韻

贈景賢

寄東林

寄萬壽潤公禪師

寄甘泉慧公和公尚

遺龍崗鹿尾二絕

和景賢贈鹿尾二絕

中和召景賢飲

請定公住大覺疏

補大藏經板疏

武川摩訶院叔建瑞殿疏

請奧公住崇壽院

寄聖安澄老乞藥

信之和余酬賈非熊三字韻見寄因再用  
前韻以復之

雲漢遠寄新詩因和謝之

德新先生惠然見寄佳製二十韻因和而  
謝之

子鑄生朝潤之以詩為壽余因繼其元韻  
以遺之

扈從旋師道過東勝秦師席上繼受之韻  
用梁斗南韻

贈正卿侄

寄張鳴道

送郭仲仁行

送高慶鳴行

和趙庭玉

贈王玉

周敬之脩天子廟

寄萬壽堂頭乞湖山

寄東林同叅

寄簡堂頭

寄孔雀使面秦萬松老師

答倪公故人

送王璘行

繼介丘穆景華韻

繼平陶張才景韻

德柔嘗許作鞍玉轡且數年矣作詩以督

之

卜鄰一絕寄鄭景賢

寄岳君索玉博山

雲中重脩宣聖廟疏

寄光祖

送德潤南行

再和潤禪師書字韻五首

贈景賢

元日為景賢壽

景賢作詩頗有思歸意回和元韻以勉之  
景賢召予飲以事不果翌日予訪景賢值

出予開尊盡醉而歸留詩戲之

和景賢召飲韻

丙申上元夜夢中偶得

送門人劉德真征蜀

送門人劉復亨征蜀

趙州柏壽頌

黃龍三闋頌

和太原元火舉韻

喜和林新居落成

題新居壁

太原脩夫子廟疏

和林建佛寺疏

湛然居士文集卷第一

中書令

移刺楚材晉卿

和黃華老人題獻陵吳氏成趣園詩

雪溪詞翰輝星斗紙蠹塵蒙詩一首湛然揮墨

試續貂聶孺使人難出口丁年彭澤解官去邀

遊三徑真三友悠然把菊見南山暢飲東籬醉

重九獻陵吳氏治荒園成趣為名良可取養高

不肯事王侯開卧林泉了衰朽今年扈從過秦

川可憐尚有蕭條柳掃計甘輸吳子先麗詞已



後黃華手知音誰聽斷絃琴臨風痛想紗巾酒  
嗟乎世路聲利人不知曾憶淵明否

重八 和平陽王仲祥韻

一聖揚天兵萬國皆來臣治道尚玄默政簡民  
風純明我嗣君寬詔出終綸洪恩浹四海聖  
訓宜書紳逆取乃順守皇威輔深仁貪贄致天  
罰長吏永良循河表背盟約羽檄飛邊塵聖駕  
親徂征將安億兆人湛然陪扈從書劍猶隨身  
翠華次平水草木咸生春冰岩上新句文質能

彬々冰雪相昭映珠玉如橫陳詩筆君獨步唐  
都一逸民聖政罔二三裁物惟平均綜名必核  
實求儒務求真經術勿疎廢筆硯常可親竚待  
寰宇清園丘祀天神選舉再開闢仲祥當超倫  
一旦騰達時獻策宜誥

和李世榮韻

聖主題華旦熊羆百萬強兵行從紀律敵潰自  
奔忙百谷潮滄海羣陰畏太陽黎民歡仰德萬  
國喜觀光堯舜規模遠蕭曹籌策長魏然周禮

樂盛矣漢文章神武威兼德徽猷柔濟剛自甘  
頭戴白誤受詔批黃我道將興啟吾儕有激昂  
厚顏懸相印否德忝朝綱佐主難及聖為臣每  
願良翠華來北闕黃鉞討南疆明德傳雙葉寬  
仁洽萬方凡服無不軌四海願來王兵革雖開  
創詩書何可忘洪恩溥曉露嚴令肅秋霜符應  
千齡運功垂萬世昌綿延國祚燁天祥  
多士咸登用羣生無敗戕此行將告老松菊未

和李世榮見寄

雲橫北海西駟驛來天際梅軒真可入新詩遠  
相惠其散若良金其臭若芳蕙文艷理無華詞  
雄言不侈筆力似黃山驚浪雲奔勢犀象牙角  
新蠶蜂銚尾細造想醉啣盃梅鴉清陰翳閑散  
玉麒麟可得羈而係吾子卧東山誰治今之世  
好陳十漸書毋用六奇計萬里入龍庭何須嘆  
迢遞時方涉大川舟楫須君濟

和李世榮韻

多謝梅軒不惜春嚴詩來寄格清新詞源莫測  
波千頃筆力能扛鼎萬鈞憂國心情常悄悄  
居容止自申和誰知板蕩中原後蕭洒河東有  
若人  
再用其韵  
梅軒相別又三春別後文章與日新不忿散材  
露造化好將幽隱入陶鈞我遊北海年垂老君  
卧南陽志未伸遙想氷寬政無恙一枝迴施隴  
頭人

又索六經  
我愛平陽李世榮一番書史再鐫銘欲令吾子  
窮三傳故向君家乞六經簡冊燦然新制度文  
章宛爾舊儀刑莫教幼稚空相憶日求詩到  
鯉庭  
和移刺繼先韵三首  
澤民我愧無術畧且著詩鴻慰離索詩書論載  
升金山絃歌不輟踰松漠世上元無真是非安  
知今是而非昨連城美玉涅不緇百煉真金光

愈樂已悟真如匪去来自然胸次絕憂樂斷夢  
還同世事空浮雲恰似人情薄尚記吾山舊隱  
居松風蕭瑟松花落枕流漱石輕軒車吟煙嘯  
月甘藜藿春山寐春溪深蕭條庭戶堪羅雀  
而今不得安踈慵自笑條籠困鷓鴣勉力龍庭  
上萬言男兒志不忘溝壑  
當年不肯讀三畧獨抱遺經伴閑索流行坎止  
不尤人自甘萬里涉窮漠富貴榮華能幾時生  
死都來如夢昨千年興廢漚浮沉百歲光陰電

飛爍常笑梁鴻歌五意竊學榮啟彈三樂未能  
仁義戢干戈勉將敦厚懲澆薄近有人從故隱  
來黃花無限開籬落問渠林內與丘糟奚如麥  
飯而羹藿又聞麋鹿論姑蘇阿瞞不復遊銅雀  
塗中曳尾希莊龜江夏沉舟悲櫓鶚吾山佳處  
歸休乎鹿逸平林魚縱壑  
祖道門庭元簡畧兒孫草裡添芒索擬心鷄子  
過新羅起念白雲橫大漠迥殊四向有無中元  
非三際來今昨大海纖塵一點飛洪爐片雪寒

光燦寧論業障本來空半偈徒誇寂滅樂細切  
清風非異事更將明月剗來薄玲瓏四面亦無  
門充塞十方絕壁落羅列珍羞渠不食癡人猶  
自貪藜藿祗圖龍頷摘明珠誰知虎口存活雀  
坐脫猶迷一色邊崎嶇鳥道一作玄路橫秋鶚可笑  
人間荆棘林死者填溝壑塞壑

和薛伯通韻

滴去秋光溢遠山穹廬寥落酒瓶乾一作塞天  
乾詩章平淡思居易禪理縱橫憶道安一作雁聲

風霜葉脫難禁秋雨菊花殘閤山舊隱天涯遠  
夢裏思歸夢亦難

合下四鹿尾

鑿輿秋獮獵南岡鹿尾分甘賜尚方濃色殷  
紅玉髓微香馥紫瓊漿韭花酷辣同葱薤芥  
屑差辛類桂薑何似羶根蘸濃液邀將詩客大  
家嘗一作流匙滑

飯大家嘗過金山用人韻

雪壓山峰八月寒羊腸樵路曲盤千岩競秀

清人思萬壑爭流壯我觀山腹雲開嵐色潤松  
巔風起雨聲乾光風滿貯詩囊去一度思山一  
度香

過雲中贈別李尚書

誰識雲中李謫仙詩如文錦酒如川十畝良園  
君有趣一廛薄土我無緣舊恨常來春夢裏新  
吟不到客愁邊明朝分手天涯去他日相逢又  
幾年

和裴子法韻

頃觀子法跋白蓮社圖斥淵明攻乎  
異端吾子不所學主張名教真韓孟  
之儔亞也昔巢由避天下而遠遁堯  
舜受天下而不辭以致澤施于萬世  
名垂于無窮是知潔已治天下各有  
所安耳夫清虛玄默樂天真而自適  
者也焦勞憂勤濟蒼生為已任者也  
二道相反甚于冰炭使堯舜巢由易  
地則皆然後之出亂臣賊子窺伺神

器狐媚孤兒寡婦扼其喉以取天下者聞巢由之風亦少知媿矣然則巢由之功豈可少哉弃享天下之大樂而且希物外之虛名者豈人情也耶文中子有言虛玄起而晉室亡斯豈莊老之罪與蓋用之不得其宜也以虛玄之道治天下其猶祁寒御單葛大夏服重裘自底斃亡豈裘葛之罪哉昔晉武一統之始不為後世之遠

謀何曾已識之既而禍難繼作骨肉相殘屠戮忠良進用讒佞雖元凱復生亦不能善其後矣大厦將頽非一木所能枝獨淵明何能救其弊哉適丁天地不交萬物不通君子道消小人道長之時淵明見幾而作掛印綬而歸結社同志安林泉之樂較之躁進苟容于小人之側者何啻九牛毛耶以淵明之才德假使生于堯舜湯

武之世又安知不與臯夔伊周並驅  
爭先哉宣尼有云用之則行舍之則  
藏又曰進退存亡不失其正者其惟  
聖人乎何責淵明之深也余嘗謂否  
則卷而懷之以簡易之道治一心達  
則擴而充之以仁義之道澤四海真  
古今之通誼也因用子法遊姑射元  
韻以見意云

達磨一派未西來無限勞生眼未開六朝繁盛

已矣耳兩晉風流安在哉自笑中書老僕射韻引  
借用事佛竊倣王安石公案翻騰舊葛藤林泉  
准備閑蹤用之勲業垂千秋發揚孔孟誰為  
儔舍之獨善樂真覺賦詩舒嘯臨清流豈止淵  
明慕松菊晉室高賢十八九君子道消小人用  
負夫遠弃利名酒蘓黃冠世能文詞裴張二相  
名當時祖道禪林恣遊戲堯風舜德甘嚔吹達  
人不為造物役打破東西與南北毛吞巨海也  
尋常出沒縱橫透空色真如頗與犧易同不動

確乎無吉凶湛然信筆書寤語臨風遠寄綠野  
翁贈君一句直截處祇要教君能養素但能死  
生榮辱哀樂不能羈存亡進退盡是無生路

和許昌張彥升見寄

真人休運應千載生知神武威中邦杜絕竒枝  
賤異物連城玉斗曾親撞兵出潼關渡天塹翠  
華雜映騶虞幢生民歌舞嘆奚後壺漿簞食轅  
門降偏師一鼓汴梁下邏騎飲馮揚子江良臣  
自有魏鄭革死諫安用干與逢少微昨夜照平

水清河國士真無雙壯歲遊學力稽古孜孜繼  
晷焚蘭釭新詩寄我有深意再三舒卷臨幽窗  
安得先生贊王室委倚奚憂庶政厖堪笑紛

匹夫勇徒誇巨鼎千鈞扛俾日安車蒲輪天詔  
公入北關蒲萄佳醞爛飲玻璃缸西人蒲萄釀  
皆貯以玻璃

瓶

和南質張學士敏之見贈七首

桃源劉鳳樓蕭鐫冰斲玉哦通宵珠璣錯落  
蘭室龍蛇偃蹇蟠霜綃和我新詩使予起却得

瓊瑰酬木李邊城十載絕知音琴斷七絃雀亦  
死而今得識君姿容胸中鬱結渙然空詩壇君  
可據上位筆力我甘居下風筆陣文場寬且綽  
馳騁看君能矍鑠學海波瀾千頃陂厭飲經書  
爛該博幾時把手瀟湘邊生涯自有壺中天鳴  
榔一笑舟浮蓮滄波萬里凝蒼煙  
漏沉竹簫蒲團定禪坐終宵古廟香爐無  
氣息一條白練如瓊綃性海澄波不起宛似  
冰壺沉玉李庸人泥教不知歸七竅鑿開混沌

死雖云至道絕音容不離幻有成真空百尺竿  
頭更移步普天匝地生清風大用全提自寬綽  
禪將交鋒何矍鑠醒時呼起夢中人徧濟含生  
其利博本無內外與中邊踏破威音劫外天汚  
泥深處種青蓮昇平世界沉烽煙  
雨蕭蕭風蕭蕭對床談道徹清宵欲盡太虛無  
面目慎無落筆汚冰綃人間平地風波起反笑  
於陵噉糟李富貴榮華都幾時迷者孰能死前  
死須彌芥子云相容神通妙用不空劫大洞

然渠不懷紙鳶能禦毗藍風龍象騰驤何綽  
迴視駑駘空矍鑠悟時一語透塵沙安用才學  
恃宏博維摩方丈傍無邊箇中無礙散花天迴  
途穩、步雙蓮得玄鳥道橫晴煙  
院深、籟蕭、伽陀舒卷度蘭宵若解荷心繫  
珠露便能天外裁雲綃大覺空生一漚起悟斯  
獨有屏山李屏山居士李之純嘗作楞嚴別解為禪客所重穿透楞嚴  
第一機方信菴中人不死个裏家風針不容夢  
回六趣大千空道人受用本無盡明月薄別細

切風香象朋從威綽、獨跳狂獐空矍鑠悲心  
起處了無私濟度塵沙恩廣博不涉中流離兩  
邊下無大地上無天無入無佛臺無蓮淒中碧  
草生芳煙李雲飄水簫、一燈香火過閑宵神清半夜不  
成夢書帷風細揚微綃運應昌期王者起伯愧  
文章輸杜李竊同居易了無生誰羨葛洪學不  
死一榻蒲團膝足容脩然文室塞虛空翻騰密  
箴明佛日詢汰機緣振祖風丹鳳冲霄何綽、

失曉獸郎徒矍鑠人間取舍本千差世路窮通  
如六博幽人嘯詠水雲邊劫外光風自一天閑  
來石上栽紅蓮水無波浪火無煙  
風蕭蕭雨蕭蕭風雨悲涼宵籬菊殘英漬  
黃玉林風脫葉飄紅綃幽人展轉凌晨起邂逅  
門前逢短李殷哀聞道有三仁欲說九疇君不  
死穹廬相語為從容懸河誰辨能談空風神蕭  
散野雀立照人玉樹臨秋風落筆新詩一揮綽  
不似武人誇矍鑠銀鈎筆力掩二王照夜連城

肯輕博他年相約秋山邊秋江一派連秋天閑  
聽菱女歌採蓮輕舟一醉眠秋煙  
衣龍鍾髻飄蕭穹廬停燭坐寒宵翰林遣介贈  
佳句藟芒鳥跡書生綃既倒狂瀾再扶起昔有  
謫仙元姓李今日龍庭忽見君誰道當年太白  
死文章氣象難形容騰龍翥鳳遊秋空筆力萬  
鈎神鬼泣雷轟電掣驅疾風餘裕喜君能綽  
鼓舞為君子矍鑠解讀奇字笑揚雄識壓張華  
能物博與君握手天山邊舉觴相囑望青天他

年雅社結白蓮林泉仗履衝雲煙

和張敏之鳴鳳曲韵

寫蛟螭咳珠璣英姿元棟

一作碧梧棲彬

文

彩自光輝有材希晉用失志欲劉依薦君誰肯  
惜噓吹洪才大筆識君稀鯤游翻海震鵬舉翥  
天飛問渠蟾窟攀仙桂何似冥山破鐵圍人間  
強認假生死世上本無真是非濃歡殢春夢晚  
景嘆殘暉夢斷日沉真可笑輸却禪人向上機  
遮眼閑經卷蒙頭壞衲衣息念竭凡聖無心應

順違震風威橫擔柳標萬山歸

和孟駕之韻

平陽聞有鄒人孫封書上我僅萬言討論墳典

造極致商權古今窮深源文章高出蘓黃輩英

雄不效秦儀志小圖仁義濟元天冀北無雙瑚

璉器淪落塵埃德不孤梅軒結友天一隅我惜

鹽車困騏驥騰驤未得踏亨塗瓦甬繩樞甘儉

薄詩腸雷轉充糟粕他日佳聲聞九天富貴之

來不得却丁年黃卷樂平生鄉閭一諾千金輕

滄浪清處閑濯纓才名高價如連城筆下有神  
詩有眼五車書史窮編簡一高舉登甲乙科曾  
對閭闔持手版天兵一鼓下睢陽旌旗整陣  
堂、玉石俱焚君子隱北度來依日月光徒步  
黃塵千里遠猶抱遺經究微婉天產昂藏一文  
夫三十未遇非為晚聞望卓冠儒林叢燦然星  
宿羅心胸馳驟大方孰並駕絕塵奔逸其猶龍  
君似錕鍔玉可切錕鍔不是尋常鐵利穎神鋒  
人未知寶匣空閑三尺雪何時搜出蟄龍鞭一

聲霹靂轟青天歲旱須君作霖雨拔茅進用其  
茹連天子明堂求國棟鵬飛全藉天風送鳳池  
波暖百花新詠遊不作江湖夢

和陳秀玉縣梨詩韻

石門九月西風高

梨出于石門之北遵化縣

縣梨萬樹金垂

梢清溪

秀玉道號也

千里携贈我籐筐初發香盈包

謫仙風度清溪亞春風曾飲梨花下不用紅粧  
唱採蓮醉望青天歌二雅我有斗酒清且醇同  
君薦此鸞黃新初見分香剖金卵更看削玉飛

霜鱗縹葉紫條何足語夜光安可同魚目文園  
塵渴政難禁咀嚼冰雪荆香玉

和冀先生韻

東垣士大夫以興王聖德詩見寄用

酬雅意

運出三爻兌以太一推龍飛九五乾要荒歸化

育豪哲入陶甄有幸恩涵海無私德應天偏師

收百越一鼓下三川天子能身正元戎不自賢

重光道同軌累聖德相聯策決九重內功歸萬

乘權羣雄哀稽顙多士喜磨肩輔弼規左右丞

疑贊後前開夷逾漢武平叛跨周宣冠帶通窮

域車書過古坻覽機雲母障受諫翠華駟款塞

諸蠻洞來朝百濟舩降王趨陞闕強虜列氓編

淨埽妖氛變潛消烽火煙詞臣遊館閣幽隱起

林泉堯舜文明盛高姬禮樂全九成合古奏二

雅詠新篇世卜千年世年斯億兆年宗親成業

固國祚等取綿聖政輿人頌天威萬古傳勉旃

封禪事不用策安邊



嫌甜酒彩筆天才厭小詩七步賦成文燦爛千  
鍾不惜錦淋漓一作子何當杖屨遊平水得預  
君家吟醉時

鄭師始從聖安澄老借書歸下知開入下不  
湛然竊語寄西堂此箇因緣果異常陽老十門  
到結案欽公五派強分賦劍逢劍客湏拈出詩  
遇詩人何必藏居士病多諳藥性聖安得效不  
傳方

書題西庵所藏佛牙二首

殷勤敬禮辟支牙緣在西庵居士家午夜飛光  
驚曉月六時騰焰燦朝霞一番頂帶因初結七  
轉生天果不差庸士執方猶未信防風安得骨  
專車去與林泉大興  
旃檀奩裏貯靈牙來自中天尊者家瑩色令奪  
秋夜月真光明射晚晴霞本同舍利元無別疑  
是金剛事有差猶憶廣長舌左右阻嚼風雨震  
雷車

和移刺繼光韻二首

舊山盟約已愆期一夢十年盡覺非瀚海路難  
人去少天山雪重雁飛稀漸驚白髮寧辭老未  
濟蒼生曷敢歸去國遲來情幾許倚樓空望白  
雲飛  
不事王侯懶屬文時危何處覓元勳他年收拾  
琴書去笑傲林泉我與君

陰山千里橫東西秋聲浩一鳴秋溪猿獠鴻鵠  
不能過天兵百萬馳霜蹄萬頃松風落松子鬱

鬱蒼一映流水天丁何事誇神威天台羅浮移  
到此雲霞掩翳山重一峯巒突兀何雄古來  
天險阻西域人煙不與中原通細路縈紆斜復  
直山角摩天不盈尺溪風蕭一溪水寒花落空  
山人影寂四十八橋橫雁行勝遊竒觀真非常  
臨高俯視千萬仞令人凜生恐惶百里鏡湖  
山頂上旦暮雲煙浮氣象山南山北多幽絕幾  
派飛泉練千丈大河西注波無窮千溪萬壑皆  
會同君成綺語壯竒誕造物束手神無功山高

四更纔吐月<sup>八月</sup>山峰半埋雪遙思山外屯邊兵西  
風冷徹征衣鐵  
羸馬陰山道悠然遠思寥青巒雲鵲黃葉雨  
蕭蕭未可行周禮誰能和舜韶嗟吾浮海粟何  
礙八風飄  
八月陰山雪滿沙清光凝目眩生花種天絕壁  
噴晴月擎海層巒吸翠霞松檜叢中疏畎畝藤  
蘿深處有人家橫空千里雄西域江左名山不  
足誇

陰山竒勝詎能名斷送新詩得、成萬疊峰巒  
擎海立千層松檜接雲平三年沙塞吟魂遯一  
夜擅穹客夢清遙想長安舊知友能無知我此  
時情  
河源之邊鳥鼠西陰山千里孺子溪倚雲天險  
不易過驢驘踣蹙追風蹄簽記長安五陵子馬  
似遊龍甲如水天王赫怒山無神一夜雄師飛  
過此盤雲細路松成行出天入并實異常王尊

疾驅九折坂此來一顧應哀惶崢嶸突出峰峭  
直山頂連天纔咫尺楓林霜葉散蕭騷一雁橫  
空秋色寂西望月窟九譯重嗟呼自古無英雄  
出關未盈十萬里荒陬不得車書通天兵飲馬  
西河上欲使西戎獻馴象旌旗蔽空塵漲天壯  
士如虹氣千丈秦皇漢武稱兵窮拍手一笑兒  
戲同整山陵海匪難事剪斯羣醜何無功騷人  
羞對陰山月壯歲星鬢如雪穹廬展轉清不  
眠霜匣開殺錐鋸鐵

復用前韻唱玄一  
天涯流落從征西寒盟辜負梅花溪昔年學道  
頗得趣魚兔入手忘筌蹄殘編斷簡披莊子曰  
日須當誦秋水誰知海若無津涯河泊源流止  
於此人間醫缶紙數重太玄強草啜楊雄高卧  
蒿萊傲唐室清風千古獨王通曲者自曲直者  
直何必區較繩尺一筆劃斷閑是非萬事都  
忘樂岑寂功名半紙字幾行競羨成績書太常  
只知牢筭饗芻豢不思臨刃心悲惶何如打坐

蒲團上叅透昇平本無象一鉞一鉢更無餘容  
膝禪庵僅方丈從教人笑徹骨窮生涯元與千  
聖同鳥道雖玄功尚在不如行取無功歸來  
踏破澄潭月大冶洪爐飛片雪且聽石女鳴巴  
歌萬里一團無孔鐵重太文卓如對高相  
口當用前韻送王君玉西征二首無成上  
湛然送客河中西西域城名也乘興何妨過虎溪清  
茶佳果餞行路遠勝濁酒烹馳蹄結交須結真  
君子君子之交淡如水一從西域識君侯傾蓋

交歡忘彼此當年君卧東山重守雌默元知  
雄五車書史豈勞力六韜三畧無不通詩詠珠  
璣無價直青囊更有琴三尺奉命西來典重兵  
不得茅齋樂真寂魚麗大陣兵成行師布置  
非尋常先生應詔入西域一軍駭異皆驚惶武  
皇習戰昆明上欲討昆明致犀象吾皇兵過海  
西邊氣壓炎劉千萬文先生一展才畧窮百蠻  
冠帶文軌同威德洋洋震天下大功不辜方為  
功隱居自有東山月風拂松花落香雪退身叅

到未生前方信秤鎚元是鐵

先生應詔將征西湛然送客涉深溪徘徊一舍  
未忍去兵車暫駐天駒蹄猶憶今春送君子桃  
李無言映流水寒暑推遷奈老何秋風草律重  
來此關山險僻重復重西門雪耻須豪雄定遠  
竒功正今日車書一泐華夷通先生純孝如天  
直詎為直尋而枉尺功成莫戀穀利場便好回  
頭樂玄寂故山舊隱私千行竒峰怪石元異常  
前日盟言猶在耳猿雀思怨恐悲惶我擲直鉤

魚不上須信遊鱗畏龍象真鴻一舉騰秋空誰  
羨文章光萬文道兮人作非天窮區區何必較  
異同語默行藏在乎我退身奚論無成功安東  
幸有閭山月萬頃松風萬山雪收拾琴書歸去  
來脩心須要金成鐵  
卷二  
科後進如流水蟄龍猶未試風雷萍泛蓬飄而

至此緼袍毋分百結重不學亂世姦人雄忘憂  
樂道志不二守窮持變則通歲寒松柏蒼  
直摩雲直待高千尺桃李無言蹊自成此君冷  
淡人何寂生平耻與噲伍行杜門養拙安天常  
澤民致主本予志素願未酬予恐惶否塞未能  
交下上何日亨通變及象不圖廊廟為三公安  
得林泉叅百文居士身窮道不窮庸人非異是  
所同筆頭解作萬言策人皆笑我勞無功流落  
遐荒淹歲月贏得飄蕭雙鬢雪謀生太拙君勿

強不如嗣宗學鍛鐵  
金烏日西飛西溜綠水流長溪流波一去  
不復返逐日恨無八駿蹄窮理達生獨孔子嘆  
夫逝者如斯水歲不我與其奈何兩鬢星尚  
如此曩時鑿破藩垣重澤民濟世學英雄風雲  
未會我何往天地大否途難通霜匣神劍蒼龍  
直切玉如泥長教尺利器深藏未人知豐城埋  
沒神光寂讀書一目下教行金石其心學王常  
學術忠義兩無用道之將喪予憂惶有意攀龍

不得上徒勞牙角拔犀象唯思仁義濟蒼生豈  
為珍羞列方丈簞瓢陋巷甘孤窮鴻鵠安與燕  
雀同天與之才不與地反冷豎子成其功安得  
光明依日月功名未立頭如雪問君此錯若為  
多使盡二十四州鐵重報行世善興賦風事  
走世昔過濟源和香山居士韻向而詩是公故  
覃懷勝遊地濟瀆垂名久忽見樂天吟笑我輸  
先手麗詞金玉振老筆風雷走乘興試續貂旆  
我談天口平湖湧泉注清涼瑩無垢憑檻瞰連

漪風髯塵抖擻龍孫十萬竿箭蘄濃陰厚沁水  
濟源東天壇玉屋右秀色已可滄何須杜康酒  
步小摠堪詩佳篇如素有履酬淡相對獨有龍  
岡叟亭上幾徘徊斜陽西入酉晚年歸意切對  
此空沉首何日遂初心營居碧林後一作翠林和王

今昔身和裴子法見寄世問辭天上轉輪葉下  
人生多幾何半被功名役一旦燕山破西行過  
千驛顛沛不違仁先難而後獲鸛鷦捐腐鼠烏  
驚其勿嚇扈從出天山從容游大石琴書澹相

對尚未忘丘索前歲入關中戈兵克商號明詔  
典蘭省自愧承深責秦隴成劫仄京索空陳迹  
長河尚濁流南山自濃碧把酒酌青天興亡吊  
今昔長安非衣君壯年學問積天上麒麟英才  
可珍惜詩魔素月高飲量滄溟榨清談咳珠玉  
便腹筍經籍服君百韻詩謝子萬言策易道已  
變屯世交當應華淮陰正虛襟左陣宜籌畫頭  
要蓮峯手乾坤再開闢昂藏綠野翁真我龍門  
客風濤壑丹烟請殺七萬軍龍龍氣

用李德恒韻寄景賢

牢落十年扈御營瑤琴忘盡水仙教酷思詩酒  
閑中樂見說千戈夢裏驚林下因緣千古重人  
間富貴一錢輕此身未退心先退獨有龍岡識  
我情

過天德和王輔之四首

天縱吾君大聖人天兵所指弭煙塵三齊電掃  
何須灑六國雷驅不用秦誅佞未聞曾請劍劾  
奸誰肯試埋輪伴食黃閣空無輔自笑龍鍾一

老臣  
六師嚴駕渡長河  
師不留行誰敢何  
千里旌旗  
翻錦浪一轂金鼓  
震寒波  
殷匹誰道三仁在  
康  
滅空傳五子歌  
唾手要荒歸一統  
漢唐鴻業未能過  
積年叨祿領台司  
位重才微甚不宜  
地上流錢  
慚晏美樽前決勝  
愧良惟過實聲聞  
在人口似  
直愚忠結主知  
三徑荒涼松菊在  
他時舍此復  
何之

愍老先生本素臣  
洪才大筆力千鈞  
沽名不築  
傳岩板賈世誰  
垂渭水綸舟泛五湖  
希范蠡腰  
懸六印笑蘇秦  
韋編三絕鮑犧易  
蕭散風神真  
隱人

魏安席上和張梅韻

甘薺五溪人不採  
兩京高價賣秤斤  
君方淪落  
羞看我亦飄零  
懶問君人遠  
空殘眉上黛  
愁深不整鬢  
邊雲誰憐古戍寒  
窗下新樣枝成織  
錦文

思親有感二首

游子棲遲久不歸，積年溫清闕慈闈。囊中昆仲  
親書帖，篋內萱堂手製衣。黃犬不來愁耿耿，白  
雲空望思依依。欲憑鱗羽傳安信，綠水西流鴈  
北飛。

伶仃萬里度西陲，壯歲星星兩鬢絲。白雁來時  
思北闕，黃華開後憶東籬。可憐游子投營晚，正  
是孀親倚戶時。異域風光恰如故，一銷魂處一  
篇詩。

無名氏思友人  
落日蕭蕭萬馬聲，東南回首暮雲橫。金朋蘭友  
音書絕，玉軫朱絃塵土生。十里春風別野店，五  
年秋色到邊城。雲山不礙歸飛夢，夜夜隨風到  
玉京。

贈李郡王筆  
管城從我自燕都，流落遐荒萬里餘。半札秋毫  
裁翡翠，一枝霜竹剪瓊琚。鋒端但可題塵景，筆  
下安能畫太虛。聊復贈君為土物，中書休笑不

中書李郡王嘗為

遠西執政

寄雲中卧佛寺照老

像教中微祖意沉盧能嫡子起予深看經不怕  
牛皮透公見閑藏着眼常聽露柱吟行道樵居  
卧佛寺活機特異死禪心凭君摘取空華實好  
種人間無影林

寄平陽淨名院潤老

昔年平水便相尋握手臨風話素心刺燭賦成  
無字句按徽彈徹沒絃琴風來遠渡晚潮急雨

過寒塘秋水深此樂莫教兒輩覺又成公案滿  
叢林

贈雲川張道人

雲川道士有詩教刻篆雕虫醉未醒素扇自甘  
贈碧笠因西人奪笠渠玄鶴不官挽黃庭春秋  
榮悴悲椿木晦朔生凋笑瑞莫何似廊開真日  
月區、燭火任榮、

贊李俊英所藏觀音像

白衣大士足威神蓮智興悲詎可陳金色界中

垂萬臂碧蓮花上露全身鎮州鑄就金難似天  
竺鑄未玉未真不識觀音真面目燕吟鶯語過  
殘春

題西庵歸一堂

博霄元帥築西庵于廳事之隅以舍  
沙門建歸一堂置三聖廟貌屏山居  
士有云卷波瀾于聖學之域徹藩籬  
于大方之家其博霄之謂乎偶得亂  
道韻詩錄呈諸士大夫幸希光和不

蘇真林公請西庵上人書之楹棟間為他時林  
自錄一語下清話張本云

三聖真元本自同隨時應物立宗風道儒表裏

明墳典佛祖權寔透色空曲士寡聞能異議達

入大觀解相融長沙賴有蓮峯掌一撥江河盡

入東

和景賢還書韻二首

居士今年又出閑琴書真味伴子閑簡成草畧  
初無意語闕治擇誤犯顏添水自慚貽口實龍

岡却得破詩慳哀翁幸乞贖前過一灶清香論

八還今平入出關琴書真本和七關商也草

淵明幽隱掩柴閑琴已止絃人亦閑靜倚書窗

獨寄傲笑觀庭樹自怡顏五音格外散何限百

草頭邊法不慳蠹譜斷絃無用處因風得已寄

詩還景賢索絃譜故有是句此句空曲士真關商吳神

二望真外道李浩求歸再用韻示景賢

自從一箭透重關觸處忘緣觸處閑莫問羔裘

橫毳衲從教華髮映蒼顏水散說法起予甚山

色呈機不我慳寄客天涯樂如許問渠何必更

南還

出關黃外道李浩和景賢霏字韻予再和呈景

林相真賢全語張萊一五空並變血智本殊名

緣劃斷已忘機布鼓徒敲和者稀中隱強陪

人事過禪心不與世情違昔年勲業真堪笑舊

日家山懶欲歸我愛北天真境界乾坤一色雪

花霏

和楊居敬韻二首

自愧才術草芥微偶然千載遇明時唯希一統  
王家義何暇重思晁氏危仁義且圖扶孔孟縱  
橫安宥微秦儀行看堯舜澤天下萬國咸寧庶  
績熙  
詔下龍庭萬國歡野花啼鳥聽欣然熙朝通  
符千億聖主龍飛第一年至道變通皆有數浮  
生富貴本由天誰人得似楊公子傲世高吟數  
百篇

過天寧寺用彥老韻二首

十年不得舞衣斑行盡天涯萬里山黃閣伴食  
空皓首蒼生未濟謾胡顏新朝兵革征方急舊  
隱烟霞尚未還衰々簿書塵滿眼衰翁奚暇謁  
松關

今日從征亦偶然天寧遐想思懸々貪榮不得  
還山去須信衰翁未苦賢  
過天山周敬之席上和韻二首  
淪落天涯數十秋區々班筆早年投採薇山下  
慵拈草洗耳溪邊懶飲牛振武揚威難射虎忘

機絕慮不驚鷗當年射策承明殿未必輕天輸  
呂籌  
憩馬居延酒半醺寂寥寒館變春溫未能鵬翼  
騰溟海不得鴻音過雁門千里雲烟青塚暗一  
天風雪黑山昏天涯幸遇知音士仔細論文共  
一樽

西海皇、無所歸夢寬常遠故園飛海山不羨  
學居易華表留言笑令威毛落難尋蘓子節囊

空猶有老萊衣靜思二十年間事擾、紛、盡  
覺非

科登甲乙戰文圍吾子才名予獨知  
君易樂蕭曹勲業我難為有恒得見實無憾知  
已相逢未忍離携手河梁重話舊胡然羞和子  
卿詩  
行藏俯仰且隨時緼袍懷珠人未知燕雀既羣  
難獨立鳳凰不至擬胡為可嗟世態頻更變何

奈人生多別離莫忘天山風雪裏湛狀駝背和

君詩子昨至沙井乘牛車過前路驕駝方達行

在偶得隔句一聯云牛車馳傳頗異相如

駟馬車馳背吟詩不信再過晉陽獨五臺開化二老不遠迎

高岡登陟馬玄黃落日西風過晉陽道士歡迎

捧林果儒冠遠迓絮壺漿五臺強健頭如雪開

化輕安髻未霜誰會二師深密意趙州元不下

禪牀

過青源謝汾水禪師見訪

汾水禪師箇裡人杖藜尋我過青源半盃紅果

情何厚一盞清燈話細論山水景中君得意兵

戈堆裏我銷魂他年相約雲深處松竹蕭蕭靜

掩門

王屋道中

勝克河中號令齊神兵入自太行西昏：煙鎖

天壇暗漠：雲埋王屋低風軟却教冰泛水作

冰解寒輕還使雪成泥行吟想像卓懷景多少

梅花坼玉溪

湛然居士文集卷第二

林外世王... 天... 亦... 湛然居士文集卷第二

湛然居士文集卷第三

中書令

移刺楚材晉鄉

猛士彎弓挽六鈞長驅入汴政施仁前朝運謝  
山河古聖世時亨雨露新未遇自甘焚綠綺知  
音不必惜陽春朝廷將下搜賢詔莫戀煙霞老  
此身

用萬松老人韵作十首寄鄭景賢  
種廬同祗足談道月西沉議論馨香發文章蘊

藉深正便邊氏腹不上謫仙襟自得逍遙意何  
須泊鄧林

豐城三尺劍神器尚埋沉確論穿楊的生機劈  
筭深天真貯便腹浩氣塞征襟佇看澤天下清  
風冠士林

破船無滲漏流水不能沉露瑣青山秀花巖古  
徑深白雲陪野興晴月洗煩襟絕後重甦息飛  
花枯木林

隱三星出依六片月沉雀飛遠海濶猿嘯楚  
山深柳色雲霑袖蘆花雪滿襟普天秋意露一  
葉墜梧林

玄珠羅帳密寒鼎篆烟沉翡翠疎簾隔琉璃古  
殿深本來無垢體何必拂塵襟斫却蟾中桂方  
成般若林

鰲餌不須針聊將玉線沉須彌猶未大渤海豈  
為深悟後牛穿鼻迷時馬有襟弋人何所慕幽  
鳥在蒿林

箇事不容針迷途自陸沉西天三步遠東海一

孟深涼月盛玄鉢輕雲剪素襟曹溪無一滴波  
浪沸禪林

流波無放蕩死水暮平沉梳盡方鉤隱綸空正  
釣深赤心休惜口青眼好開襟談捉溪中月人  
人似翰林

夢覺方知錯生平自屈沉滌塵千澗外遺照亂  
松深柳帶縫穿屣荷衣綴破襟寂寥選佛味何  
似宴瓊林

漁家何是好乘興一釣沉路僻蒼苔滑舟橫古  
渡深小晴掀弱笠微雨整蓑襟夢斷知何處寒  
潮沒晚林

萬松老人真贊

昔無盡居士題恒岳廟云聰明厭血  
食悔不值亢珪茲因恒州四衆敦請  
萬松老人師不行且以頂相付之門  
弟湛然居士再拜而贊之曰  
每恨恒山不逢珪老四衆同緣萬松親到

萬松老人琴譜詩一首

萬松老人索琴并譜予以承華殿春  
雷及種玉翁悲風譜贈之  
良夜沉々人未眠桐君橫膝叩朱絃千山皓月  
和煙靜一曲悲風對譜傳故紙且教遮其眼散  
塵何礙汚函禪元來底許真消息不在絃邊與  
指邊

寄曲陽成壇會首大師

四衆飛書請萬松不消彈指已成功燈籠證據  
真談辨露柱承當不耳聾梵行細推無處所戒

壇湏信塞虛空無為濟物誰能悉惟有東垣月  
拂風

和王巨川韻

聖駕徂征率百工貔貅億萬入關中周秦氣焰  
如雲變唐漢繁華埽地空灞水尚存官柳綠驪  
山唯有驛塵紅天兵一鼓長安克千里威聲震  
陝東

釋真

王巨川能于灰燼之餘草創宣聖廟

以己丑二月八日丁酉率緒士大夫  
釋而奠之禮也諸儒相賀曰可謂吾  
道有光矣是日四衆奉迎釋迦遺像  
山莊即行城歡敬沸僕皆頓其禮作是請  
多士雲奔莫止下釋迦遺像亦行城旌幢錯落  
休迷色鐘鼓鏗鏘豈在聲宣父素心施有政能  
仁深意契無生儒流釋子無相諷禮樂因緣盡  
假名詎基蓋空無

和移刺子春見寄  
四海皇：足俊賢浪陪扶日上青天且圖約法  
三章定寧羨淳滌六印懸潤色吾術惟恐後扶  
持天下敢為先過情敬聞予深恥可笑虛名到  
處傳  
生遇干戈我不辰十年甘分作俘臣施仁發政  
非無據論道經邦自有人聖世規模能法古汚  
俗習染得惟新英雄已入吾皇彀從此無人更  
問津

且喜朝廷先正名林泉隱逸摠公卿羣雄一遇  
風雲會萬國咸觀日月明丹鳳固應潛亂世白  
麟自合出升平竚看一作快過北關岳溫詔夜  
半前席進賈生永十廿廿亦對五亦對五亦對五  
舉世寥：識我誰未學弓矢愧由基哀年有幸  
彈三樂盛世無才出六奇弃物且存光海量散  
才獲用荷天私微臣自忖將何報信筆裁成頌  
德詩

邂逅沙城識予初天山風雪醉吟餘文章光焰

君堪羨節操儀刑我不如麴蘖鄉中前進士渠

詩云老去惟耽麴蘖春故有是句風波堆裏老中書他年歸去

無相弃同到閭山舊隱居無不長青風即其

寄移刺國寶天山青寄詩賦以甚立

昔年萍迹旅京華曾到風流國寶家居士為予

嘗喫素先生愛客必烹茶明窓揮麈談禪隨淨

几焚香頂佛牙回首五年如一夢中不覺過

流沙公所藏佛牙甚靈異信未立山即疏跡自然中出世

寄景賢十首

龍岡能覓淡中歡心與孤雲自在閑琴阮生涯  
 事松菊詩書活計老丘山叩絃散句無中出得  
 句詩從天外還踏破化工無盡藏閑人受用亦  
 非慳  
 龍岡漆水兩交歡縱意琴書做老閑未得一言  
 安海內已翰三箭定天山肯容詩思妨心慧豈  
 使散塵礙耳還信手枯米無不是清風明月有  
 何慳  
 人間聚散妄悲歡何以林泉遊世閑十載殘軀

游瀚海積年歸夢遶閭山

先人舊居也

空岩猿雀扣

予往還駕琴書伴我遠多謝龍岡憐老隱新詩

酬酢路無慳

絃索詞章且助歡羨渠臨老得安閑琴歌愛子

彈秋水詩句服君仰泰山散古調淒真可聽辭

雄韵險竇難還先難後易今方省居士襟懷本

不慳

官情觸處不成歡未得浮生半日閑薦鴟有書

慙北海澤民無術愧東山琴書習氣終難忘巖

麓荒園怎得還  
小隱龍岡成老律  
肯教詩思筆頭慳

廣文憐我失清歡  
每著琴詩伴我閑  
痛憶金轂并玉振  
酷思流水與高山  
詩壇浴畜猶深閉  
琴債遷延未肯還  
一狀如今都領過  
龍岡須破兩重慳  
琴書吾子盡幽歡  
隨分消磨日月閑  
佳句典刑傳四海  
水仙散韻徹三山  
每慚木李校君去  
却得瓊瑤報我還  
從此龍岡開廩藏  
徽邊筆下更

無慳

世間何事最為歡  
爭似能偷忙裏閑  
得遇夜晴須對月  
每逢春盛強登山  
無錢沽酒和衣典  
作和琴圖利吟詩倍本還  
綺語千章琴百曲  
莫教風月笑人慳

我與先生久已歡  
而今皆願老來閑  
同舟載棹醉觀月  
並轡騎驢飽看山  
綺句綴成連譜換  
純音彈了著詩還  
琴詩此際慵拈出  
可怨龍岡為紙慳

閑人閑裏竟閑飲未得迴光未是閑叩道一螺  
斟巨海叅玄千里望恒山但能透鏃穿三句何  
必拖泥辨八還箇事人皆富有舍生休怨釋  
迦慳  
和景賢韵三首  
龍岡便腹盡詩書落筆雲烟我不如一紙安書  
思塞雁十年歸興憶鱸魚託身醫隱君謀妙委  
跡儒冠我計疎何日相將歸故里翠微深處卜  
幽居

龍窰走筆和清篇出示珠璣寄湛然字古意新  
看不足挑燈寒雨夜無眠

摩撫瘡痍正似醫微君孰宜極時危萬金良策  
悟明主厚德深仁四海施

和李世榮韻

異同誰定據俯仰且隨緣居士難聯句梅軒却  
解禪無雲昏皓月何處不青天話到忘言處過  
過夜不眠

和景賢十首

龍岡居士得賢君聞道賢君僧所聞節操鶴雛  
捐鼠餌風神野雀立雞羣只知輔嗣能談易誰  
識相如善屬文擬欲贊君言不盡區區微意見  
詩云  
天下竒才鄭使君清名不使世人聞五車書笥  
獨窮理三峽詞源迥出群未得開懷重話舊常  
思抵足共論文自將一識龍岡老餘子絲不  
足云  
一聖龍飛敢擇君嗟予潦倒尚無聞蒼生未識

鴻鵠志皓首甘游麋鹿群黃雀已歸矣望報彩  
禽飛去不能文龍岡特慰孤窮悶時有新詩報  
我云

試我新詩寄鄭君無顏談道不聞心治心更索  
捐中道養性渾如鞭後羣玄語諄々非是說真  
君歷々不閉文儒生束教嫌虛誕得意忘言孔  
子云  
文章自愧不如君敢以玄言瀆所聞有道居塵  
何異俗無心入獸不驚羣重玄消息無多子半

紙功名直幾文回首死生猶是幻自餘何足更  
云  
換韻

十年不遇一相知恰識龍岡恨見遲常愛箕山  
能洗耳何堪鄰舍傲顰眉榮枯貴賤難逃數用  
舍行藏自有時心事紛々無處說援毫閑和景  
賢詩

感事

萬里西來過月氏初離故國思遲遲  
人情慚愧

三鬚面入世梳粧半額眉田上野父空嘆鳳澤  
邊漁父不傷時龍岡本具英雄眼幾倩東風寄  
我詩

讀唐詩有感

林甫滔天聖不知三郎深恨識鄉遲塵中妃子  
春羅襪錢上開元指甲眉七夕殿中祈巧夜三  
秋原上摘瓜時長天忽見飛來雁垂淚空吟李  
嶠詩  
季楊相繼領台司  
兵起漁陽禍已遲  
向惜正憐

花解語而今空憶柳如眉心傷桃李初開夜腸  
斷梧桐半落時試問宮中誰第一三郎猶記謫  
仙詩王詩不詳身入宮中來取世氣空令李  
往來寒暑暗推移下手脩行猶太遲迷後徒勞  
常捏目悟來何必更揚眉宗門淘汰宜窮理道  
眼因緣貴識時祇為尤留心猛利湛然剛寫不  
言詩

龍岡醫隱本知機薰藉同盤辨者稀廊廟虛名

無意戀林泉夙願與心違羨君綽有餘裕笑  
我皇無所歸尚憶當年垂釣處一江烟雨靜  
霏

王孫蒙饋飯靈輒未扶輪自笑孤窮客誰憐衰  
病身黃沙萬餘里白髮一孀親腸斷山城目徘  
徊照遠人

荒城蕭洒枕長河古寺碑文半滅磨青塚路遙

人去少黑山寒重雁來多正愁曉雪冰生視不  
忿西風葉墜柯偶憶先君舊遊地潛然不奈此  
情何

依然千里舊山河事改時移隨變磨巢許家風  
烏可少蕭曹勛業未為多可傷陵變須耕海不  
待碁終已爛柯翻手榮枯成底事不如歸去入  
無何

過夏國新安縣時丁亥九月望也

昔年今日渡松關西域陰山有松關車馬崎嶇行路難

瀚海潮噴千浪白一作千里雪天山風吼萬林丹氣

當霜降十分爽月比中秋一倍寒回首三秋如

一夢夢中不覺到新安

過青塚用先君文獻公韵尚青

漢室空成一土丘至今曾未雪前羞一作可惜

丘佳人猶自夢中羞不禁出塞陟沙磧最恨臨軒辭冕旒

幽怨半和青塚丹闌雲常鎖黑河秋滔天整

東流水不盡明妃萬古愁

過青塚次賈搏霄韵

當年遺恨嘆昭君王貌冰膚染塞塵邊塞未安  
嬪侮虜朝廷何事拜功臣朝雲鴈唳天山外殘  
日猿悲黑水濱十里東風青塚道落花猶似漢  
宮春  
延壽丹青本誑君和親猶未斂胡塵穹廬有恨  
殞戎主泉壤相逢愧漢臣玉骨已消青塚底香  
魂猶遠黑河濱愁雲暗鎖天山踞野草閑花也  
怨春新  
再用韻以美搏霄之德風厲萬林  
解

去歲雲川始見君澄之胸次淨無塵南斗第一  
珪璋士冀北無雙柱石臣公領師職故云萬頃雲松斜  
谷外千竿冰竹渭河濱他年歸隱重相訪無影  
林間別有春

再用韻自嘆行藏

箕裘家世忝先君慚愧飄蕭兩鬢塵自右山河  
歸聖主從今廊廟棄愚臣常思卧隱雲鄉外肯  
傲行吟澤國濱驛使不來人已老江南誰寄一  
枝春

再用前韵感古

宣尼名教本尊君  
賊子干常犯蹕塵  
鹿失羸秦無令主  
鼎分炎漢有能臣  
宋朝南渡尤天  
水遼室東傾罪海濱  
回首興亡都莫問  
不如沉醉瓮頭春  
再用前韵感古  
重玄不惜說知君  
又恐重添眼裏塵  
臨濟唱中分生客  
洞山言下辨君臣  
持鈴普化搖空裏  
垂釣華亭沒水濱  
勘破這般閑伎倆  
鐵林花發切

前春

過雲川和劉正叔韵

西域風塵汗漫游  
十年辜負舊漁舟  
曾觀八陣雲變速  
親見三川席卷收  
煙鎖居延蘓手恨  
雲埋青塚漢家羞  
深思籬下西風醉  
誰羨班超萬里侯

過雲中和張伯堅韵

一掃氐羗破吐渾  
群雄悉入北朝吞  
自憐西域十年客  
誰識東舟八葉孫  
射虎將軍皆建節  
籠

飛天子未更元我慙才畧非良器封禪書成不  
敢言

過雲中和張仲先韻

致主澤民本不難言輕無用愧偷安十年潦倒  
功何在三徑荒涼盟已寒巖下藏名思傳說林  
間談道謁豐千挂冠神武當歸去自有夔龍輔  
可汗

過雲中和王正夫韻

白雪陽春寡和音誰人解聽沒絃琴詩書事業

真堪笑刀筆功名未可欽不信西天三步遠馬  
知東海一杯深元來佛法無多子何必嵩山謁  
少陵

過白登和李正之韻

十年淪落困邊城今日龍鍾返帝京運拙不須  
求富貴時危何處取功名騰驤誰識孫陽驥俊  
逸深思支遁鷹客裏逢君贈佳句知音相見眼  
偏明

過天城和靳澤民韻

西征扈從過龍庭誤得東州浪播名琴阮目錄  
真有味詩書事業拙謀生咄嗟興廢悲三嘆倏  
忽榮枯夢一驚何日解官歸舊隱端園松菊小  
菴清  
十年餘過武川贈散令人  
班姬流落到而今聞道翻身入道林歌扇舞裙  
忘舊業藥爐經卷半新吟閑眠白晝三杯酒靜  
對青松一曲琴更看他年棲隱處逢山樓閣五  
雲深

過燕京和陳秀玉韵五首  
回首親朋半土丘嗟予十稔浪西遊半生兵革  
慵開眼一紙功名暗點頭下士笑予謀計拙至  
人知我謂心憂再行不憚風涉惡霍跡雲蹤任  
去留  
君恩猶未報三丘自笑遐方汗漫遊客過玉關  
驚白髮要游金谷覓蒼頭冷官待罪予為歎陋  
巷居貧君不憂猶望道行澤四海敢辭沙漠久  
淹留

孤死曾聞尚首丘悲予去國十年遊崑崙碧敢  
日落處渤海西傾天盡頭君子云止真我恨斯  
文將喪是吾憂尚期晚節回天意隱忍龍庭且  
強留  
餘生不得樂林丘猶憶丁年選勝遊綫帙殘編  
聊映眼一張衲被且蒙頭貔貅已報西門役柱  
石猶懷東顧憂自料荒疎成棄物菟裘歸計乞  
封留  
空驚滄海變陵丘白晝分明夢裏遊除安楔邊

重出楔永真頭上更安頭亨通富貴剛生喜惱  
苦悲愁強作憂斫斫葛藤閑伎倆繫驢橛子不

須留

還燕京題披雲樓和諸士大夫韵

閑上披雲第一重離、禾黍漢家宮窗開青瑣

招情色簾捲銀鈎揖曉風好夢安排詩句裡閑

愁分付酒杯中靜思二十年間事聚散悲歡計

夢同

和威寧珍上人韵

十載西遊志已灰南征又自大梁迴扶持佛日  
慙無力贊翊皇風愧不方舊約未能林下去新  
詩常寄國邊來何時杖屨烟霞裡一笑伸眉得  
共陪  
陶公和李德脩韻  
明：聖主萬邦君神武彫弓挽六鈞時有逸人  
遊闕下更無騷客吊江濱衣冠師古乘殷輅曆  
日隨時建夏寅厚德深仁施萬世巍然一代典  
謨新

湛然居士文集卷第三

湛然居士文集卷第四

湛然居士文集卷第四  
中書令 移刺楚材晉卿

和呂飛卿釣  
舊說飛卿詞翰全風神  
渾似晉名賢  
吟詩校子  
三十里押韻輸君一着先  
筆迹查牙森似戟  
詞源浩汗注如川  
好詩好字獨予得  
準備携將帝里傳

再用韻贈國華  
學道宗儒難兩全  
湛然深許國華賢  
儒門已悟

如心怒道藏能窮象帝先似海詞源涵萬外如  
鯨飲量吸長川而今一識君侯面始信清名不  
浪傳

謝飛卿餞詩

一鞭羸馬渡天山偶到雲川暫解鞍獨守空房  
方文穩更無薄酒一杯殘詩書半蠹絕來客全  
甌生塵笑冷宦賴有覺非飛卿號隣野拙長鬚為  
我饋盤飧

再用韻紀西遊事

河中

西域尋思子城西  
遠日為河中府

花木蔽春山爛賞東風

縱寶鞍留得晚衣過臘半藏來秋果到春殘親  
嘗芭攬寧論價自釀蒲萄不約官常嘆不才還  
有幸滯留遐域得佳飧

再用韻贈搏霄

以搏霄戒內罷鷹犬故  
以是詩美之

凜冽風神白玉山罷遊鷹犬逞金鞍瑶琴高掛

么絃絕犧易頻翻斷簡殘息念如僧還有髮忘  
形見客似無官伽佻誦罷炉薰冷一鉢疏羹當  
曉食

再用韻謝非熊召飯

行盡遐陬萬里山十年飄泊困征鞍  
春風燕語歸心切夜月猿啼客夢殘  
聖世因時行夏正愚臣嗜數媿春官  
誰知賢帥開青眼婦洒西廡召我餐  
藤條擊破鐵圍山倒鞞白牛不鞞鞍  
講疏僧婦經卷亂坐禪人起佛燈殘  
為學未必如為道選佛從教勝選官  
百事湛然都不念祇知渴飲與

飢食

再用韻

雲山疊々復雲山瘦馬蘆鞭矮面鞍  
瀚海去程千驛遠揚州歸夢五更殘  
塵緣淡處應忘世逸興濃時好解官  
二頃良田何必覓春山筍蕨亦

供飡

和搏霄韻代水陸疏文因其韻為十詩

資生無畏濟人深便見能仁六度心  
塵世捐財矜若厄寒林洒飯拔幽沉  
既臨巨海鉤神物試

卷四

三

其然集

叩洪鍾伺好音今日湛然攀舊例珠纓休惜掛  
紙林無異術入新外非亦六知我整世誠機  
新朝威德感人深渴望雲霓四海心東夏再降  
烽火滅西門一戰塞烟沉顯親頌朔施仁政  
待更元布德音好放湛然雲水去廟堂英俊政  
如林  
論道西庵爰慕深推誠片露丹心瑶琴莫撫  
相如月寶鼎休焚韓壽沉花氣渾如三角串松  
風全似五絃音清談終日忘歸思不覺昏鴉噪

晚林

五派分流道愈深塵中誰識本來心  
穿心土椀元無漏沒底膠舡却不沉  
山色水光呈妙相鳥啼猿嘯露圓音  
雲霞活計無求飽何事狂童作

獨作內林

前生未了妄緣深薄宦相縈負夙心  
只見淵明能印棄誰知居士解舟沉  
窮通榮辱皆真夢毀譽稱譏盡假音  
中隱冷官閑况味歸心無日不  
山林

居士才微學未深靜思寧不媿中心難忘北海  
千鍾酒虛負西菴一炷沉綺語傲顰廣險韻瑤  
琴學步鼓純音此番公案休拈出祇恐相傳入  
笑林  
新詩歎玉起予深獨有搏霄我許心真跡居塵  
聊俯仰高名與世任浮沉同成雅會清茶語共  
賞枯桐白雪音他日歸休約何處燕山叅謁萬  
松林  
賢師文章蘊藉深雲川傾蓋便同心掀髯談道

檠燈地抵足論文塞月沉有眼句中君得意無  
絃琴上我知音沉舟誤捉波中月莫學當年李  
翰林

浪迹西遊歲月深臨風誰識湛然心斯文將喪  
儒風歇真智難明佛日沉佳茗暫嘗轟雪浪正  
聲聊作鼓雪音年來逸興十分切准備求真入  
道林

漁磯舊隱荻花深塵世寧忘昔日心兩岸清風  
單舸穩滿江明月一鉤沉飢來煮稻無兼味醉

後鳴榔笑五音閑卧煙蓑春夢斷不知潮起沒  
青林

寄賈搏霄乞馬乳

天馬西來釀玉漿  
革囊傾處酒微香  
長沙莫各  
西江水文舉休空  
北海觴淺白痛思瓊液冷微  
甘酷爰蔗漿涼  
戕林要洒塵心渴願得朝賜  
我嘗

謝馬乳復用韵二首

生涯草食與壺漿  
空憶潮回衣惹香  
筆去餘才

猶可賦酒來多病不能觴  
松窗雨細琴書潤槐  
館風微枕簟涼  
正與文君謀此渴  
長沙美漣送  
予嘗  
肉食後容飲酪漿  
羞酸滑膩更甘香  
革囊旋造  
逆巡酒榷器頻傾  
激灑觴頓解老飢能飽滿  
偏消煩渴變清涼  
長沙嚴令君知否  
只許詩人合  
得嘗

贈搏霄筆

一札霜毫綴上枝  
管城家世出東涯  
遼東鋒端

有口能談景紙上無殺解寫詩兔白江淹求彩  
筆莫學班氏弃毛錐贈君聊助文房用賦就離  
騷寄我知

再用韻寄搏霄二首

玉立堂前紫桂枝雲川中隱寓天涯風神蕭散

能談道格調清新解作詩鄙論我甘蒙醬執作

辨邪論搏霄嘗讀之雄才君已露囊錐登：胸次人誰識

祇有清風明月知樂文吳縣九出又也美動

斫倒霜筠節外枝誰言法界有邊涯荅蹄意盡

閑周易脂粉情忘束詁詩去歲生涯猶說劍今

年活計更捐錐威音那畔真消息試問瞿雲也

不知

再用韻別非熊

靈木垂芳桂兩枝非熊佳譽動西涯倦聽琴阮

嫌狂客飽看經書厭小詩成德羨君垂竹帛虛

名嗟我類刀錐會誰別易堪惆悵何日重來誰

得知

愛子金柱索詩

卷四 七

文獻陰功絕比倫  
昆蟲草木盡承恩  
我為北闕十年客  
汝是東丹九世孫  
致主泽民宜務本  
讀書學道好窮源  
他時輔翼英雄主  
珥筆承明策萬言  
贈賈非熊搏霄  
二陸尊賢擅美聲  
非評難弟亦難兄  
西庵塵塵談三界  
北觀携琴論五行  
休道酒仙無太白  
須知詩伯有飛卿  
奇人輻輳君門下  
店斷西湖好士名

和李振之二首

半紙功名來可呈  
無心何處不安生  
十年滄海塵空起  
百歲黃糧夢乍驚  
舊運既荒松菊在  
丹誠不變髻髯更  
年來漸有昇平望  
每恨栖鷄半夜鳴

酷憶遙山寸碧呈  
歸耕何日樂餘生  
蠅營得失都無念  
狗苟榮枯摠若驚  
客夢覺來家萬望  
敬詩吟罷月三更  
溟鵬本有衝天志  
直待三年再一鳴

非熊兄弟餞予之燕再用振之韻

藝逢知己敢相呈  
幾夜論文喜氣生  
筆陣我甘三舍退  
詩壇君使四筵驚  
公初傾蓋冬將半  
予擬乘軺歲欲更  
特與幽人助行色  
一轂寒角隔煙鳴

和連國華三首

歲月如流走兔烏  
永真可惜費功夫  
深源到底忘根抵  
至道元來貴拙愚  
真理不空宜具眼  
太虛無面莫添鬚  
在須穩坐長安好  
切忌途中認

畫圖

安得長繩繫日鳥  
天涯老却舊耕夫  
林泉放曠輸君樂  
沙漠淹留笑我愚  
虎戰每驚涉虎尾  
龍飛不得採龍鬚  
文章畢竟成何事  
富貴元知不可圖

月上南枝啼夜烏  
悲歌彈缺嘆征夫  
愁邊逐日看周易  
夢裏隨風謁太愚  
縱有征塵遮兩眼  
却無慚色上三鬚  
真人已應千年運  
佇待河清再出圖

連國華餞予出天山因用韻

十年不得舞衣斑一憶江南瞻欲寒  
黃犬候來秋自老白雲望斷信何難  
軍中得句常橫槊客裏傷心每據鞍  
游于木榻情幾許天山風雪正漫漫

和吳德明

紛、世態眩榮華靜裏乾坤本不譁  
琴阮生涯聊自適詩書事業更何如  
但期聖德澤天下敢惜餘生寄海涯  
可笑燕然舊游客倚樓悲我客

程賒

又和橙子梅韻

可笑人心自短長誰知箇事不囊藏  
化成橙子舌耽味勿作梅英鼻覺香  
金卯似真隨變滅冰魂元假却芬芳  
唯心識破同根旨何必臨風再舉揚

和竹林一禪林師韻

富貴無心羨五侯隨時俯仰浪西游  
斷無事業流千古靜看英雄混九州  
白鴈縱傳遐域信黃

華却負故園秋蒼生未濟歸何益一見吾山一  
度羞

西庵上人住夏禁足以詩戲之

觸處無非選佛堂

一作都盧只  
是一禪牀

東風何處避春

光郡人無足克十界六地絕塵塞四方舉步踴  
翻滄海月轉身踏破白雲鄉快須擊碎閑家具  
說與西庵笑一場

送韓浩然用馬朝卿韻

開懷樽俎笑談傾未暇論文君已行富貴蓬亨

渠易致詩篇韻險我難賡已成傾蓋金蘭友安  
用沾襟兒女情准擬秋深迂歸騎一尊濁酒遠  
相迎

戊子喜雨用馬朝卿韻二首

酷暑炎心正不禁一散雷震釀輕陰救回南畝

十分旱變作西郊三日霖遍野桑疇青幄密連

天麥壠綠雲深王孫喜雨登樓夏貫酒黃壚解

帶金

生苑輪迴苦莫禁不如學道借分陰舡來沒底

聊相渡雲出無心強作霖不死鄉中靈草異長  
生劫外紫雲深茅山道士真堪笑虛費工夫煉  
五金

戊子餞非熊仍以呂望蟠溪圖為贈

昨夜白麻降日邊文章領袖遠朝天遙思御座  
分香賜更想龍庭命席前白面書生酬夙志黑  
頭邊帥領新權非熊應笑非熊老八十猶然釣

渭川

和宋子玉韻

勇將謀臣滿玉京吾儕袖手待昇平荆榛至道  
常嗟我柱石中原豈捨卿日下有人叨肉食雲  
中高士振詩唱思君興味如梅渴海邛子玉道  
號也  
那能識此情

和李邦瑞韻二首

隴右奇才冠士林萬言良策起予深澤民致主  
傾丹懇邀利沾名匪素心我伴簿書無好思君  
陪風月有閑吟他年共約林泉下茅屋松窓品  
五音

謝君千里遠相尋，傾蓋交歡氣義深。  
筆硯主涯一作書無異志，金蘭氣味本同心。  
揮毫解賦登高句，緩軫能彈對竹吟。  
此去鱗鴻知有便，臨風無吝寄芳音。

和邦瑞韵送奉使之江表

駟騎翩翩出玉京，金符一插照人明。  
莫忘北闕龍飛志，要識南陔鵠舌情。  
布袖來朝無騎乘，錦衣歸去不徒行。  
昇仙橋畔增春色，郡守傳呼接長卿。

和王正之韵

洪才碩德兩相宜，雅操真堪據鳳池。  
富貴未終隨夢變，功名何在值時危。  
竒辭解吐萬言策，敏思能吟七步詩。  
但倩東風輕着力，摩天鵬翼若雲垂。

自慚不解告嘉謀，十載韜藏僻一隅。  
巨海洪深容棄物，新朝寬厚用愚夫。  
亨時嘉會千年少，聖主雄材萬代無。  
文物規模皆法古，佇看明詔起真儒。

皇天輔德本無親樂道奚憂甌謁塵道泰小人  
當屏斥時屯君子自經綸浮雲富貴元千變昨  
夢繁華得幾春遇不遇方皆是命吾羨休羨錦  
衣新楞嚴經云生死  
涅槃都如昨夢  
祝忘憂居士壽

酷似燕山竇十郎靈樞初老桂枝芳兩朝厚遇  
垂十稔一日清名滿四方玉佩丁東照蘭省斑  
衣搖曳悅萱堂他年叅到平常處便是長生不  
老鄉

東閣蠟棋二首

越嶺仙姿迥異常洞庭春染六銖裳枝橫碧玉  
天然瘦蕾破黃金分外香反笑素英渾淡抹却  
嫌紅艷太濃粧臨風浥此薔薇露醉墨淋漓寄  
渺茫

冰姿夢裏慕姚黃滴蠟凝酥別樣粧生姑白紅  
木濃淡懶施朱粉自芬芳寒英深染薔薇露冷  
艷徹薰篤耨香受用清絕恣吟遠惜花一念未  
全忘

謝禪師 公寄問山紫玉

方外閑人天一隅因風寄我紫雲腴起予妙理  
欺歡伯條我枯腸壓酪奴琥珀精神渾彷彿葡  
萄滋味較錙銖禪師遠棄桃源路日主尋山摘  
此無

和鄭壽之韵

聖主龍飛日月新微才忝預股肱臣民財已阜  
錢如水駟騎長閑塞不塵威鎮西陲輸定遠宴  
開東閣慕平律何時收拾琴書去林下衣冠作

舜民

寄沙并劉子春

寄語沙城老故人別來贏得鬢邊塵馬蹄踏破  
關中月新句吟空河表春名利相縈予有歎琴  
書自樂子非貧何時策杖君家去再試淵明漉  
酒巾

和琴士苗蘭韵

徒步南來愛陸机公餘邂逅似相期高山韵吼  
千岩木流水散號半夜波聖德宛如歌治化南

風猶似撫瘡痍曲終散散無人會  
撩我高吟一首詩

和人韻二首

西域諸蕃古未知  
來王遠古禹封畿  
名山准擬金泥檢  
古塞無勞羽檄飛  
世樂詎能教靜樂  
蓑衣到底勝朝衣  
年來痛憶閣山景  
月照茅亭水一圍  
干戈未歛我傷神  
自恨虛名誤此身  
否德詎能師百辟  
微材安可步三辰  
箕裘謾嘆青袍勛

業空驚白髮新安得夔龍  
立廊廟扶持堯舜濟斯民

和武川嚴亞之見寄

當年西域未知名  
四海無人識晉卿  
扈從鑾輿三萬里  
謀謨鳳閣九重城  
衣冠異域真予志  
禮樂中原乃我榮  
何日功成歸舊隱  
五湖煙浪樂餘生

亞之平水久馳名

亞之本絳陽人今寓居武川訓童為生

壯歲題

橋慕長卿厭世德  
風如偃草驚人詩  
價比連城

功名朱立不為憚仁義能行亦足榮此理幽微  
人不識莫言儒道拙謀生  
今年又得亞之詩每嘆風雲會遇遲拙運且淹  
童子役雄材宜作帝王師羨君筆下揮千字知  
予胸中蘊六奇靜對西風和新句淒然南望動  
深思  
設忝綸恩斗印懸乏才羞到王墀前効姦封事  
夢猶諍許國忠誠老益堅仁政發從天北畔捷  
音來自海西邊後今率土雷王化禮樂車書共

一天  
寥落龍沙寄此坐情鍾我輩豈無情參商管鮑  
賢朋友南北機雲好弟兄蓮葉飄香思晚浦梅  
花飛雪夢春城故園日夜歸心切未濟斯民不  
敢行  
三年四渡過鷄鳴我僕徘徊馬倦登寂莫柴門  
空有舍蕭條山寺節無僧殘花濺淚千程別啼  
鳥傷心百感生今古興亡都莫問穹廬高卧醉

騰心山西原  
寄天山周敬之  
當年傾蓋識君初  
爛飲天山駐使車  
秋去安仁空有賦  
雁來公瑾又無書  
林巒紅葉如人老  
籬落黃華亦我疎  
為向天涯道岑寂  
強冷新句附雙魚  
雲  
和邦瑞先訪親  
同用其韻  
鵬  
千戈擾攘戰交侵  
一紙安書直萬金  
兄弟生還愁未解  
萱堂仙去恨尤深  
涕零倚木西風怨  
腸

斷聞鈴夜雨淋  
養老送終真有憾  
號天如割望雲心

和李邦瑞韻

趙老名言本兩忘  
庭前空有柏蒼々  
西江吸盡慵開口  
北載添來亦括囊  
明月清風何所礙  
落花流水不相妨  
須知居士元無病  
底用千年舊藥方

過清源贈法雲禪師

汾水禪師過箇裏人杖藜尋我過清源  
半盃紅葉情何厚一盞青燈話細論  
山水景中君適意兵戈堆裏我銷魂  
他年相約雲深處松竹蕭蕭靜掩門

贈五臺長老

誤作五雲依目錄改正

高岡登陟馬玄黃落日西風過晉陽  
道士忻迎捧林果儒冠遠迓挈壺漿  
五臺強壯頭如雪開化輕安鬢未霜  
誰會二師深密意趙州元不下禪林

同時得舊山屢傳寫較新之一本卷四之末多兩首錄而轉與杭賈

樂文

非形水不味故則以水士天無味在臣千其壽

湛然居士文集卷第四集即日書風下河鐵密

世安之言本西法或前空休味香：西云及盡

味老厭滋味

雲山

得胸餘身兩林香共並結真存感



湛然居士文集卷第五

中書令移刺楚材晉卿

贈蒲察元帥七首

開騎白馬思無窮來訪西城綠髮翁

元老規模

妙天下錦城風景壓河中花開把儷芙蓉淡酒

泛蒲萄琥珀濃痛飲且圖容易醉欲憑春夢到

盧龍

積年飄泊困邊城閒過西隅謁故人忙喚賢姬

尋器四更呼遠客奏事養蒲萄架底蒲萄酒杞

欒花開把攬仁酒釀花繁正如許莫教羣負錦  
城春  
主人知我怯金觴持為先生一改堂細切黃打  
調蜜煎重羅白餅糝糖霜幾盤綠橘分金縷一  
碗清茶點玉香明日辭君向東去這些風味幾  
時忘  
使君排飯宴南溪不枉從君鳥鼠西春雁旅澆  
濃鹿尾臘糟微浸軟駝蹄絲魚膾明如玉屑  
屑雞生爛似泥白面書生知此味從今更不嗜

### 黃蘗

筵前且盡主人心明燭厭飲夜深素袖佳人  
學漢舞碧髯官妓撥胡琴輕分茶浪飛香雪旋  
擘橙盃破軟金五夜飲心猶未已從教科月下  
疎林

至人開宴醉華胥一派絲篁沸九衢黯紫葡萄  
垂馬乳輕黃把攬燦牛酥金波泛蟻斟歡白雪  
浪浮花點酪奴忙裏偷閑誰若此西行萬里亦

良圖

閑來羸馬過蒲葉又到西場太守家  
瑪瑙瓶中簪亂錦琉璃鐘裏泛流霞  
品嘗春色批金橘受用秋香割木瓜  
此日幽歡非易得何妨終老注

庚辰西域清明

清明時節過邊城遠客臨風笑許情  
野鳥間關難解語山花爛熳不知名  
蒲萄酒熟愁腸亂瑪瑙盃寒醉眼明  
遙想故園今好在梨花深院鷓鴣聲

用鹽政姚德寬韻

乃祖開元柱石臣雲孫髣髴玉麒麟  
從來德爇輿人口此日恩霑聖世春  
欲草薦書學北海未開東閣愧平津  
而今且試調羹手佇看沙堤繼舊塵

用昭禪師韻二首

銀鉤全似趙周臣詩比黃華格調新  
道眼點開言外句禪心說破劫前春  
山中破挈無為客林下逍遙自在人  
不犯清波垂釣處卧龍隨手出

龍津  
聖德洋洋雨露零  
魚草木總歡榮  
妖氣歛禱  
堯風扇外道  
消散佛日明

和薛正之見寄

賢臣聖主正時遭  
建策龍庭莫憚勞  
大壑波深翻巨鯉  
高空風順遇鴻毛  
一番制度新才術  
百代文章舊雜騷  
勉力自強宜不息  
功名何啻泰山高

乞扇文州鄭真詩

屈响圓裁白玉盤  
幽人自剪素琅玕  
全勝織女絞綃帕  
高出湘妃玳瑁斑  
座上清風香細懷  
中明月淨團圓  
願祈數柄分居士  
顛倒陰陽九夏寒

壬午西域河中遊春十首  
幽人呼我出東城  
信馬尋芳莫問程  
春色未如華歲富  
湖光不似道心明  
休設饌談玄旨石鼎烹茶唱道情  
世路崎嶇太尖險  
隨高逐下坦然平

三年春色過邊城  
萍跡東歸未有程  
細細和風紅杏落  
涓涓流水碧湖明  
花林吸茗添幽興  
綠野觀耕稱野情  
何日要荒同入貢  
普天鍾鼓樂清平

春雁樓邊三兩聲  
東天回首望歸程  
山青水碧傷心切  
李白桃紅照眼明  
幾樹綠楊搖客恨  
一川芳草惹羈情  
天兵幾日歸東闕  
萬國歡聲賀太平

山中二月好踏青  
且莫臨風嘆客程  
溪畔數枝繁杏淺  
牆頭千點小桃明  
誰知西域逢佳景  
始信東君不世情  
圓沼方池三百所  
澄澄春水一時平

二月河中草木青  
芳菲次第有期程  
花藏徑畔春泉碧  
雲散林梢晚照明  
含笑山桃還似識  
相親水鳥自忘情  
遐方且喜豐年兆  
萬頃青麥浪平

異域春郊草又青  
故園東望遠千程  
臨池嫩柳千絲碧  
倚檻妖莖幾點明  
丹杏笑風真有意  
白

雲送雨太無情，歸來不識河中道。春水潺湲，蒲  
路平。春風草色青，綠陰東望盡。長路  
四海從來皆弟兄，西行誰復嘆行程。既蒙傾蓋  
心相許，得遇知音眼便明。金玉滿堂違素志，雲  
霞千頃適高情。廟堂自有夔龍在，安用微生措  
治平。下中草本亦非六策，而謂其非蘇詩也。

海平

不如歸去樂餘齡，百歲先陰有幾程。文史三冬  
翰墨情，田園二頃憶淵明。賓朋冷落絕交分，親  
戚團圞話情。植杖耘耔聊自適，笑觀南畝綠  
雲平。

哀翁老矣倦功名，繁簡行軍笑李程。牛糞火熟  
石炕煖，蛾連紙破瓦窗明。水中漉月消三毒，火  
裏生蓮屏六情。野老不知天子力，謳歌鼓腹慶  
昇平。

游河中西園和王君玉韵四首

萬里東皇不失期  
園林春老我來遲  
漫天柳絮將飛日  
遍地梨花半謝時  
異域風光特秀麗  
幽人佳句自清奇  
臨風暢飲題玄語  
方信無為無不為

清明出郭赴幽期  
千里江山羈日遲  
花葉不飛風定後  
香塵微斂雨餘時  
彫鐫冰玉詩尤健  
揮掃龍蛇字愈奇  
好字好詩獨我得  
不來庸和為

異域逢君本不期  
湛然深恨識君遲  
清詩厭世光千古  
逸筆驚人自一時  
字老本來尊雅淡  
吟成元不尚新奇  
出倫詩筆服君妙  
笑我區區亦強為  
變轉聲辭賦筆  
揮毫筆勢  
風雲佳遇未能期  
自是魚龍上釣遲  
岩穴潛藏難遇世  
塵囂俯仰且隨時  
百年富貴真堪嘆  
半紙功名未足奇  
伴我琴書聊自適  
生涯此外更何為

河中遊西園四首

河中春晚我邀賓詩滿雲牋酒滿巡對景怕看  
紅日暮臨池羞照白頭新柳添翠色侵凌草花  
落餘香著莫人且着新詩與芳酒西園佳處送  
殘春  
河中風物出乎倫閑命金蘭玉笋巡半笑梨花  
瓊臉嫩輕顰楊柳翠眉新啣泥紫燕先迎客偷  
蘂黃蜂遠趁人日月西園尋勝槩莫教辜負客  
城春  
幾年萍梗困邊城閑步西園試一巡圓沼印空

明鏡瑩芳蔕藉地翠茵新幽禽有意如留客野  
卉多情解笑人屈指知音今有幾與誰同享瓮  
頭春

金鼓鑿夷出隴秦驅馳八駿又西巡千年際會  
風雲異一代規模宇宙新西域兵來擒偽主東  
山詔下起幽人股肱元首明良世高拱垂衣壽  
萬春

河中春遊有感五首  
西河尋斯干有西戎梭構室未全終又見顏垣

遠故壙綠苑連延花萬樹碧堤回曲水千重不  
圖舌鼓談非馬甘分躬耕學卧龍糲食麤衣聊  
自足登高舒嘯樂吾慵

異域河中春欲終園林深密鎖顏壙東山雨過  
空青疊西苑花殘亂翠重杞欖碧枝初着子葡  
萄綠架已纏龍等閑春晚芳菲歇葉底翩<sub>三</sub>困  
蝶慵

坎止流行以待終幽人射隼上高壙窮通世路  
無多事躋險機閑有幾重百尺蒼枝蔽病雀三

冬蟄窟閉潛龍琴書便結忘言友治圃耘蔬自  
養慵

西域渠魁運已終天兵所指破金壙崇朝駟騎

馳千里一夜捷書奏九重鞭策不須施犬馬廟

堂良冥足夔龍北窓高卧薰風裏儘任他人笑

我慵

重玄叩擊數年終大道難窺萬仞壙信不來青

鳥遠故山猶憶白雲重自知勲業輸雛鳳且

學心神似老龍忙裏偷閑誰似我兵戈橫蕩得

疎慵轉歎天龍北東偏開鏡以如地必對燕  
過問居河四首  
河水春盡水無殺靠岸釣魚羨擊冰乍遠南州  
如夢蝶暫游北海若飛鵬隋堤柳絮風何處越  
嶺梅花信莫憑試暫停鞭望西北迎風羸馬不  
堪乘  
北方寒凜古來稱親見陰山東鼠冰戰鬪簷樞  
翻鐵馬窮通碁勢變金鵬五車經史都無用一  
鶚書章誰可憑安得衝天暢予志雲輿六馭信

風乘

一聖龍飛德足稱其亾凜三涉春冰千山風烈  
來從尾萬里雲垂看舉鵬堯舜徽猷無闕失良  
平妙算足依憑華夷一混非多日浮海長椽未  
可乘

自愧散名無可稱賢愚混世炭和冰竊鹽倉鼠  
初成蝠噴浪瀕鯤未化鵬賣劍學耕食初遣買  
山歸老價難憑秋江月滿西風軟何日扁舟獨  
自乘

感事四首

富貴榮華若聚漚，浮生渾似水東流。  
仁人短命嗟顏氏，君子懷疾嘆伯牛。  
未得鳴珂游帝闕，何能騎雀上揚州。  
幾時擺脫閑韉鎖，笑傲烟霞永自由。

當年元擬得封侯，一誤儒冠入士流。  
赫三鳳鸞捐腐鼠，區蠻區觸戰蝸牛。  
未能離域超三界，必用麾旌混九州。  
致主澤民元素志，陳書自薦我無由。

得不欣三，失不憂，依然不改舊風流。  
深藏鳳璧毋投鼠，好蓄龍泉候買牛。  
山寺幽居思少室，梅花歸夢遠揚州。  
萱堂溫清十年闕，負米供親愧仲由。

日豈身更平天出豈必然水不管昔人兩  
人不知予，我不尤。濯纓何必揀清流，良材未試聊耽酒。  
利器深藏俟割牛，舊政欲傳新令尹。新朝不識舊荊州，眉山云邁歸商路。  
痛恪新詩寄子由。

壬午元日二首

卷五

十一

西域風不換東方音問疎屠獲聊復飲鬱壘不  
須書舊歲昨宵盡新年此日初客中今十載孀  
母信何如  
萬里西征出玉關詩無佳思酒瓶乾蕭條異域  
年初換坎軻窮途臘已殘身過碧雲遊極樂手  
遮東日望長安年光迅速如流水不管詩人兩  
鬢班  
昔年曾賞沁園春今日重來迹已陳水外無心

脩竹古雪中含恨瘦梅新垣頽月榭經兵火草  
沒書碑覆劫塵羞對覃懷昔時月多情依舊照  
人行  
蘇子不用劉正叔韵  
叅叩松軒積有年光塵融洩一愚賢視民每羨  
如芻狗治國常思烹小鮮只道牛邊休執杖誰  
知琴上亦忘絃湛然稍異香山老不學空門不  
學仙  
西域家人輩釀酒戲書屋壁

西來萬里尚騎驢旋借葡萄釀綠醕司馬捲衣  
親滌器文君挽袖自當壚元知沽酒業緣重何  
奈調羹手段無古昔英雄初未遇生涯或亦隱  
屠沽西域從王君玉乞茶因其韻七首  
積年不啜建溪茶心竅黃塵塞五車碧玉甌中  
思雪浪黃金碾畔憶雷芽盧仝七碗詩難得諗  
老三甌夢亦賒敢乞君侯分數餅暫教清興遠  
煙霞古詩中會別對時清風日懶

厚意江洪絕品茶先生分出蒲輪車雪花灑  
浮金蕊玉屑紛碎白芽破夢一盃非易得搜  
腸三椀不能賒瓊甌啜罷酬平昔飽看西山插

翠霞水夢三韻

高人惠我嶺南茶爛賞飛花雪滿車是日作茶

玉屑三甌烹嫩蕊青旗一葉碾新芽頃令衰叟

詩魂爽便覺紅塵客夢賒兩腋清風生坐榻幽

歡遠勝泛流霞中韻

酒仙飄逸不知茶可笑流涎見麴車玉杵和雲

卷五 十三

春素月金刀帶雨切黃芽試將綺語求茶飲特  
勝青衫把酒賒啜罷神清淡無寐塵囂身世便  
雲霞爽對覺城壑空翠色親兩瓶龍風玉坐醉幽  
長笑劉伶不識茶胡為買鍾謾隨車蕭々暮雨  
雲千頃礪春雷玉一芽建郡深甌吳地遠金  
山雀水楚江賒紅爐石鼎烹團月一椀和香啜  
碧霞淋不銷銀鬢髮幾番睡平昔嶺南西山乾  
枯腸搜盡數杯茶干卷胸中到幾車湯響松風  
三昧手雪香雷震一槍芽蒲囊坐賜情何厚萬

里攜來路更賒清興無涯騰人表騎鯨踏破赤  
城霞  
啜罷江南一椀茶枯腸歷歷走雷車黃金小碾  
飛瓊屑碧玉深甌點雪芽筆陣陳兵詩思勇睜  
魔卷甲夢魂賒精神爽逸無餘事臥看殘陽補  
斷霞  
和冲霄韻五首  
岳亾聖道賴君鳴坎軻休嗟道不行須信詩魔  
降筆陣好將酒戟破愁城滔々秋水如人志薄

薄閑雲似世情一舉冲霄知有日垂天萬里看  
鵬程望古今興廢不堪聽寵辱都如夢一驚韜畧欣然  
推後進琴書足以了餘生既知物三頭三是誰  
問朝三暮三情散盡迷雲何所有一輪秋月普  
天明春天涯索寞正窮秋衰草寒煙無盡頭葉底哀蛩  
空促織雲間征鴈祇供愁一作謾酪漿滿飲澆  
羊胛糲食隨緣薦鹿脩試暫迴先樂真覺人間

萬法一時收香星華髮鏡中驚好賦歸与接浙行位重寧貪  
高一品故園無悻遠千程晴天花絡春山色落  
日松和秋水般無恙閭峯三百寺遨游吟嘯老  
餘生

古木殘陽映矮崗雁行天際寫秋光霜蓑帶雨  
添愁色晚菊和風送冷香濁酒三年渾未試黃  
糧九月得初嘗龍沙且喜身強健南望幽人天  
一方

又一首

不見高陽舊酒徒  
臨風惆悵幾踟躕  
無窮真味思焦尾  
有限浮生嘆白駒  
德望服人輸一陸  
文章重世媿三蘓  
散材潦倒渾無用  
空作昂藏一丈夫

和冲霄十月桃花韵二首

桃源仙子憶劉郎  
不憚嚴冬雨雪涼  
紅雨已先初夏落  
妖菟重對小春芳  
冷侵絳萼剛舒臉  
寒徹朱衣強噴香  
誰向荒園慰蕭索  
數枝無語映

斜陽

春生秋殺乃天常  
來往推遷炎與涼  
晚節正當陰氣塞  
窮冬忽見小莖芳  
豈知木棗能成實  
僭與江梅敢並香  
自媿備員調鼎鼐  
不知何事調陰陽

用薛正之韵

無德慙為天下先  
湖山歸計好加鞭  
霜深尚有籬邊菊  
風迳全無葉底蟬  
三弄瑤琴歌素月  
一尊濁酒醉蒼烟  
鳳池分付夔龍去  
萬頃瀟湘屬

湛然醉袖香風散  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫  
 暮色蒼茫

湛然居士文集卷第五

湛然居士文集卷第六

龍岡叅透後  
 三髻髻前人何所慙  
 妙筆照人驚老字  
 新詩入手想清談  
 塵中名利子難出夢  
 裏榮華君不耽  
 擬歸時便歸去  
 閭山珍重作好在舊禪庵

用劉潤之乞冠韻  
 隱逸養幽慵  
 飄蕭兩鬢蓬  
 甬中折暮雨  
 醉帽落

秋風避暑掛石上  
啣杯漉酒中  
忘机任真率  
露頂向王公

西域河中十詠

寂莫河中府  
連甍及萬家  
蒲萄親釀酒  
杞攬看

開花飽噉雞  
舌肉分食馬  
首衣土產大人生

唯口腹何礙  
過流沙

寂莫河中府  
臨流結草廬  
開尊傾美酒  
擲網得

新魚有客同  
聯句無人獨  
看書天涯獲  
此樂終

老又何如

寂莫河中府  
遐荒僻一隅  
蒲萄出馬乳  
杞攬燦

牛酥釀酒無  
輸課耕田不  
紉租西行萬  
餘里誰

謂乃良圖

寂莫河中府  
生民屢有災  
避兵開邃穴  
防水築

高臺六月常  
無雨三冬却  
有雷偶思禪  
伯語不

覺笑顏開

寂莫河中府  
頽垣遠故城  
園林無盡處  
花木不

知名南岸獨  
垂釣西疇自  
省耕為人但  
知足何

處不安生

寐莫河中府西流綠水傾衝風磨日麥西人作磨風動

机軸以懸碓杵新粳西人皆懸春月花渾謝冬

天草再生優游聊卒歲更不望歸程

寂莫河中府清飲且自尋麻牋聊寫字葦筆亦

供吟拿柄學鑽笛宮門目斷琴臨風時適意不

負昔年心得故宮門堅木三尺許斷為琴有清声

寂莫河中府西來亦偶然每忘舊閩隨月出

新年強策渾心竹難穿無眼錢異同何定據俯

仰且隨緣西人不計閩以十二月歲有得心竹其金銅芽錢無不郭

寂莫河中府声名昔日聞城隍連賦畝市井半

丘墳食餘秤斤賣金銀用麥分生民怨未後算

食謁吾君

寂莫河中府遺民自足糧黃橙調蜜煎白餅糝

糖霜漱早河為雨無衣墮種羊一從西到此更

不憶吾鄉

西域和王君王詩二十首

年來深欲買湖山貧病難酬絹五千歸去不從

陶令請知音未遇益嘗賢排愁器具思歡伯送

老生涯乏貨泉惟有詩曷常伴我閑吟陶寫箇  
中玄  
一髮燕然曉日邊寒雲疊亂山千萬里沙漠  
猶逢友十字荒村亦有賢留客芳尊思北海驚  
人竒語憶南泉思量萬事都渾錯勉力輪鎚好  
叩玄  
君侯乘輿寫佳篇找得瓊琚價倍千妙筆一揮  
能草聖新詩獨惠過稱賢半瓶濁酒斟瓊尊七  
椀清茶泛玉泉萬里西行真我幸逢君時復一  
叩玄

健羨金鞍美少年盈門劍客列三千須知執德  
元非德况是無賢甘自賢不解彎弓射石虎誰  
能擊劍躍飛泉黑頭勲業今何在壯歲功成愧  
謝玄  
雲龍相感本乎天會合君臣歲一千西伯已  
誰老卜商何在肯賢鶴鶴未必輕嗆鼠粒  
蚓猶知下飲泉巧拙是非無定據到頭誰解辨  
黃玄  
奔走紅塵積有年深思雪澗竹竿千誰能世上



通玄中... 成敗興亡事可憐  
勞生攘... 幾千... 調心莫若  
先離欲治世無如不尚賢  
小褚豈能懷大器短  
繩那得汲深泉直須箭透  
威音外不用無為不  
用玄... 得... 清歡樂自然  
不辭去國客程千翻騰  
舊案因君玉唱和新詩  
有景賢每遇開尊邀素  
月常因盥手掬寒泉  
哀翁自揣何多幸未死  
中間樂此玄...

驚回午枕不成眠幽鳥  
閑... 近數千安世不知  
安世計隱居常慕隱居  
賢幾行石榻圍松徑  
簇茅齋繞澗泉掛起西  
軒風似水閑將羲易索  
幽玄... 農隱生涯樂自  
天藥畦香壠僅盈千  
蠅營累世真堪笑狗苟  
勞生未苦賢帶月扶犁  
耕暮野衝雲荷鋤撥春  
泉耘耔餘暇蓬窗底獨  
抱遺經考至玄... 閑...  
箇事本明圓一念終興  
路八千生死既知

皆是勾功名猶戀豈能賢  
興來暢飲斟晴月醉  
後高歌枕碧泉觸處逢渠  
何所礙不玄、處却  
玄、  
物、頭、總、是、禪、觀、音、應、現、化、身、千、杜、門、宴、坐  
無、傷、道、遯、世、幽、居、也、是、賢、祇、為、看、山、開、翠、竹、偶  
因、煎、茗、汲、清、泉、靈、雲、點、檢、真、堪、笑、不、見、桃、花、不  
悟、玄、  
蓑衣狂脫暮江邊一醉寧論價  
十千老矣馮唐  
何所徃歸與陶令最為賢  
靈苗細、初盈圃春

水涓涓漸滿泉酒醒夢回無箇事  
澄心忘慮體  
三玄玉  
九重闔闔列羣官  
曳珮鳴珂及萬千  
雲水偷將  
屬野叟功名迴施與時賢  
好憑定慧超三界不  
戀輪迴沒九泉  
迅速光陰莫虛度  
迴光返照靜  
參玄  
不學經書不說禪  
誰論芥子納三千  
忘形詩句  
追先覺  
適意琴書慕昔賢  
白雪陽春吟雅調  
高山流水奏鳴泉  
平寔受用元無盡  
泰透真空未

是玄謂君也亂綴狂吟數百千淺陋  
鯁生詩僻慕詩仙謂君也亂綴狂吟數百千淺陋  
妄言啗後哲清新綺語媿先賢摧殘吟髻星  
髮傾倒詞源渾、泉韻險言窮無可說祇憑此  
句露深玄和楊彥廣韻  
三臺須要趁琵琶知己相逢兩會家雕斲勿傷  
石內玉縱橫須放火中花探玄渾侶三盃酒清  
興何消七椀茶誰識湛然端的處差徭隨分納

些題采陽李君寔此君軒

環榻森、蔭好涼此君風味詎能忘虛心悄、  
生來勁直節亭、老更剛雖與蓬蒿均雨露本  
同松菊傲風霜主人雅志元堪尚物以羣分類  
以方西域有感

西域有感

落日城頭鴉亂啼秋風原上馬頻嘶雁行南去  
瀟湘北萍跡東來鳥鼠西百尺棟梁誰着價三

春桃李自成蹊功名到底成何事爛飲玻璃醉  
似泥

早行

馬駝殘夢過寒塘低轉銀河夜已央鴈跡印開  
沙岸月馬蹄踏破板橋霜湯寒卯酒两三盞引  
睡新詩四五章古道遲回四十里千山清曉日  
蒼涼

自叙

剛點額不知三子暗登肩既來此世難逃數且  
應生前未了緣俗眼見時難放過并賊陳首萬  
松軒

西域元日

凌晨隨分備樽罍辟瘟屠蘇飲一盃迺叟不令  
書鬱壘瘕兒剛要畫鍾馗新愁又逐東風至舊  
信難隨春日来又向邊城添一歲天涯飄泊幾  
時回

西域寄中州禪老士大夫一十五首

恨離師太早淘汰未精起乳慕之念  
作是詩以寄之

吾師道化震清都奔逸絕塵我不如近日虛傳  
三島信幾年不得萬松書宗門淘汰猶嫌少習  
氣薰蒸尚未除惆悵天涯淪落客臨風不足憶  
鱸魚

蒲華城夢萬松老人

辛巳閏月蒲華城夢萬松老人法語  
諄々覺而猶見其彷彿作詩以寄

華亭髣髴舊時舟又見吾師釣直鉤只道夢中  
重作夢不知愁底更添愁曾叅活句垂青眼未  
得生侯已白頭撒下塵囂歸去好誰能騎雀上  
揚州

寄巨川宣撫

巨川宣撫文武兼資詞翰俱妙陰陽  
曆數無所不通嘗舉法界觀序云此  
宗門之捷徑也今觀瑞應鶴詩巨川  
首唱焉嘆其多能作是詩以美之

曆數興亡掌上看提兵一戰領清官馬前草詔  
珠璣潤紙上揮毫風雨寒昔日談禪明法界而  
今崇道倡香壇諸行百務君都占潦倒鉅生何  
處安

寄南塘老人張子真

張侯風味詎能忘黃米曾令我一嘗昔子馳驛至漁陽道  
過南塘子真名抵死解官違北闕達生遯世釣  
予一設黃餠昔論運氣頗作賦能陳  
南塘知來何假靈龜兆知未來時  
瑞雀祥豈是西邊無土物不如詩句寄東陽

觀瑞雀詩卷獨子進治書無詩

丁年蘭省識君初緩步鳴珂遊帝都象簡嘗陪  
天仗立玉駝曾使禁臣趨只貪殢酒長安市不  
肯題詩瑞應圖我去李侯端的意大都好事不  
如無

寄德明

德明萬燕作詩欲自絕且云但得為  
一飽死鬼足矣士大夫憐之其詩末  
句有云功名拍手咲殺人四十八年

如一夢予每愛此兩句近觀弥勒下  
生賦德明所作也曰作詩以寄之

英侯志節本凌雲尚自飄零故國塵有道且同  
麋鹿友談玄能說弔狼仁幸然不作飽死鬼可  
惜空吟笑殺人弥勒下生何太卑莫隨邪見說  
無曰楞迦經第十卷云未來世有人噉糖愚癡  
種無因而非見破壞世間人故有是句  
才卿外郎五年止惠一書

五年只得一書題路遠山長路亦迷睡老黑甜  
酣順北公詩中自云就睡老  
有燕南順北之句冷官清淡泊遠西

遠西故都  
之西也羨人得志能如虎笑我乏材粗儗雞  
佇看天兵旋北闕從今不用玉闌泥

寄清溪居士秀玉

鷓鴣猶欠一枝栖不得燕山半土犁時復有琴  
歌碧玉年來無夢遠清溪數行文字聊遮眼半  
紙功名若噬臍曲首故人今健否餘生甘老碧  
雲西

戲秀玉

辱書聞秀玉油房蕭索馬溺衛死田

泓水災不勝感嘆清谿達士豈芥帶  
胸中耶因作詩以戲之

清谿掀到打油房五衛凋零三徑荒未信塞翁  
嗟失馬須知禦寇覓亡羊東湖菡萏從君賞西  
域蒲萄輸我嘗各在天涯會何日臨風休忘老  
髯即清溪嘗戲呼予為髯即

寄張子聞

憶昔携琴論太玄渠通太玄經湛然初識子聞賢迴  
頭葱嶺仍千里分手松軒已五年嘗會萬松東老人丈室

望慮龍傾玉表西來青鳥闕金牋幾時重會燕  
山道一曲臨風奏水仙子彈水仙公嘗季之

寄用之侍郎

用之侍郎攜書誠以無忘孔子之教  
予謂窮理盡性莫尚佛乘濟世安民  
無如孔教用我則行宣尼之常道舍  
我則樂釋氏之真如何為不可也因  
作詩以見意云

蓬萊憐我寄芳牋勸我無忘仁義先幾句良言

甜似蜜數行溫渥暖于綿從來誰識毫毛佛到底難調膠柱絃用我必行周孔教舍予不負萬松軒

和正卿待制韻

布袖龍鐘兩眼塵丹誠如舊白頭新暮雲西畔猶懷漢曉日東邊繞是秦酒賤不妨連夜醉花繁長發四時春花繁酒賤無佳思誰念天涯萬里人

寄仲文尚書

知仲文尚書役老而歸嘆其清高作詩以寄

仲文曾作黑頭公輔弼明時播美風治粟貸泉流冀北提刑姦跡屏膠東笑觀桃李新恩徧拜埽松楸老計終西域故人增喜色萬全良策不謀同

雪軒老人邦傑久不惠書作詩怨之

當時傾蓋便忘年別後春風五度遷萬里西行愁似海千山東望遠如天不聞舊信傳梅嶺試

道新詩怨雪軒更上危樓一迴首朝雲深處是  
燕然

謝王清甫惠書

西征萬里扈鑿輿高閣文章束石渠只道昔年  
周蝶夢却疑今日我為魚一簪華髮垂老兩  
眼黃塵事：踈多謝貴人憐遠客東風時有寄  
來書

思親二首

孀母琴書老自娛吾山側近結蘧廬髻邊尚結

待賓髮

昔子從征太夫人以髮少詩賜予云俗傳父母之髮戴之可辟五兵今尚存焉

篋內猶存教子書幼稚已能學土梗老兄猶未

憶鱸魚誰知萬里思歸夢夜：隨風到故居

昔年不肖卧茅廬贏得飄蕭兩鬢疎醉裏莫知

身似蝶夢中不覺我為魚故園屈指八千里老

母行年六十餘何日掛冠辭富貴少陵佳處

新居

思親用舊韻二首

前年駟騎過西陲聞道萱堂髻已絲琴斷五絃

忘舊譜菊荒三徑負跡離筵前戲咲知何日  
下嬉游看幾時欲附一書無處寄愁邊空詠滿  
囊詩

天涯唯仗夢竟歸破夢春風透客棹燈下幾時  
哦麗句太夫人昔有詩云批燈教子這前何日  
舞斑衣垂、塞北行人老得、江南遠信稀回  
首故園千萬里倚樓空望白雲飛

思親有感

骨肉星今天一涯萱堂何處憶孤兒排愁正賴

無穀樂遣興學吟有眼詩麗句日逐三上爾香  
膠時復一中之年前漢使來西域笑我星、兩  
鬢絲

再過西域山城驛

庚辰之冬馳驛西域過山城驛中辛  
已暮冬再過題其驛壁

去年馳傳暮城東夜宿蕭條古驛中別後尚存  
柴戶棘重來猶有瓦窓蓬主人歡喜鋪毛毯驛  
吏蒼忙洗瓦鍾但得微軀且強健天涯何處不

相逢

辛巳閏月西域山城值雨

冷雲携雨到山城未敢衝泥傍險行夜聽窻敲  
初變雪曉窺簷溜已垂冰泪凝孤枕三停濕花  
結殘燈一半明又向茅亭留一宿行雲行雨本  
無情

十七日早行始憶昨日立春

客中為客已決旬歲杪西邊訪故人杞欖花前  
風弄麥葡萄架底雨沾塵山城腸斷得窮臘村

嵩新  
館魂銷偶忘春今日喚回十載夢一盤涼餅翠

是日驛中作窮春盤

昨朝春日偶然忘試作春盤我一嘗木按切開  
銀線亂砂瓶煮熟藕絲長勻和豌豆揉葱白  
薰餅必投細剪蔓蒿點韭黃也與何曾同是飽  
區區何必待膏粱

西域蒲華城贈蒲察元帥

騷人歲杪到君家土物蕭疎一餅茶相國傳呼

扶下馬將軍忙指買來車琉璃鍾裏葡萄酒  
琥珀中杞欖花萬里遐荒獲此樂不妨終老在

天涯

將軍乃元帥子也

乞車

君家輪扁本多能碧軾朱轅照眼明居士此迴  
無馬坐即官不可輒徒行陳遵投轄情何厚

將行

又前連數日

靈輒扶輪報敢輕別更不須尋土物載

將春色去東城

戲作二首

蒼顏太守領西陽招引詩人入醉鄉屈眴輕衫  
裁鴨綠葡萄新酒泛鸞黃歌姝窈窕髯遮口舞  
妓輕盈眼方光野客乍來同見慣春風不送斷  
人腸

一種白葡萄酒色如金波

太守多才民富強光風特不讓蘓杭葡萄酒熟  
紅珠滴杞欖花開紫雪香異域絲篁無律呂吳  
姬散調自宮商人生行樂無如此何必咨嗟憶  
故鄉

過太原南陽鎮題紫微觀壁三首

廷臣侍從茂前驅道侶忻奔逐使車縣吏喜聞  
新號令村民爭認舊中書繫之山果盈磁鉢薄  
薄濁膠半瓦壺隱逸競詢新事跡幾時遷洛卜  
新都

吾皇巡狩用三軀萬騎千官奉帝車北闕春頒  
勸農詔南陬夜奏報捷書士民安堵耕盈野老  
幼迎郊漿滿壺佇看要荒歸一統天兵不日破  
東都

三教根源本自同愚人迷執強西東南易笑倒

知音士反改蓮宮作道宮

紫微觀舊佛寺也村  
大改佛像改為道像

故有  
是句

和松月野衲海上人見寄二詩

游子癡愚莫識家牛車遠愛羊車汪洋渤海

龍宮戲涓滴波瀾坎井蛙迷後萬言猶是少悟

來千里不為賒叢林衲子空行脚遠徧天涯与

海涯

小隱居山何太錯居鄺大隱絕憂樂山林朝市

笑呵之為報禪人莫勸着

夢中偶得

庚辰正月夢旃檀刹澄公託萬松老人乞算籌于予，以九十一莖贈之，仍作頌一絕覺而猶憶遂錄之為他

日一笑云

昔年鈎隱索幽竒，只向縱橫枝上覓。而今拍手

笑呵，九一元來九十一。仍囑附頌音云若澄

汝但應云果然果然佛袖便出覺而自着語云幾日昏沉夢中挫五

賈非熊餞予用其韻

鑿轡和鳴車拍南廷臣，自愧侍龍驂。平生慷慨

貞夫一萬里，別離益友三。老子此行無酒債，故

人歸計有禪菴白雲野。衲皆宗匠道眼因緣好

細叅

用李德恆韻

吾子棲遲尚布衣，挑燈彈鋏壯歌悲。阮生固已

開青眼，馬氏元來有白眉。運拙巢由真可慕，時

亨房杜不難為。男兒用舍奚憂喜，三徑耕耘足

自資

松月老人寄詩因用元韵

談禪講教不知家芳草漫々去路差杓卜虛穀  
禾老鼓盤星借認洞山麻全無去就論空色誰  
有心情說照遮松月野僧須薦取釣魚人是老  
玄沙

和薛正之韵

天涯倚遍塞城樓凝望冥鴻空自羞礼象不張  
真我恨干戈未戢是吾憂每憐丹鳳能擇食常  
笑黃能悞上鉤何日解榮償舊約扁舟蓑笠

五湖

湛然居士文集卷第六

湛然居士文集卷第七

中書令 移刺楚材晉卿

用李邦瑞韻

沉：北海雪波深老眼增明寸碧岑未得一江  
活物水何煎四海望雲心我生有遇千年會自  
愧難為三日霖吾子倭然虛讚德臨風羞繼謫  
仙吟

寄平陽淨名潤老

駟騎新從平水迴知公無恙笑顏開出門不剪

閑庭草退步從生古殿苔玉鎖何須綵鳳金  
鈎毋得釣黃能夜深織就無紋錦但有人來寄  
箇來

和鄭景賢韻

我愛龍崗老鳴琴自老成未彈白雪曲先愛水  
仙声但欲合純古誰能媚世情林泉聊自適何  
必獻承明

和李茂才寄景賢韻

醒時還醉、還醒尚憶輪臺飲興清瀚海波濤  
君忍聽天山風雪我難行好學慷慨英雄操毋  
做辛酸兒女情但得胸中空灑、天涯何處不  
安生

除戎堂

王師西征賢帥賈公留後于雲內築  
除戎堂於城之西阿以練戎事禦武  
折衝高出前古予道過青塚公召予  
宴于是堂鴻筆大手題詩洒墨錯落  
于楹棟間皆讚揚公之盛德予因作

二詩以陳其梗槩云

除戎堂主震威名一掃妖氛消未萌不出戶庭  
成廟奠折衝樽俎有奇兵何須公瑾長江險安  
用蒙恬萬里城坐鎮大河兵偃息居延不復塞  
塵驚

除戎廳事築城阿烽火平安師旅和遠勝長城  
欺李勣徒標銅柱笑伏波服心不用七擒策禦  
侮何勞三箭歌高枕幽窗無一事西人不敢收  
長河

寄武川摩訶院圓明老人五首

臨行不暇別圓明禪客樅闕百變生明日清風  
都不會落花流水兩無情只知嘗謁摩訶院誰  
道曾離歸化城賓主相忘非聚散笑談松竹自  
清報

新詩入手眼增明老作機鋒太峻生畧序寒溫  
閑禮數過承褒賞假人情羨君奮迅超真地笑  
我徘徊戀化城且喜武川歸海若狂流萬派盡  
消殺

我夢圓明道眼明簡書時復寄鯨生談真辨妄  
輸達士背正歸邪笑世情且隱驪珠光萬丈奚  
貪尺璧價連城穹廬高枕無餘事靜聽潮轟北  
海聲

歸舟不得效淵明細碎功名誤此生客裏政如  
閑氣味病來猶有好心情冰絲罷品昭君曲醉  
墨閑題蘓武城受用觀音法無盡悲笳風送兩  
三聲

一扇儒風佛日明舍生從此樂餘生高人編簡

尋長策衲子林泉稱野情見道穀帛充廩歲喜  
聞流散集京城自慚無德毗明主千里虛名浪  
播教

和李漢臣韻四首

夢中身世髻垂班方士從誇藥駐顏性海一波  
含萬象威雲淩箭透重關圓融月水非生滅浩  
渺虛舟任往還便好灰心養愚拙須知大智本

閑

飛龍登九五曆數與天膺休運繇衣冠功臣列

土封但期酬子志奚慮枕吾肱千載聖人出休  
嗟見有恒

雲中棲隱養雄豪我愛先生一着高鼓腹詩鳴  
光聖世雄文端可繼離騷  
龍庭十載不知疲自恨無才出六奇欲著涓埃  
稗海岳虛名門譽畏人知

和北京張天佐見寄

寓跡龍庭積有年功名已後祖生鞭銷金衆口  
嫉居士好事獨君慕湛然許遠雲山分袂別幾

時風雨對床眠瓊華贈我將何報聊寄江南古  
樣絃

戊子繼武川劉搏霄韻

不得吾山卧翠霞西行半遍海之涯火風地水  
雖非我南北東西搃是家駟騎親馳涉弱水星  
軺躬駕過流沙唯期聖德漸遐迹不憚龍庭萬  
里賒

晉風水憩解州邵薛村洪福院

天兵南出武陽東暫解征鞍憩梵宮玉像巍

紅葉榛金容奕奕、碧紗籠三秦繁盛如席卷兩  
晉風流掃地空唯有真如元不壞青山依舊白  
雲中

邵薛村道士陳公求詩  
玄言聖祖五千言不說飛昇不說仙燒藥煉丹  
全是妄吞霞服氣苟延年須知三教皆同道可  
信重玄也是禪趨破異端何足算紛紛、皆是野  
狐涎

過金山和人韻三絕

金山突岨翠霞高  
清賞渾如享太牢  
半夜穹廬  
伏枕臥亂雲  
深處野猿號  
金山前畔水西流  
一片晴天萬里秋  
蘿月團  
上東嶂翠嶂高  
掛水晶毬

金山萬壑鬪  
散清山色空濛  
弄晚晴  
我愛長天  
漢家月照人依舊  
一輪明

謝王巨川惠臘梅因用其韻

雪裏冰枝破冷金  
前村籬落暗香侵  
令人多謝  
王公子分惠幽芳寄好音

五公和玉巨川題武成王廟

商辛自底滅亡  
碁堡障全空  
聚蠶絲誰識華山  
歸馬日易于渭水  
釣魚時日用其陪

不遇知音鍾子期  
逢人未敢理冰絲  
年來志盡

悲風操空憶傷麟  
嘆鳳昔

今年扈從入西秦  
山色猶如昔日新  
詩思遠隨

秦嶺雁征衣全染  
灞橋塵含元殿壞  
荆榛古花

夢樓空草木春  
千古興亡同一夢  
中多少未

歸人

和景賢七絕

一曲悲風和子彈  
穹廬聊復助清歡  
自慙未盡

桐君趣老境方知  
道愈難

龍庭十載典南訛  
再品朱絃韻未和  
美湏千鍾

聊當酒純音三弄  
且充歌

今日邊城又見君  
試彈流水藝棋  
覓殺和塞色

金徽潤香散穹廬  
玉鼎温

雅操真堪坐席堂積年仁義佐賢王鳴琴談笑  
澤天下始信斯文天不凶不樂無象難味  
桐孫元採嶧陽林萬里携來表素心聊爾贈君  
為土物也教人道有知音惜未味美  
年來衰老四旬餘願與人間萬事疎惟有琴魔  
降不得鳴球戛玉澈清虛一作算來地未清虛  
知音重遇已忘憂况復邊山七月餘聯句絃歌  
清夜樂人生適意亦何羞

又四絕千古與山同一韻

年來世事已參商但有殺塵尚未忘若向琴中  
定優劣龍崗錯認老髯郎

撫弄桐君樂自然寡古意詎容傳伯身點檢  
真堪笑不遇知音便絕絃

幽人寥落思無窮付与軒昂一曲中欲罷不能  
行且止泣麟嗟鳳鼓悲風

接得新詩想咳談奇才獨步斗之南縱橫風月  
輸君手惟有枯禪不許參

和景賢二絕

嘗許景賢黃華墨跡景賢寄詩督子因和其韵以戲

醉時還許醒時無，諺有斯言正謂予。  
未得素袍白侶雪，筭閑難占石軍書。  
龍崗才德古來無，敏授新詩正起予。  
詞翰獲全妙天下，銀鈎深侶魯公書。  
和高冲霄二首

十里東風渭水春，臨風酌月吊英魂。  
直須立事書麟閣，何必題詩寄雁門。  
翠華南渡濟蒼生，垂老將觀德化成。  
昨夜行宮

傳好語秦川草木也，折榮

過天山和上人韵二絕

從征萬里走風沙，南北東西穩是家。  
落得胸中空索索，凝然心侶白蓮花。  
一入空門我暢哉，浮雲名利已忘懷。  
無心對鏡誰能識，優鉢羅花火裏開。

過覃懷二絕

十年寥落隱穹廬，驛使空來好信無。  
再過覃懷覓陳迹，冰魂無恙影扶踈。

信斷江南望驛塵十年辜負嶺頭春而今重到  
覃懷地却與梅花作主人

王屋道中

雪嶺風林渡古關圖曾見晉名賢而今好倩  
丹青手添我龍鍾一湛然

過天德用遷上人韻

行盡中原二百州黃能往而不吞鉤而今再出  
天山道收拾輪竿北海游

贈遼西李郡王

我本東丹八葉花先生賢祖相林牙而今四海  
歸皇化明月清天却一家

題張道扇二首

誰裁雲扇綴春梭招引微涼枉費工何似踏開  
真境界普天西地起清風

真空境界本如二病眼生花認画图至道絕形  
剛着面太虛無面更添鬚

題古并覃公秀野園

流水潛穿屋下籬青山屋下數峰奇佳園已有

温公句何必袁公更寫詩  
題昭上人松菊堂圖

晴煙蒼節出墻青斜日黃華隔檻明  
松菊尚存  
歸未得湛然真箇太憨生  
題平陽劉子寧玄珠堂

玄珠失却已多時縱使離婁枉用眉  
誰識這些  
閑揆子再三撈揆始應知

題誌公圖

昔傳難貌誌公真我道斯言尚未親  
刹今塵

無處避丹青也是本來人  
雲自

題黃山墨竹便面

黃山落筆露全機底箇團團太崛竒  
點破本來  
真面目何妨節外更生枝  
林

請住東堂

雲中豪俊構東堂便請禪師早發裝  
自有東山  
鐵餒餚不妨拈出大家嘗

請倪公

倪公本是我同叅道價崢嶸冠斗南  
千里雲山

舊游地何妨杖錫住西庵  
請照老住華塔

華塔當年隱蟄龍  
雷掣電滿雲中而今却請  
還山去折脚鐺邊煮曉風  
華塔照上人請為功德主

晉陽名利僅千區  
華塔叢林冠一隅今日請予  
來領畧他年乞我一禪廬  
請岩公禪師詣天德作水陸大會

禪師久住賀蘭山  
心與白雲自在閑  
便好因風

到人世化為甘露滿人間

和賈搏霄韵二絕

舉世昏：侶醉眠悲哉不宥救頭然  
祖師點破  
新闕揆直指人心教外傳  
西菴談道頓忘眠今日相逢亦偶然  
欲問瞿曇  
端的處燈籠露柱却能傳

和高麗使三首

神武有為元不殺  
寬仁常媿數與戎  
仁綏武震  
誠無敵重驛來王四海同

揚兵青海西涼滅渡馬黃河南汴空百濟稱藩  
新內附馳輅來自海門東  
壯年吟嘯巢由月晚節吹噓堯舜風兩鬢蒼  
塵滿眼東人猶未識髯公

西夢如夢中偶得  
我愛湖山好茅齋遠澗泉道人閑受用不使半  
文錢

和武善夫韻

佐主焦勞力已殫微才安可濟時難開樽北海

希文舉携妓東山笑謝安雨露新恩君責重桑  
榆老境我年殘何時致政宮山去三迳依然松

菊寒

秋霖初霽覺新涼午夜東山月吐光翠竹無心  
甘晚節黃花有意助年芳忠誠自許一心赤老  
境誰憐兩鬢霜遙憶我山歸未得故人書簡怨  
東陽

題寒江接舫圖

一派瀟湘萬里山閑騎凍鬪點江天風帆雪棹

知多少認取華亭沒底船

題黃梅出山圖

祖佛不出中山主良才可惜遭斤斧肩擔明月

過前峰一省忘却曹溪語

一束三人作一團了無前後亦無偏幾乎笑殺

龐居士擬問如何便著拳

玉岩三尺碧玲瓏入定僧迷一色劫打入無明

山鬼窟不知何日透真空

詠探春花用高冲霄韵

風拂新芳映短牆典刑依約類丁香梅花欲謝

渠先折消得東君為汝忙

寄休林老人

世上元無真是非叢林禪客自多疑此詩寄向

并州去笑倒休林老古錐

過濟源登裴公亭用閑老入韵四絕

以寄

禪客論洞山公案渠謂

洞山果有喫棒今日作頌

卷七 十四

一抱青山挿碧空，平湖春水碧溶溶。  
裴公亭畔千竿竹，撩我詩情得之濃。

珍玉叅差照座寒，閑吟佳句繼香山。  
有樂天詩碑在焉

湛然不揆真堪笑，也敢題詩列壁間。

繞垣喬木碧天叅，松竹蕭蕭翳鏡潭。  
他日携琴來隱此，林間乞我一禪庵。

碧湖風定水痕平，雪竹幽禽自好聲。  
我羨清源高隱士，干戈人世不知兵。

山景再用前韻

山接晴霄水浸空，山光灑灑水溶溶。  
風迴一鏡揉藍淺，雨過千峯潑黛濃。

掀髯坐語閑臨水，仰面徐行飽看山。  
竹裏忽聞春雪落，天教著我畫圖間。

侍中庵底春山色，裴老亭邊秋水聲。  
脩竹茂林真隱地，但期天下早休兵。

劫外玄機好細叅，他年卜築遠澄潭。  
琴書活計無多子，祇與龍崗共一菴。

復用前韻

水影連天日渺，山光和水，溶溶一林脩竹。  
搖雲碧百畝，涼陰蔽日濃。

門外回環皆碧水，亭中坐臥得青山。凭欄畫日  
搜新句，思入煙霞縹緲間。

幾時投老謁同叅，擬向君王乞鏡潭。節了遨遊  
容膝處，裴公亭與侍中庵。  
一作爛賞裴公亭畔  
竹歸來容膝侍中庵

四海干戈尚未平，不如歸隱聽歌聲。情知文武  
都無用，罷讀詩書不學兵。

山莊再和西庵上人韻

不在尋求不在叅，誰分西北與東南。雲川試入  
西庵去，三聖元來共一庵。

請真老住華塔

華塔叢林久席虛，真公子請肯來無。湛然拙偈  
呈君去，便好携瓶倒土驢。  
一作笑倒當  
年十萬夫

請王公住太原開化

大愚不了戾兒孫，開化重興政賴君。便請踏開  
關，揆子何妨地灸與天薰。

和薛伯通四絕

黃花紅葉滿秋山月浸銀河夜未闌寂莫梧桐  
深院落有人何處倚闌干  
碧山粧點塞天秋老盡黃花蝶也愁拚醉東籬  
顛倒舞人間富貴一何樓  
哀年且喜志微伸鏡裏驚看白髮新何日得遊  
雲水去秋江鷗鷺淡相親  
虛名羈我未能歸羞見冥冥一鴈飛拜掃松楸  
定何日不堪雙淚對君揮

和松菊堂主人昭老見寄三詩

松菊堂中老故人芝眉重謁我無因林松老節  
應依舊籬菊寒英又一新

晉陽相遇亦前因分手歸來迹已陳松菊幽堂  
應冷淡與君同話更何人

俊老茶毗四十年前身是我誤相傳香山教價  
喧天下爭侶衰翁不會禪來侍謂予香山俊老  
之後身故以此解嘲

洞山五位頌

正中偏

卷七

十七

十月澄江徹底冰梅花江路破瑤英寒齋冷坐  
人無寐雪映書窓一夜明

偏中正

區、游子困風塵就路還家觸處真芳草滿川  
桃李亂風光全是故園春  
正中來  
石女翩翩鳥道飛淵明琴上撫冰絲緩歌劫外  
陽春曲慢舞盤中白雪詞

涇渭同流無間斷華夷一統太平秋而今水陸  
車舟混何礙冰人跨火牛

兼中到

水窮山盡懸崖外海角天涯雲更遮撒手轉身  
人不識迴途隨分紉些

太陽十六題

真和識自宗  
拈花老子徒饒舌面壁胡僧太賺人更著洞山  
行過水吾宗從此永沉淪

百尺竿頭須進步無明鬼窟好抽身  
寒灰定爆真奇味枯木花開別是春

活中死

韶老須彌論過失廬陵米價認商量  
可憐一粒靈丹藥嚥下喉嚨命已亡  
雲裏更無端主轉良石女翻翻不落死活

白雲深處有滄波半醉微醒咲更歌  
孤艇往來無繫絆陰晴天氣曝漁蓑

至華寶地背捨

人忘家破更何依退步懸崖撒手時  
去歲生涯無寸土今年活計更忘錐

通方大隱好居鄽

手段能如火裏蓮九陌香塵烏帽底  
一棹春水白鷗前

垂衣端拱媿佳兵

文化優游致太平昨夜濛濛春雨足  
松筠花草一時榮

春雨天林殺人劍一却  
雪刃森森倚碧雲佛魔凡聖總止覓水乾滄海  
魚龍死火烈崑崗玉石焚

自謂承一平常水白調前  
寒來向火被添綿夏月臨風使扇  
渴飲飢食  
隨分過閑中打坐困時眠

無七上今利道拔生  
箇、既知迎葉富人、休怨釋迦慳破鐺煮得  
空華寶甌裏盛將鐵漢食

長自不言無過失  
元知舌上無橫骨須信喉中有轉關喚驚為龜  
人不肯直教迦葉也眉攢

何、笑為透脫  
瀟湘一片蘆花秋雪浪銀濤無盡頭何處漁歌  
發清響鷺鷥飛出白汀洲

不  
重陽九日菊花新妙契忘言不犯春  
收得安南  
憂伐北不知何日得通津

從來箇事不囊藏  
剎之塵、為舉揚  
近日令嚴  
誰敢犯不教奪市與攬行

鷺嶺默然全是影  
毗耶杜口本非真  
燈籠露柱  
呵、笑誤、浮生多少人

入不音直又一首  
疎山住、莫忽、龍牙且無祖師意  
須信樸牛  
另有方不犯鋒鉞震天地

與國對陣方圓  
破船折棹殘簑笠  
石女直鉤波上月  
方士徒誇  
鐵作金道人祇要金成鐵

西征軍旅未還家  
六月攻城浮滴沙  
自愧不才  
還有幸午風涼處  
剖新衣  
香入合天德海上人寄詩用元韵

知子無心謁五侯  
浮雲富貴豈能留  
華亭夜靜  
西風軟萬頃滄波浸月鉤

西廂雜寄白雲上人用舊韻

上人別後未能參一首新詩自北南蕭寺深沉  
香火冷白雲閑鑠舊禪庵用示陪

武川摩訶院請為功德主

昔日南遊又五春馬蹄踏遍武川塵而今却到  
經行處且與摩訶作主人

金和房長老二絕

只識瓶盤不識金瓶盤釵釧本真金一從打破  
疑團後物、頭、搥是心

生死与涅槃都如昨夢耳覺後咲呵、無彼亦  
無此

過平陽高庭英索詩強為一絕

一川秋色滿東籬雁字行、自寫悲試問省庵  
何所省黃花紅葉搥堪詩

湛然居士文集卷第七

得  
焚  
雜

湛然居士文集卷第八



中書令 移刺楚材晉卿

醉義歌

遼朝寺公大師者一時豪俊也賢而

能文尤長于歌詩其旨趣高遠不類

世間語可與蘓黃並驅爭先耳有醉

義歌乃寺公之絕唱也昔先人文獻

公嘗譯之先人早逝予恨不得一見

及大朝之西征也遇西遼前郡王李

世昌于西域予學遼字于李公暮歲  
頗習不揆狂斐乃譯是歌庶幾形容  
其萬一云

曉來雨霽日蒼涼枕幃搖曳西風香困眠未足  
正展轉兒童來報今重陽吟貌蒼白渾塞色客  
懷衰：皆吾鄉歛衾默坐思往事天涯三載空  
悲傷正是幽人嘆幽獨東隣携酒來茅屋憐予  
病竄伶仃愁自言新釀秋泉麴凌晨未盥三兩  
卮旋酌連斟折攔菊我本清癯酒戶低羈懷開

拓何其速愁腸解結千萬重高談幾笑吟秋風  
遙望無何山色好飄：漸遠塵寰中淵明笑問  
斤逐事摘仙遙指華胥宮華胥咫尺尚未及人  
間萬事紛：空一器纔空開一器宿醒未解人  
先醉携樽挈榼近花前折花傾影聊相戲生平  
豈無同道徒海角天涯我遐弃我愛南村農丈  
人山溪幽隱潛脩真老病猶耽黑甜味古風清  
遠途猶迤喧囂避遯岩麓僻幽間放曠雲泉濱  
旋春新黍爨香飴一尊濁酒呼予頻欣然命駕

忽去漠漠霜天行古路穿村迤邐入中門老  
幼倉忙不寧處丈人迎立瓦盃寒老母自供山  
果醋扶携齊唱雅歌清酬酢溫語如甘澍謂予  
綠髻猶可需謝渠黃髮勤相諭隨分窮秋搖酒  
卮席邊籬畔花無數巨觥深斝新詞催閑詩古  
語玄閑開懷囑酒謝予意村家不棄米相陪  
適遇今年東鄙阜黍稷馨香棲畝畝相邀斗酒  
不決旬愛君蕭散真良友我酬一語白丈人解  
釋羈愁感黃耆請君舉盞無言他與君却唱醉

羨歌風雲不與世榮別石火又異人生何榮利  
儻來豈苟得窮通夙定徒奔波梁冀跋扈德何  
在仲尼削跡名終多古來此事元如是畢竟思  
量何怪此爭如終日且開樽駕酒乘杯醉鄉裏  
醉中佳趣欲告君至樂無形難說似泰山載斷  
為深杯長河釀酒斟酌之迷人愁客世無數呼  
來搯耳克罰卮一盃愁思初銷鑠兩盃迷魂成  
勿藥爾後連澆三五卮千愁萬恨風蓬落胸中  
漸爾春氣和腮邊不覺衰顏却四時為馭馳太

虛二曜為輪輶空廓須臾從轡入無何自然汝  
我融真樂陶、一任玉山頽藉地為茵天作幕  
丈人我語真非真、今此外何足云丈人我語  
君聽否聽則利名何足有問君何事徒劬勞此  
何為卑彼豈高層樓日出尋變滅雲峯風起難  
堅牢芥納須彌亦間事誰知大海吞鴻毛夢裏  
蝴蝶勿云假莊周覺亦非真者以指喻指、成  
虛馬喻馬兮馬非馬天地猶一馬萬物一指同  
胡為一指分彼此胡為一馬奔西東人之富貴

我富貴我之貧困非予窮三界唯心更無物世  
中物我成融通君不見千年之松化仙客節物  
登山身變石木龜石質既我同有情于我何瑕  
隙自料吾身非我身電光興廢重相隔農文人  
千頭萬緒幾時休舉觴酌酹忘形跡

題恒岳飛來石

無盡居士題恒岳之飛來石有偈云石落黃河  
北山啣白日西聰明厭血食悔不值元珪天下  
稱頌之為人磨毀字文漫駁不復識矣有仁上

人自恒山來請予復書是偈欲刊諸舊山之側  
予應之曰無盡之妙言昭如日月與天地而齊  
終豈風霾之能掩哉然不能拒上人之請勉為  
之書已  
卿題

為慶壽寺作萬僧疏

竊以棲心物外已知四大之空寓跡塵中且賴  
十方之供矧五常尤尊于博施而六度首重于  
檀那不求郡國之英豪誰養林泉之跛挈芒鞋  
藜杖弗辭千里之勤糲食蔬羹好助萬僧之化  
謹疏

太原開化寺草律為禪仍命予為功德  
主因作疏

竊惟昔年開化今日為禪已蒙智老拈香又請  
湛然作主尋行數墨一蠲教院家門運水般柴  
便有叢林氣息謹疏

為石壁寺請信公庵主開堂疏

竊以達磨昔年莽鹵截霍續息天寧今日顛預

證龜作鱉可憐弄巧成拙不免出醜放乖我信  
公菴主受洞下之宗佩風却波天寧老人之心  
印叅窮行說不到處踏開偏正未分前既已降  
尊就卑何愧歷良為賤逢場作戲請來鬧裏刺  
頭借水獻花便好穩處下脚謹疏  
王山圓明禪院請子為功德主因作疏  
王山乃雪岩之故刹湛然實萬松之門人既是  
當家本非生客春風秋月長聯萬葉之芳晨香  
夕燈永祝一人之壽

萬卦山天寧萬壽禪寺命子為功德主

因作疏

唯萬卦之古刹實萬松之舊游有虛已彦公飛

書請湛然作主勉為提領良慰殷勤山色水聲

永作道人活計漁歌樵唱偷傳袖子家風謹疏

請某公庵主住竹林疏

孤死首丘是難忘于熟處心空及第何猶迷于

故園我某公庵主三頓打不回頭一唱全無入

耳喫竹林飢病竹林天嗣竹林法傳竹林禪打

馱哄盆莫忘竹林之重德披毛帶角好種竹林之道場

請湛公禪師住紅螺山寺疏  
祖彌不了慚惶碧眼之老胡兒孫受殃架構紅螺之大刹既是將錯就錯不免拈空拄空我湛公禪師韶陽遠孫摩訶嫡子穿透三句語擊碎十法門便好住持更休推讓滔天嶺上只圖同看有毛龜絕頂山頭且要共栽無影樹謹疏

請容公和尚住竹林疏

慶壽慈悲拽擺犁而耕種竹林蕭洒嘆槽廠之空閑已讓位而逃宜見機而作我容公禪師一條生鐵脊两片點鋼唇叅透濟下沒巴鼻禪說得格外無滋味話呵佛罵祖且存半面人情揭海嶽山別有一般閑按試問孤峯頂上何如十字街頭若是本色瞎驢好趁大隊既號通方水拈何必芒繩謹疏

請智公尼禪開堂疏  
用管仲則安用監刃則危賢愚政事叅萬松則

謫叅延洪則讚冷暖人情行窮萬里山川只是  
一天風月惟智公禪師本有丈夫志不學老婆  
禪拈却花冠弗裝珍御可駭持牛生特便好出  
頭勿謂牝雞司晨不敢下嘴謹疏  
代劉帥請智公尼禪住報先寺劉公隣居報光  
先垢無緣之遠井之救渴卜隣有德故近寺而  
敬僧我智公禪師先禮報恩後叅奉福遠如舊  
總近似新深滋鎖打開便請升堂啟戶明燈別  
起願希鑿壁偷光謹疏

請某庵主開堂疏

和尚拽碓子不離寺內老鼠拖胡盧只在倉中  
某公庵主先謁報恩再叅奉福升回斗轉因倒  
教傾十分利不圖半文一石禪獨攬八斗莫學  
淘沙去米打破羅盆且來量土唱籌熟謾敵將  
謹疏

為慶壽寺化萬僧疏

隱迹林泉置死生于度外隨身鉢寄口腹于  
人間欲隆三寶之風強遣萬僧之化何須異味

唯求野菜淡黃齏不用多般只要山田因脫粟  
飯謹疏

請亨公庵主開堂疏

亨公庵主久叅萬松老人因緣不契  
再謁王山大愚和尚不暮月罷叅予  
過太原王山寺僧請予作疏  
萬松三頓不回頭王山一釣便吞鉤大愚不似  
大愚老脇下三拳即便休

三學士改名圓明仍請予為功德主因

作疏

本無男女等相着甚名模強分禪教者流且圖  
施設粵三學之巨刹冠四海之名藍今改僧而  
舍尼遂從禪而革律鬘印公為粥鉢頭請湛然  
作功德主根深蒂固常聯萬葉之芳地久天長  
永祝一人之壽謹疏

平陽淨名院苾律為禪請潤公禪師住

竊以不居這那院好箇主人本無南北心悉為

佛子謹請懷仁潤老來住平陽淨名翡翠簾前  
請看木入之舞琉璃殿上願聞布鼓之音謹疏

太原五臺寺請予為功德主因作疏

鎮三晉之雄藩有五臺之古刹獻花的酌水改律  
為禪具疏殷勤請予領畧謹命休林常祝壽結  
箇好因緣為報文殊莫放光不打遮鼓笛謹疏

請定公庵主出世疏

少林九年打坐祇得半提曹溪五派分開全沒  
一滴雖是將無作有也要弄假像真我定公庵

主洞下玄孫五臺嫡子解造無米粥能撫沒絃  
琴既已炙地薰天須要掀天翻海正逢開花枉  
閑有力叢林便好出頭莫戀無明鬼窟謹疏

大龍山永寧石壁禪寺請忘憂居士為

功德主代為之疏

唯明月清風取之無禁者况龍岩石壁命予為  
主人煩我一心護持謝地兩手分付千岩好景  
半文不費買山錢數帑間言一狀便充商稅契

謹疏

代忘憂居士請琳公禪師住持壽寧禪  
師疏

臨汶水之故邑有壽寧之巨藍歷代歸依百年  
煥顯乞忘憂為功德主請琳公為粥飯人獨掌  
不浪鳴單手豈成拍千年罕遇最難時節因緣  
一疏速來便是衲僧巴鼻謹疏

為大覺開堂疏

竊以門裏安身已早荆棘漫地岩中宴坐更知  
過犯彌天請來借座陞堂便好倩人問話引得  
輓轡轉地問甚千遭萬遭快迭爐鑿熱時盛塔  
一箇兩箇  
竊以雲門胡餅切忌咬嚼廬陵米價怎敢商量  
不甘公案看訛正要作家批判伏惟粵公和尚  
佩聖安之正印透韶陽之上関莫守命鬼窟中  
三彈不動快橫身虎口裏一勘便捨  
竊以逢人不出則便為人傍觀者晒逢人便

出：則不為人當局者迷直須一箭透重圍不  
得三心或二意自甘入室渾如豹膽熊心不肯  
陞堂却是虫頭鼠尾

司天判官張居中六壬祛惑鈴序

予故人張正之世掌羲仲之職通經史百家之  
學尤長于三式與予參商且二十年矣癸巳之  
春既克汴梁渠入覲于朝形容變盡唯語存耳  
乘閑因出書一編曰六壬祛惑鈴予再三繹之  
引式明例皆有所據或有隱奧人所未通者釋

以新說蓋採諸經之所長無所矛盾者取其折  
衷為一家之書近代未之有也求傳寫者既眾  
其同列請刊行以廣其傳余忻然為引以題其  
端癸巳中秋日湛然居士漆水移刺楚材晉卿  
序

苗彥實琴譜序

古唐棲岩老入苗公秀實其名彥實其字博通  
古今尤長于易應進士舉兩入御闈而不捷乃  
拂袖去之公善于琴事為當世第一嘗游于京

師士大夫間皆服其高妙泰和中詔天下工于  
琴者侍郎喬君舉之于朝公待詔于秘書監予  
幼年刻意于琴初受指于待詔弭大用每得新  
譜必與棲岩商確妙意然後彈之朝廷王公大  
人邀請棲岩者無虛日子不得與渠對指傳教  
每以為恨壬辰之冬王師濟長河破潼關涉京  
索圍汴梁子奏之朝廷索棲岩于南京得之達  
范陽而弃世其子蘭挈遺譜而來凡四十餘曲  
予按之果為絕教大率署令衛宗儒之所傳也  
子令錄之以授後世有知音博雅君子必不以  
子為徒說云壬辰仲秋後二日湛然居士漆水  
移刺楚才晉卿序

答楊行省書

某再拜復書于行省閣下辱書諭及辭位事請  
聞奏施行者惟聖代之深仁賞延于世偉閨門  
之內助貴繫于夫故行省李公雖稽北覲之期  
頗著南伐之績時不適願天弗假年伏惟閣下  
族出名家世傳將種無兒女子之態有大丈夫

所為吏民服心朝廷注意遂授東臺之任冀舒南顧之憂今也抑意陳書引年求退懼折鼎覆餗之患避牝雞司晨之譏雖曰謙尊而光曷若隨時之義分茅列土無忘北闕之恩秣馬厲兵可報西門之役今因人回謹復書以聞山川遼濶書簡浮沉比獲瞻依更希調護不宣

進西征庚午元曆表

臣楚才言堯分仲叔春秋謹候于四方舜在璣衡旦暮肅齊于七政所以欽承天象敬授人時典謨實六籍之大經首書其事堯舜為五帝之盛主先務厥猷皎如日星紀之方冊由此言之有國家者律曆之書莫不先也是以三代而下若昔大猷尊而奉之星曆之官代有其人漢唐以來其書大備經元創法無慮百家其氣候之早晏朔望之疾徐二曜之盈衰五星之伏見疎密無定先後不同蓋建立都國而各殊或涉歷歲年之遠遠不得不差也既差則必當遷就使合天耳唐曆八徙宋曆九更者良以此夫金用

大明百年纔經一改此去中原萬里不啻千程  
昔密令疎東徼西著以地遙而歲久故勢異而  
時殊庚辰聖駕西征駐蹕尋斯千城是歲五月  
之望以大明大陰當虧二分食甚子正時在宵  
中是夜候之未盡初更月已食矣而又二月五  
月朔微月見于西南校之于曆悉為先天恭惟  
皇帝陛下德符乾坤明並日月神武天錫聖智  
夙資邁唐虞之至仁追羲軒之淳化冀咸神而  
底象故奉天而謹時重勅行臺旁求儒者臣魚  
虫細物草芥微人粗習周孔之遺書竊慕羲和  
之陳迹俎豆之事靡遑諸已箕裘之業敢忘于  
心恨無命世之大才誤忝聖朝之明詔欽承皇  
旨待罪清臺五載有竒徒曠著龜之任萬分之  
一聊陳犬馬之勞既校曆而覺差竊效顰而改  
作今演紀窮元得積年二千二十七萬五千二  
百七十歲命庚辰臣愚以為中元歲在庚午天  
啟宸衷決志南伐辛未之春天兵南渡不五年  
而天下畧定此天授也非人力所能及也故上

元庚午歲天正十一月壬戌朔夜半冬至時加  
子正日月合璧五星聯珠同會虛宿五度以應  
我皇帝陛下受命之符也臣又損節氣之分減  
周天之杪去交終之率治月轉之餘課兩曜之  
後先調五行之出沒大明一失于是一新驗之  
于天若合符契又以西域中原地里殊遠創立  
里差以增損之雖東西數萬里不復差矣故題  
其名曰西征庚子元曆以紀我聖朝受命之符  
及西域中原之異也所有曆書隨表上進以聞  
伏乞頒降玄臺以備行宮之用臣誠惶誠恐頓  
首頓首謹言

西遊錄序

古君子南踰大嶺西出陽關壯夫志士不無消  
黯子奉詔西行數萬里確手不動心者無他術  
焉蓋汪洋法海涵養之效也故述辨邪論以斥  
糠粃少答佛恩戊子馳傳來京里人問異域事  
慮煩應對遂著西游錄以見予志其間頗涉三  
聖人教正邪之辨有識予之好辨者予應之曰

魯語有云必也正名乎又云思無邪是正邪之辨不可廢也夫楊朱墨翟田駢許行之術孔氏之邪也西域九十六種此方毘盧糠歌白經香會之徒釋氏之邪也全真天道混元太一三張左道之術老氏之邪也至于黃白金丹導引服餌之屬是皆方技之異端亦非伯陽之正道疇昔禁斷明著興常第以國家創業崇尚寬仁是致偽妄滋彰未及辨正耳古者嬴秦燔經坑儒唐之韓氏排斥釋老辨之邪也孟子闢楊墨予

黜糠丘辨之正也予將刊行雖三聖人復生必不易此說矣己丑元日湛然居士漆水移刺楚才晉卿序其事

辨邪論序

夫聖人設教立化雖權貴不同會歸其極莫不得中凡流下士唯務求竒好異以眩耳目噫中庸之為德也民鮮久矣者良以此夫吾夫子云中人以下不可以語上也老氏亦謂下士聞道大笑之釋典云無為小乘人而說大乘法三聖

之說不謀而同者何哉蓋道者易知易行非掀  
天拆地翻海移山之詭誕也所以難信難行耳  
舉世好乎異因執厥中舉世求乎難弗行厥易  
致使異端邪說亂雅奪朱而入莫能辯悲夫吾  
儒獨知楊墨為儒者患辨之不已而不知糠蟹  
為佛教之患甚矣不辨猶可而况從而和之或  
為碑以紀其事或為賦以護其惡噫天下之惡  
一也何為患于我而獨能辨之為患于彼而不  
辨反且羽翼之使得遂其姦惡豈吾夫子忠恕  
之道哉黨惡佑姦壞風傷教千載之下罪有所  
歸彼數君子曾不捫心而靜思及此也耶予旅  
食西域且十年矣中原動靜寂然無聞邇有永  
安二三友以北京講王所著糠蟹教民十無益  
論見寄且囑予為序予再四繹之辨而不怒論  
而不縵皆以聖教為據善則善矣然予辭而不  
序焉予以謂昔訪萬松老師以問糠蟹邪正之  
道萬松以予酷好屬文因作糠蟹賦見示予請  
廣其傳萬松不可予強為序引以行之至今庸

民俗士誇歸于萬松予甚悔之今更為此序則  
又將貽謗于講主者也謹以萬松講主之餘意  
借儒術以為比述辨邪論以行世有謗者予自  
當之安可使流言餘謗汙玷山林之士哉後世  
博雅君子有知我者必不以予為囁嚅云乙酉  
日南至湛然居士漆水移刺楚才晉卿序于西  
域瀚海軍之高昌城

寄趙元帥書

楚才頓首白君瑞元帥足下未審邇來起居何  
如昔承京城士大夫教書發揚清德言足下有  
安天下之志仍託僕為先容僕備員翰墨軍國  
之事非所預議然行道澤民亦僕之素志也敢  
不鞭策駑鈍以羽翼先生之萬一乎僕未達行  
在而足下車從東旋僕甚快之夫端人取友必  
端矣京城楚卿子進秀玉輩此數君子皆端人  
也推揚足下談不容口故知足下亦端人也然  
此僕于足下少有疑焉若夫吾夫子之道治天  
下老氏之道養性釋氏之道脩心此古今之通

議也舍此以往皆異端耳君子尊儒重道僕尚  
未見于行事獨觀君所著頭陀賦序知君輕釋  
教多矣夫糠蟹乃釋家之外道也此曹毀像謗  
法斥僧滅教弃布施之方杜懺悔之路不救疾  
苦敗壞孝風寔傷教化之甚者也昔劉紙衣扇  
偽說以惑衆迄今百年未嘗聞竒人異士羽翼  
其說者夫君子之擇術也不可不慎今君首倡  
序引黨護左道使後出陷邪岐墮惡趣皆君啟  
之也千古遺耻僕為君羞之糠蟹異端也輒與  
佛教為比萬松辨賦甘泉勸書反以孟浪巨蠹  
之言處之以此行已化人僕不知其可也僕謂  
足下輕釋教者良以此也夫于所厚者薄無所  
不薄君既輕釋教則儒道斷可知矣君之于釋  
教重糠蟹于儒道則必歸揚墨矣行路之人皆  
云足下吝嗇故奉此曹固其省費故也昔諸士  
大夫書來咸謂足下以濟生靈為心且吾夫子  
之道以博施濟衆為治道之急誠如路人所說  
則吾夫子之道亦不可行矣又將安濟生靈乎

又君序頭陀賦云冀諸宗師祈冥福以利斯民  
足下民之儀表也崇重糠蟹毀斥宗師將使一  
郡從風漸化斷知斯民罪惡日增矣又將安以利  
斯民乎僕謹撰辨邪論以寄幸披覽之更請涉  
獵藏教稽考儒書反復參求其邪正之岐不足  
分矣僕素知君為邪教所惑亦未敢勸諭君不  
以僕不才轉託諸士大夫萬里相結為友故敢  
以區區忠告易曰方以類聚物以羣分經云士  
有爭友故身不離于令名若知而不爭安用友  
為若所尚不同安可為友或萬一容納鄙論便  
請杜絕此輩毀頭陀賦板以雪前非如謂僕言  
未當則請于茲絕交夏暑比平安好更宜以遠  
業自重區區不宣

萬松老人評唱天童覺和尚頌古從容  
昔予在京師時禪伯甚多唯聖安澄公和尚神  
氣嚴明言辭磊落予獨重之故嘗訪以祖道屢  
以古昔尊宿語錄中所得者叩之澄公間有許

可者予亦自以為得及遭憂患以來功名之心  
束之高閣求祖道愈亟遂再以前事訪諸聖安  
聖安翻案不然所見予甚惑焉聖安後容謂予  
曰昔公位居要地又儒者多不諱信佛書惟搜  
摘語錄以資談柄故予不敢苦加鉗鎚耳今揣  
君之心果為本分事以問予、豈得猶襲前愆  
不為苦口乎予老矣素不通儒不能教子有萬  
松老人者儒釋兼備宗說精通辨才無礙君可  
見之予既謁萬松杜絕人迹屏斥家務雖祁寒  
大暑無日不叅焚膏繼晷廢寢忘餐者幾三年  
誤被法恩謬膺子印以湛然居士從源目之其  
叅學之際機鋒罔測變化無窮巍、然若萬仞  
峯莫可攀仰滔、然若萬頃波莫能涯際瞻之  
在前忽焉在後回視平昔所學皆硯礫耳噫登  
東山而小魯登泰山而小天下者豈虛語哉其  
未入闡域者聞是語必謂予忘本好異也唯屏  
山閑、其相照乎爾後奉命赴行在扈從西征  
與師相隔不知其幾千里也師管平法語偈頌

皆法 隆公所收今不復得其稟吾宗有天童  
者頌古百篇誦為絕唱予堅請萬松評唱是頌  
開發後學前後九書間閱七年方蒙見寄予西  
域伶仃數載忽受是書如醉而醒如死而甦踴  
躍歡呼東望稽顙再四披繹撫卷而嘆曰萬松  
來西域矣其片言隻字咸有拍婦結款出眼高  
冠今古是為萬世之模楷非師範人天權衡造  
化者孰能與于此哉予與行宮數友旦夕游泳  
于是書如登大寶山入華藏海巨珍異物廣大  
悉備左逢而右遇目富而心饒豈可以世間語  
言形容其萬一耶予不敢獨擅其美思與天下  
共之京城唯法弟從祥者與僕為忘年交謹致  
書請刊行于世以貽來者乃序之曰佛祖諸師  
埋根千丈機緣百則見世生苗天童不合抽枝  
萬松那堪引蔓湛然向枝蔓上更添芭索穿過  
尋香逐氣者鼻孔絆倒行玄體妙底脚根向去  
若要脚根點地鼻孔撩天却須向這葛藤裏穿  
過始得甲申中元日漆水移刺楚才晉卿序于

西域阿里馬城

評唱天童拈古請益後錄序

雪竇拈頌佛果評唱之擊節碧岩錄在焉佛果  
頌古圓通善國師評唱之覺海軒錄在焉是臨  
濟雲門牙相發揚矣獨洞下宗風未聞舉唱豈  
曲高和寡耶抑亦待其人耶必有通方明眼判  
斷尚未晚也昔佛鑑拈八方珠玉集止及其半  
每至曹洞夾嶺石霜三宗機緣留付佛果今佛  
佛鑑佛果拈八方珠玉集具在愈可疑焉三大

老後果有天童覺和尚拈頌洞下宗風為古今  
絕唱迄今百年尚無評唱者予忝承餘暇固請  
萬松老師評唱之欲成三宗鼎峙之勢忍拈覆  
鉢貞吝之說今評唱頌古從容菴錄已大播諸  
方評唱拈古請益後錄時老師年已六十有五  
矣循常首帶佛事人情晷隙之間侍僧請益旋  
舉旋錄皆不思而對應筆成文尺二十七日百  
則詳備神鋒穎利于斯見矣若夫據令于臨濟  
棒喝以前發機于雲門三句之外豈更與佛果

圓通殘餒爭長執俊快袖子舉一明三瞥見全  
影則為仰法眼雙鉉亦宛然矣但恐信不及徒  
勞話歲寒也吁壬辰重陽日湛然居士添水移  
刺楚才晉卿序于天山

燕京崇壽禪院故圓通大師朗公碑銘  
師諱祖朗姓李氏薊州渙陽人九歲出家禮燕  
京大聖安寺圓通國師為師大定十三年京西  
弘業寺受具至二十一年改弘業為大萬安寺  
禪有司承制師充知事厥後拂衣駐錫聖安復  
為舉充監寺崇壽禪院者寔圓通國師退老之  
舊居也以師為宿舊之最永安間堅請師為宗  
主住持一歷十稔又奉勅選香林禪寺開山提  
點凡三載勅賜總持大德答其勤也既而崇壽  
復請住持載閱五春貞祐間奉勅改賜今號度  
門徒凡十有一人咸有肖父之風焉師前後輔  
翼叢林不憚艱苦讓功責己潛德密行不可槩  
舉師以壬午之仲冬十有四日示寂于崇壽僧  
臘五十三俗壽七十四師將順世預召其屬徒

笑謂曰生緣我將盡矣屬徒退而相謂曰師神色自若、無他疾安得遽有是事耶後七日師命侍僧執筆代書頌云吐遮皮袋常為患害繼祖無能念佛有賴來亦無來去亦無礙四大各離一時敗壞且道還有不敗壞者麼良久云浮雲散盡月昇空極樂光中常自在語竟乃閉目跏趺而寂于是遐邇緇素吊祭如雲嘉敬遠震愈光于生前矣其弟子輩瘞靈骨於師翁靈塔之左去京城之南可三里許丁亥之冬予奉詔搜索經籍馳傳來京有菴主志與者師之受戒弟子也晚得法于聖安澄公圓照大禪師以僕素與朗公善囑予求碑銘僕素愛師之純古灑落與之游者久矣師嘗云予晚節愈堅于持誦日念彌陀聖號數萬教方止辟如抱河梁而浴又何害焉今聞師之寂也七日預知時至雅符龍猛祖師之證無乃持誦之驗與噫聖人豈欺我哉豈欺我哉萬松老人為宗門之大匠四海之所式範素慎許可嘗贊師之真日德譽燔沉

靈骨鏗金訥于言而敏於行璞其貌而玉其心  
勅選提封于國寺天資飽練于禪林子徒寒蟬<sup>知</sup>  
將蛻尚嫻餘吟吾以謂升圓通之堂者稽古依  
然接武于方今云萬松見許如是人可知已僕  
聞師侍從圓通國師最久而又臨終之際超然  
自在疑必得法于國師或因緣未合或受國師  
密訓不令出世亦石霜素侍者之儔侶與崇壽  
禪院方文法堂叢林制度一如聖安師久據而  
不請禪伯任持者亦猶素侍者平欺老黃龍下  
視堯率悅之意故予恐後世明眼人責備于賢  
者累師之重息故雪之于此後之子孫當幹父  
父之蠱毋蹈前轍以玷師之高名焉湛然居士  
再拜而作銘曰

偉哉朗公誕跡漁陽師侍圓通達真穿堂肅然  
宸命屢提國寺退已讓人舉廢脩墜兒孫衆多  
酷奉彌陀心期極樂迹厭娑婆擺手便行預知  
時至臘五十三壽七十四奔喪赴祭緇素駢闐  
嘉敬遐播愈盛生前京南之原茶毗靈骨素荅

陵空朗師不歿佯癡放憨素公同叅莫視堯率  
平欺區南不邀宗匠冷閑方丈垂手無人老殘  
龍象予聞君子責備乃賢毋以微瑕累乎大全  
云子云孫幹父之盞載震師名永揚萬古庚  
寅年六月望日

貧樂庵記

三休道人稅居于燕城之市榜其菴曰貧樂有  
湛然居士訪而問之曰先生之樂可得聞與曰  
布衣糲食任天之真或鼓琴以自娛或觀書以  
自適詠聖人之道歸夫子之門于是息交游絕  
賓客萬慮泯絕無毫髮繫于胸中其得失之  
倚伏興亡之反覆初不知也吾之樂良以此耳  
曰先生亦有憂乎曰樂天知命吾復何憂居士  
進曰予聞之君子之處貧賤富貴也憂樂相半  
未敢獨憂樂也夫君子之學道也非己為也吾  
君堯舜之君吾民堯舜之民此其志也使一夫  
一婦不被堯舜之澤者君子耻諸是故君子之  
得志也位足以行道財足以濟施不亦樂乎持

盈守謙慎終如始若朽索之馭六馬不亦憂乎  
其貧賤也卷而懷之獨潔一己無多財之猶絕  
高位之危此其樂也嗟流俗之未化悲聖道之  
將頽舉世寥寥無知我者此其憂也先生之樂  
知所謂矣先生之憂不其然乎道人瞪目而不  
答居士笑曰我知之矣夫子以謂處富貴也當  
隱諸樂而形諸憂處貧賤也必隱于憂而形諸  
樂何執第恐不知我者以為洋洋于富貴戚戚  
于貧賤也道人曰他人有心予忖度之吾子之

謂矣請以吾子之言以為記兩子日南至湛然  
居士漆水移刺楚才晉卿題

自贊二首

別來十年五歲依舊一模樣鬚髮垂到腰間  
眉毛儼然眼上龜毛稚子画虚空寫破湛然開  
伎倆

有髮禪僧無名居士人道甚似我道便是塵  
刹露全身紙上毫端何處避

燕京大覺禪寺初建經藏記

遼重熙清寧間築義井精舍于開陽門之郭傍  
有古井清涼滑甘因以名焉今朝天德三年展  
築京城仍開陽之名為其里大定中寺僧善祖  
有因緣力道俗歸嚮者衆朝廷嘉之賜額大覺  
貞祐初天兵南伐京城既降兵火之餘僧童絕  
跡官吏不為之恤寺舍悉為居民有之戊子之  
春宣差劉公從立與其僚佐高從遇輩疏請與  
公和尚為國焚脩因革律為禪輿公罄常住之  
所有贖換寮舍悉隸本寺稍成叢席可容千指  
瑞像殿之前無垢淨光佛舍利塔在焉殘缺幾  
仆提控李德者素黨于糠蟹不信佛教至是改  
轍施財完葺其塔繼有提控晉元者施蔬圃一  
區于寺之南以給衆用糊口粗給庚寅之冬劉  
公以狀聞朝廷招提院所貯餘經一藏乞遷于  
本寺安置許之于是與公轉化檀越創建壁藏  
斗帳龍龕一週凡二十架飾之以金繪之以彩  
窮工極巧煥然一新計所費之直白金百笏能  
事告成累書請湛然居士為記予慨然曰昔者

聖人之藏書也貯之以金櫃寫之于琬琰重道  
尊書以示于將來也浮屠氏之建寶藏者亦猶  
是乎吾夫子刪詩定書明禮贊易六經之下流  
為諸子春秋以降散為史書較其卷軸不為不  
多矣兵革以來率散落于塵埃中吾儒得志于  
時者曾無一人為之裒集置之淨室安之寶架  
豈止今日也哉成乎之世間有儒冠率集士民  
脩葺宣聖之廟貌者曾未卒功已為有司糾劾  
矣且以檀輿之罪之噫吾道衰而不振者良  
以此夫昔雪岩示寂于王山時萬松老人方應  
詔住持仰嶠訃問既至不俟駕而行遇完顏子  
玉諸塗子玉嘆曰士人聞受業之師物故也雖  
相去信宿之地未聞躬與其祭者豈有千里奔  
喪者耶佛祖之教源遠流長者有自來矣子玉  
屢以此事語及士大夫今與公禪師非為子孫  
計無取功名心汲々皇々丐乞于道路唯以佛  
宮秘藏為務可謂不忘本矣余已致書于諸道  
士大夫之居官守者各使營葺宣父之故宮亦

有與公激之也云癸巳中秋日記

湛然居士文集卷第八玉山和蕙孫友人書

湛然居士文集卷第九  
和張敏之詩七十韻三首  
移刺楚材晉卿

壯年多軼軻晚節嘆行藏  
故國顏細穢新朝明  
德香雄材能預算大畧  
固難量迭出神兵速無  
敵我武揚本圖服叛逆  
何止剪詩張西討窮于  
闐東征過樂浪彗侵天壘  
壁光動太白鉞整

壯年多軼軻晚節嘆行藏  
故國顏細穢新朝明  
德香雄材能預算大畧  
固難量迭出神兵速無  
敵我武揚本圖服叛逆  
何止剪詩張西討窮于  
闐東征過樂浪彗侵天壘  
壁光動太白鉞整

車徒盛鱗：旗鼓望天皇深責重賢帥廟謨威  
江左將禽楚河陽已滅裔英雄皆入彀強禦敢  
跳梁採訪軒車闌司農官吏忙輕徭常力足薄  
賦不財傷勛業超秦漢規模邁帝王流言無管  
蔡竒計有平良增葺新文物耕耘古戰場蛟龍  
方奮迅鷗鷺得翱翔偶遇風雲會爭依日月光  
永疇千古耻一怒四夷攘虎帳十年夢龍庭幾  
度霜迎降初請命出郭遠相將久敵直宜死寬  
恩何一作未敢當赦書民有幸歌詠壽無疆扶杖

聽黃詔稱觴進白狼散財竭庫藏拔將出戎行  
殷絕仁猶在周傾道不止來招燕郡內入郡大  
食傍戎服貂裘紫星輶駁馬倉中春辭北望初  
夏過西涼瀚海凶而湧陰山徬且徨閑雲迷去  
路疎雨潤行裝出處空興歎風光自斷腸典刑  
陳故事利病上封章天下援深溺中州蕪小康  
風俗承喪亂籌策要優長痼疾如神附遊魂笑  
鬼張仁術能骨肉靈藥起膏肓避禍宜緘口當  
言肯括囊遭讒心欲剖涉若膽先嘗北漠絕窮

域西隅抵大洋詩書猶不廢忠信未能忘瓊補  
連腮帳繩穿朽脚沐郊行長野與人靜若禪房  
回鶻交游熟崑崙事品詳風煙多黯黯雲水兩  
茫茫災變垂乾象妖氛翳太陽髯龍三島去玉  
葉一枝芳明主初登極愚臣敢進狂九疇從帝  
錫五事合天常大樂陳金石朝服身冕裳降升  
分上下進退有低昂拓境時方急郊天且未遑  
應兵無血刃降虜自壺漿安堵無更肆因敵不  
愧糧宸心尊德義聖政濟柔剛恩澤涵諸夏威

稜震八荒勢連西域重天助北方強奉我陪三  
省求賢守四方錦衣捐毳褐肉食弃糟糠隱逸  
求新仕流亡集故鄉百官欣戴舜萬國願歸唐  
耕釣咸生遂工商樂未央會將封泰岳行看建  
明堂每嘆才雕篆長慚學面墻君恩予久負賢  
路我深妨覆餗恒憂懼持盈是恐惶故山松徑  
碧舊隱菊花黃太守方遺鳥初平政牧羊厚顏  
居此位若已紉于隍吟嘯湏歸去香山老侍郎

再用張敏之韵

我愛張公子丁年密退歲施為宜法則議論自  
馨香元氣却不死深波豈可量兒時供府薦壯  
歲已名揚汲，尊尼父堂，類子張遷居擇鄰  
里濯足揀滄浪作傳編毛穎談玄說劍鉞奇才  
千古重令聞萬民望氣壓四明客調窮三耳威  
典謨師我舜雅頌起予商綿叢曾陳漢仁術屢  
說梁本非中酒困長為和詩忙道長如連拔時  
衷心獨傷篆文道似李穎字楷如王青眼予能  
作白眉君最良萬言陳國利一戰捷文場出海

游龍舞騰空翥鳳翔十全君子行一代士林光  
句法吾師範詩材我竊攘忠心常向日直節欲  
凌霜文沒歲云久道亾天未將狂瀾時既倒木  
鐸子宜當德業能純粹學術靡理疆衝天憎燕  
雀當路惡豺狼綺語吟千韻宸意埽十行，歲  
闋治亂出處卜興亾郡隸清河上家居杜曲傍  
登科年甫冠脩史髻初蒼仙觀嘗新欠宮園醉  
晚涼朝天恭蹶踏退食獨彷徨得暇多休沐游  
山小治裝一卮持竹葉左手把無觴官酒澆三

斗宮詞唾百章阮毅師校尉琴訣受嵇康似玉  
風神異如蘭氣味長坦懷無戚、明見笑張、  
草檄堪醫疾鍼書可治盲博聞敵武庫高價重  
珠囊憂患經多故艱難已備嘗悲歌毅歷、雅  
調韻洋洋、造次必于是中心何日忘生涯兩書  
篋香火一禪牀海上尋徐福壺中覓長房流傳  
雖若此真偽甚難詳水國波奔激仙鄉路渺茫  
孤身朝北闕皓首嘆東陽險韻嚼佳句殘英嗅  
冷芳仁人今尚在箕子本佯狂洪範明皇極彝

倫叙有常百王遺禮樂三代舊軒裳會補南極  
缺能令北斗昂無媒言嘖嘖失志思迴遑秋老  
空悲扇天涼反賣漿却來頻渭釣又絕在陳糧  
志道衰猶夢依仁老更剛故家三徑遠薄土一  
屢荒混、常無捨乾、體自強率躬能省己行  
道不踰方寧耻身衣褐誰嗟日食糠起歌明月  
夜舒嘯白雲鄉綺夏終辭漢策由固避唐名極  
得三者柴立杙中央榮遇傳金馬題名刻玉堂  
未窺君所蘊徒見子之墻遺欲絕形累無貪不

行坊一瓢渠樂逸陋巷我憂惶犧易韋編暗麟  
經古卷黃著述遵輔嗣去取笑公羊再辨麟絕  
筆重窰城復隍焦桐人不識獨有蔡中郎  
讀唐史有感復繼張敏之韻頗有脂粉  
氣息遷就鼓韻故也呵  
唐室成平久遺賢不遁葢羅紉桑幄膩餅餌麥  
疇香馬牧初蕃息民編莫校量邊臣閑虎畧衛  
士歛鷹揚禁苑晨鍾動梨園錦障張披香風細  
細太液水浪三河漢明方潤長庚淡不鉞羽旄

儀兩列冠蓋道相望諫士陳休戚廷臣論否臧  
金石歌大雅琴瑟奏清商青鳥送鴛瓦烏衣送  
画梁供張官府備殺饌太官忙共享清時樂殊  
無謗議傷含元朝百辟花萼宴諸王主上貞觀  
聖官僚魏鄭良歲餘開武講春首闢文場異寶  
浮淮水餘粮朽鳳翔諸羗來入衛百濟請觀光  
闕塞沉烽火鄉闔息寇攘三春常若雨六月不  
飛霜聖德躋朝夕仁心本就將俯知人意順仰  
視帝心當彊騎輕關內精兵重北疆朝廷潛巨

蠹方鎮養貪狼粉面三千革金釵十二行持盈  
當忌滿居治不知止相罷曲江去權移林甫傍  
華清高岷、驪嶠碧蒼、金屋眠春曉溫泉浴  
暮涼掖庭花爛熳閣道路彷徨宮監金犀飾妖  
姬珠玉裝危弦驚醉耳哀調斷柔腸燈燭暉鴉  
鵲絲篁沸建章奢淫幾桀紂純儉劣成康擊柝  
宮城遂傳籌禁漏長謀惟長汲、沉醉若張、  
未悟薪及爇誰知病已盲人擴碧玉笛晉佩絳  
香囊嶺表千山遠荔枝三日嘗仙衣吹渺、蓮

舸泛洋、力士權誠重揚劍寵不忘承恩趨寶  
座奏事近牙床榮惑頻侵斗秋陽弗集房人心  
咸怨怒天象不披詳易水穀嗚咽燕山水鬱茫  
盜賊充上郡鞞鼓起漁陽殺氣凌金闕繁霜殞  
玉芳環兒剛賜死天子懼如狂戰士皆思變姦  
臣亦易常空閑塵羯鼓誰舞舊霓裳忠義心徒  
順英雄志自昂翠華搖曳、鳶馭去違、禁纜  
庖供豕邨民路進漿隘兵蜀道險餬口益州糧  
靈武兵穀振沙陽意氣剛復取京闕克重治寢

園荒賊勢時深感官軍力益強羽檄傳劍閣龍  
駕返南方御府仍無酒飢民尚噉糠邛都求道  
士蓬島覓仙鄉符使將歸漢真妃猶憶唐金釵  
分半股鉤合擘中央揮涕春風殿傷心秋月堂  
梧桐籠院砌蕊李映宮牆佳夢真難得幽懽頗  
有妨春宵成怨憶秋夜愈悲惶尚記脩眉綠猶  
思半額黃強舒鸞被翠閑殺輦車羊陵谷俄驚  
海滄浪已變隍臨風一卮酒聊復酌三卮

次韻黃華和同年九日詩十首

黃華和同年九日詩以採菊東籬下  
悠然見南山為韻子愛而繼之前叙  
思歸之心後述叅玄之志所謂倒食  
甘蔗者也  
秋香真可人不為無人改自慚寒昔盟東籬子  
空待我獨搖酒卮不得寒英採臨風望故園參  
商二十載  
西風殘日秋有客嗟幽獨偶爾得香醪淒然憶  
霜菊世態屢遷變人生多迭復十年一夢中猶

未黃梁熟

無花復無蝶不似今秋窮黃花歲別九日年  
年同我居北海南子在西山東公子會何日一  
醉閑愁空  
當年別吾山曾與黃華期富貴非予志卜築臨  
東籬今也違初心知我者其誰挂冠猶未遂寄  
此相思詩  
無意戀三公有心辭駟馬洛陽失金谷閣山有  
別野芳酒瀉盈尊秋香折盈把沉醉卧西風不

讓梨花下  
汨沒紅塵中辜負黃華秋林泉與朝市試問孰  
為優胡然久沉首令我心悠々  
醜思山水樂夢寐空神遊  
歲月不我與彈指及衰年平生語萬事抵死忝  
重玄因緣不可滯慎毋法自然兩邊都不立別  
有壺中天  
無知豈真知無見非真見遮照玄縱橫機関千  
萬變席口幾橫身臨敵經百戰三折為良醫一

交學一便

五流分洞下一派起湖南春水無心碧秋山着  
意嵐林濟真顛漢曹山放酒酣許多閑伎倆子  
細好生參  
水外猶逢水山前更有山原知非內外更不在  
中間測海纔盈掬窺天見一斑樞機謾竭世一  
筆請君刪  
寄雲中東堂和尚  
雲中種出火蓮花到底東堂是作家伏手骨樞

腰下劍笑人家具手中蛇三玄戈甲徒心亂五  
位君臣莫眼花只遮須兒難理會草鞋包裹破  
袈裟

謝萬壽潤公和尚惠書

多謝堂頭遠賜書驚人筆我難如承當禪髓  
心無愧供養佛牙力有餘幼子可襲先父業游  
人却到舊時居箇中消息誰能悉玉女乘風跨  
鐵驢

燕京大覺禪寺奧公乞經藏記既成以

詩戲之

詞源老去苦無多強著閑文讚釋迦首健兜  
生月窟光明蠟紙出新羅金爐爇龍涎燼玉  
板十分鳳墨磨此起科差真可笑湛然陪酒更  
陪歌新獲紫玉板  
研于友

寄龍溪老人乞西巖香

寄語龍溪老古錐西岩風韻我長思香錢緩發  
鳴琴後瓦鼎濃薰入定時比擬梅魂祗獨步品  
量龍腦可同馳湛然鼻孔遠天大穿過多時不

自知

謝澄公饋藥

一粒靈丹寄我嘗湛然回簡謝西堂殺活一草  
真難會藥病相治未易量子細嚼時元不碍渾  
淪吞下也無妨聖安骨董知多少賣弄千年舊  
藥方

和王正夫韻

壯年自笑鬢先霜喜色眉間一點黃退食紫宸  
居鳳閣朝天丹闕列駕行功名必要光前古富

貴何須歸故鄉濟世元知有仁政活人不假返  
菟香

繼孟雲卿韻

歸与奚待鬢雙瞳無限閭山聳岌岌萬壑松風  
思仰嶠千岩烟雨憶平波仰嶠平波皆燕然名刹也開基氣  
槩鯨吞海遁世生涯鼠飲河好買扁舟從此逝  
醉眠江國一漁蓑

次雲卿見贈

濟二千官侍玉宸尊賢容衆更親風雲際會

千年少天地恩施四海均西狩一蘇張掖亂南  
巡重變大梁春車書南北無多日萬里河山作

會同文軌

宇宙新

和正王夫憶琴

道人塵世厭囂塵白雪陽春雅意深萬頃松風  
皆有趣一溪流水本無心忘机觸處成佳譜信  
手拈來搃妙音陶老無弦猶是剩何如居士更  
無琴

繼宋德懋韻三首

聖人開運億斯年睿智文明稟自天旁氏衣冠  
游北海縱橫耕釣滿居延月氏入貢稱屬國日  
本視光列戶編威震西溟千萬里漢唐鴻業亦  
虛傳

笑戎區々亦強為故園荒矣欲何之讀書測海  
拊螺測學道窺天以管窺疲俗不禁新疾若濫  
官難撫舊瘡瘡才微任重宜求退自有當途國  
手醫大梁春車書南北廣平流落寓平城親老家貧強苟生次漢蕭曹

賢政事李唐房杜美毅名進求高譽千金重退  
隱閑身一葉輕應繼開元舊勳業華堂鐘鼓對  
長檠

和平陽張彥升見寄

天兵出雲中一戰平城破居庸守將亡京畿遊

騎邏有客赴澶淵開州嘗倅無人送臨賀奸臣興

弑逆時君遠遷播聖主得中原明詔求王佐胡  
然北海遊不得南陽卧寵遇命前席客星侵帝  
座萬里金山行三經玉門過于闐歲貢脩燉煌

兵勢挫國維張禮義民生重食貨黜陟九等分  
幽明三載課小人絕覬覦賢才無輒軻功名本  
忌盈席堂難久坐矣盍歸來歸與可重和俯  
仰不必慙寬弘從面唾清濁自沙法精麈任揚  
簸賦性嗜踈閑高眠樂慵惰蒼雞粗庖充黃犢  
足犁拖幼子事耕鋤老妻供碓磨隨分養餘齡  
雖飢而不餓

跋樂天慵屏圖  
三盃兀兀元如道一覺昏昏恰似真不識香山

慵睡意知音自有箇中人

和請住東堂疏韻

東堂不肯卧西堂珍御鮮食別樣裝枉費青帘  
三百尺雲中公子不來嘗

寄倪公首座

亨監逃海淹薤菘隆老成龍過禹門獨有倪公  
尚癡坐幾時承繼萬松軒

寄呂飛卿

一試戎衣大定初達賢不得退閑居盟津既渡

諸侯喜親見王舟躍白魚

戲陳秀玉并序

萬壽堂頭自汴梁來遠寄萬松老師  
倡頌舊本有和節度陳公一絕云清  
溪居士陳秀玉要結蓮宮香火緣  
得稍翁搖舫棹却云到岸不須和嘻  
三十年前已有此段公案湛然目清  
味谿為味心居士者厥有旨哉僕未叅  
萬松時秀玉盛稱老師之德業爾後

少得受用皆清谿導引之力也每欲  
報之秀玉竟不一染指故作是詩以

戲之

不見桃源路渺茫  
騎驢覓驢清谿招引到水鄉  
未當  
湛然幸得餉飽吐  
也須却擘與些兒不肯嘗  
真恰

湛然居士文集卷第九

湛然集

卷九

十五

湛然居士文集卷第十

中書令仁 移刺楚材晉卿

翰林院 翰林院 翰林院

翰林院 翰林院 翰林院

翰林院 翰林院 翰林院

翰林院 翰林院 翰林院

翰林院 翰林院 翰林院

翰林院 翰林院 翰林院

翰林院 翰林院 翰林院

翰林院 翰林院 翰林院

獨有中書倦游客放下  
羶簾誦周易

甲午之秋秀玉殿學遠以新詩寄東

坡秋日用元韻謝之

欣然敢輕黑鉄

三十兩遠勝黃金百萬錢好句君堪坡老敵清

詩予負定公先他年携此林泉去静倚松軒誦

大全

送西方子尚

西方子尚氣凌雲一見忘年各任真陰德傳家

宜有慶義方垂訓不違仁雄文固可魁天下確

論曾無詭聖人天產英才須有意好將吾道濟

斯民

用樗軒散人韻謝秀玉見惠東坡杖

圓方頂足法高卑五九蒼老節竒一日湛然

獲二寶東坡鉄杖寂通詩

和邦瑞韻送行

幸有和林酒一尊

尚醞出于和林

地爐煨火為

卷十 二

君温昔年相見與三嘆此日臨行贈一言士行  
莫忘真報怨人情須信害生思而今躍入驚人  
浪珍重風濤過禹門

謝西方器之贈阮杖并序

了然居士素蓄東坡鐵杖洎地字號  
既真絕世之寶也天兵既克汴梁先  
生携二君來燕欲藏之恐不能終寶  
欲贈湛然南北相去不知其幾千里  
慮中道浮沉是以獻諸秀玉殿學田

公奉御欲轉致于予也甲午之秋陳  
田入覲果饋之于我因亂道數語用  
酬厚意

睢陽三絕從來傳坡仙鐵杖為之先宋朝四美  
豈易得地君神器稱乎賢了然居士隱洛溼讀  
書好古有積年擒龍捉日獲二寶之鑿棟屋  
壁穿龍庭萬里壘山川欲來饋我嗟無緣將奪  
固與此理玄殷勤携贈陳與田陳田今歲來朝  
天惠然出賜穹廬前烏虬入手蒼壁懸恍然遺

世如登仙長蛟倚壁光媚二鱗介欲生如蜿蜒  
澄、秋月瑩朝鏡須臾洗盡予腥羶足方法地  
頂法乾四十五節松柏堅七尺烏金三十兩微  
篁瑟、鳴哀蟬雲項織、空腹圓十三玉柱鴻  
翻、耽、雲坐踞猛虎巖、山口雙、絃鐵君  
伴我遊林泉足疾頓減衝雲烟臨風三弄碎瓊  
玉清商秋水殺涓、安仁得此如陶淵子聃求  
杖不惜錢湛然坐受匪勞力不勝其服心胡然  
西方諷我求終焉故令二友相招延抱桐扶杖

閻山巔舉觴笑詠秋風邊了然居士作鐵君傳云長七尺重十三兩  
頂圓足方中有微篁凡四十五節世傳嵇生造  
又云昔顯宗東宮時嘗讀東坡鉄杖詩曰名侍  
臣鄭子聃問杖之存亡子聃以在睢陽為對因  
以數千緡購于張文定公之孫其孫藏之于屋  
棟子聃竟不得一見云地字邠阮止宋之故物  
天詔孫安仁之姊以琴阮得入侍上秘于禁中  
侍詔孫安仁之姊以琴阮得入侍上秘于禁中  
之安仁屢求之其姊以阮見寄舊制宮掖中侍  
人不許與親戚通耗安仁冒法得之  
其好事有如此者故予引用其語

繼希安古詩韵

垂盡絲綸不上鈎冥鴻高舉弋無由不圖垂譽  
流千古安肯低眉謁五侯

和非熊韵

蛮觸功名未足誇  
掀髯一笑付南華  
他年擊破疑團後  
始覺從來盡眼花

和非熊韵

藹、英毅鎮北州  
非熊人物本風流  
時逢佳客開青眼  
久領元戎尚黑頭  
已發豐城神劍出  
休嗟暗室夜光投  
驅兵經畧閨中了  
題遍長安舊酒樓

過深州慈氏院

今年扈從次饒溝  
暫解征鞍慈氏遊  
世變劫灰何所有  
有人隨兵火鮮能留  
堂、聖像孰曾識  
燁真詮詎可求  
醉墨淋漓洒塵壁  
使人知我過深州

用李君寔韵

多病逢秋苦未宜  
天涯屈指故人稀  
塵飛滄海悲人世  
夢斷黃粮笑錦衣  
靜樂浮榮難兩得  
宦情歸興本相違  
高山流水無窮思  
撫弄絲桐為發揮

繼崔子文韻

崔子龍鍾亦可憐  
臨風相送我胡然  
君來玉塞三千里  
予隱龍沙二十年  
美玉詎容藏韞匱  
精金到底入鈞甄  
他時定下搜賢詔  
先到河東汾水邊

繼武善夫韻

老子年來酷愛閑  
不堪白髮映蒼顏  
十年興廢悲歡裏  
半世干戈寤寐間  
北闕欲辭新鳳閣  
東州元有舊商山  
熊經鳥引聊終老  
若下疎松正

好攀

鼓琴

宴息穹廬中  
飽食無用心  
讀書費目力  
苦思嫌哦吟  
擗蒲近博徒  
圍碁殺機深  
洞蕭耗子氣  
篆疏惡鄭音  
呼童炷梅蕊  
索我春雷琴  
何止銷我憂  
還能禁邪淫  
正席設棊几  
危坐獨整襟  
尋徽促玉軫  
調絃思沉沉  
清聲鳴鶴鶩  
古意鏘石金  
秋水洗塵耳  
秋風振高林  
清興騰八表  
成連何必尋  
絃指忽兩忘  
世事如商參  
泥途視富貴  
晝

夜等古今湛然有幽居祇在閻山陰茅亭遠流  
泉松竹幽森、攜琴當老此歸去投吾簪

扈從羽獵

湛然扈從狼山東御閑天馬如游龍驚狐突出  
過飛鳥霜蹄霹靂飛塵中馬上將軍弓挽月脩  
尾蒙茸卧殘雪玉翎猶帶血糝糊駮駮嘶鳴汙  
微血長圍四合匝數重東西馳射奔追風鳴鞘  
一震翠華去滿川枕籍皆豺熊自笑中書老居  
士擁鼻微吟弓矢廢向人忍恥乞其餘瘦兔癩

獐紫駮背吾儒六藝闕吾書男兒可廢射御子  
明年淮脩秋山底試一如皋學射雉

狼山宥獵

扈從車駕出獵狼山圍既合奉詔悉

宥之因作是詩

君不見武皇校獵長揚裏子雲作賦誇奢靡又  
不見開元諱武驪山傍廬陵修史譏禽荒二君  
所為不足法徒令千載人雌黃吾皇巡狩行周  
禮長圍一合三千里白羽飛空金鏑鳴狡兔雄

孤應絃死翠華駐蹕傳絲綸四開湯網無掩羣  
天子恩波沐禽獸狼山草木咸忻

對雪鼓琴

君不見黨侯賞雪斟羊羔  
鵝眉低唱白雲謠  
慷慨尊前一絕倒  
高談闊論誇雄豪  
又不見陶穀  
開軒收竹雪  
旋燒活火烹團月  
笑撚吟鬚吟雪  
詩冷淡生活太清絕  
清歡濁樂爭相高  
至人視  
此輕鴻毛  
嗜音酣酒元  
簾俗癖茶嚼  
句空劬勞  
龍庭飛雪風  
淒冽天地糊  
糝同一色  
數巵美漣

温如春三弄悲風絃  
欲折酪奴歡伯持  
降旌詩  
殺歌韻不敢鳴  
党武陶文都  
勘破真識此心無  
一箇

寄冰室散人

佳人元不是摩燈  
刃術因循汚此生  
對雪解吟  
飛絮句滅燈能審  
斲絃教鳳樓  
潇洒閑瓊管  
冰室深沉冷玉笙  
好訪龍溪善  
知識傳燈何啻  
搃

持名

三學尼長老道  
辨龍溪老人

寄平陽潤和尚

張彥升寄平陽潤和尚所著金盞兒  
十首曰作詩寄潤公

十首新詞寄我時  
淨名手段我獨知  
解將沒孔鐵鎚子  
打就無敵金盞兒  
言外翻騰閑曲調  
劫前拈弄古鈴鎚  
清河露布敵公案  
賺得衰翁一首詩

紅梅

以坡謂認桃無綠葉辨杏有青枝大  
麗俗因潤飾其語成之

瘦損佳人冰雪姿  
天教粧抹入時宜  
小桃嫌鋪翠雲葉  
踈杏驚看碧玉枝  
李白詩成怨妃子  
吳宮宴罷醉西施  
而今辜負黃昏月  
只少西湖處士詩  
素羅裳淡抹濃塗  
總不妨酒暈羊潮  
妃子醉胭脂初試  
壽陽粧肯同桃杏  
迷蜂蝶本與松筠  
傲雪霜頽影也應  
悲漢室臨風猶似  
怨三郎

吟醉軒

脩竹千竿五畝宮幽居活計與無窮清詞麗句  
梅詩老白髮蒼顏歐醉翁洒墨疾書千首敏浮  
白痛飲百尊空醉吟聞有香山老倒用顛拈意  
暗同寄西庵上人用舊韻四首  
別後無緣得再叅新詩重寄代和南他年放我  
休官去只向雲川結小庵黃谷尺六也西  
功名我已讓曹叅又見曹參定五南布襪青鞋  
從此始濟源聞有侍中庵林大起宜小對

多幸松軒得罷叅玉泉山水勝江南泉邊便作

歸休計何必香山覓舊菴

憶昔吾師萬松放晚叅揚兵西北擊東南一殺

霹靂龍飛去尚有癡人宿草菴

和漁陽趙光祖二詩

岩廊深責忝疑丞位重材輕負寵榮猶虜七擒

輸葛亮竒謀六出愧陳平未行禮樂常如慊欲

掛衣冠侶不情何日對君言我志夜闌秉燭咲

談傾

生民垂欲陟春臺南斗妖氛絕點埃典禮已隨  
前代廢遺音猶怨後庭哀十年歎我垂々老萬  
里憐君得々來此語縱無多忌諱緘題未可對  
人開

自贊

美髯中書白衣居士從他抹粉施朱一任安名  
立字手中玉麈震雷音說盡人間無限事一  
再過太原題覃公秀野園  
君寔洛陽園花竹秀而野先生取此意開園臨

古社土堦甃以石茅亭畧其瓦佳木碧雲搖清  
泉寒玉瀉開軒叩琴筑撫景飛觴嘗我來政秋  
晚殘英折盈把粲然啟一笑琅然歌二雅將歸  
且裴回幽尋未能捨呼酒盡餘興索筆為模寫  
緬懷溫國公重名滿天下窅々二百年童卒傳  
司馬君侯築茲圃如有所慕者晞顏々之徒子  
亦斯人也

浩然以昇元寶器五澗鳴泉二琴見

贈勉和來詩用酬厚意

標格雄灑蘊藉深烏龍胸臆隱雷音一雙神器

波及我不負分全結義心浩然得四琴分二

一曲南風奏古宮坐神物愧無功千金厚意

將何報鶚表慇懃效孔融二百平章李

張漢臣因入覲索詩補地

漢臣千里覲龍庭欲使天皇致太平十事便宜

言懇切三千貔虎令麗明好籌廟算如留相莫

憶鱸魚似季鷹一統要荒君勉力雲臺須占最

高名學長直豈

和謝昭先韻全木

失奚為劣得奚優遇流而行坎則留笑視紛

兒女輩成是敗非徒相尤棄人所取所弃獨

識萬松為出類本欲心空及第歸暮請晨叅唯

一志浮生迅速奔隙駒無窮塵劫元斯須叅透

威音劫前事花開枯木誰云枯河朔干戈猶未

息西域十年空旅食賢人退隱予未能釣衡曠

位虛名極真人應運康世屯數頌寬詔垂絲綸

沛公思波淪骨髓皇々四海咸蒙春漢唐疆宇  
非為大戍守西臨王閔畧百濟稱藩過海門鄙  
語粗言其大槩天皇自將辦多々天兵百萬涉  
長河京索為空汴梁下秦皇漢武疇能過凜々  
威轍震天宇不殺為功果神武朔南一混車書  
同皇業魏々跨千古先生吾邦之彥兮琴書而  
自怡慳挺松柏操磊落英雄姿明正道無邪思  
一貫詩書繼先覺兩全才德真吾師王謝來江  
左家學易道豈忘貽濟世須君展驥足政要再

鑿人耳目小子區々何所祝但願天衷俞鶚奏  
德恒將行以詩見贈因用元韵以見意

云

國士朝黃屋無辭路八千徒嗟蘇困子誰識禰  
生賢腰下無金印山中有翠烟英雄須有用勉  
力侍中年

送文叔南行

李子敦純不入時而今矢志又南歸縱無手內  
毛生檄自有囊中菜子衣未得忠貞毗聖主且

將甘旨侍慈闈鴈雖不忘衝天志直待三年更  
一飛

和馮揚善九日韻

馮君今歲又離家携手膺酬海一涯秦漢興亡  
真夢寐蘇張軻軻莫吁嗟孔融座上尊盈酒靖  
節籬邊菊有花何日公餘同此樂西風一醉泛  
流霞

示石州劉企賢

西州來索湛然詩咲點霜毫錄鄙辭底事行藏  
元有數斯文否泰本由時碩材未信明君弃雅  
操何慙暴吏欺此語頗涉人忌諱等閒勿使細  
民知

和劉子中韻

蓬山散人劉調子中頗通儒幼依全  
真出家今已還俗故有擇術不可不  
慎之句

蓬山北海遊珥筆陳良謀徒步而南來意氣凌  
馬周貪吏亂法令如茨不可束子中有大志每

甘跨下辱他日得從龍其鋒誰敢觸今日君之  
來非為五斗粟君子慎擇術痛恨陪全真調心  
正是妄堪笑學鳥伸一日錯下脚萬劫含酸辛  
平生大夢中不識菴中人一言贈吾子宗匠宜  
相親

李庭訓和予詩見寄復用元韵以謝之  
忝位台司歲月深中書自笑不如岑殷周禮樂  
真予事唐舜規模本素心鄭五每慚難作相胥  
靡終欲強為霖隴西妙語虛推獎舒卷寒窓盡

日吟

和黃山張敏之擬黃庭詞韻

黃山無媒亦無梯蕭條白晝闕荆扉凌晨端坐  
嗽玉池闌干首宿先生飢惠然寄我黃庭詞湛  
然一笑幾脫顛一雀南翔一不飛十年一夢今  
覺非故山舊隱蒼松歌而今老盡虬龍枝曾學  
四老食紫芝從譏懷寶而邪迷塵緣一掃無子  
遺隔穀觀月猶依稀汪洋法海無邊涯螢光詎  
可窺晨晞蓮花自是生污泥污泥不染清涼肌

彩雲易散碎琉璃人間四相天五袞有為無為  
俱有為壽窮塵劫元非遲湛然醉搖芭蕉庵蓄  
薇深醮書淋漓白眼一望須弥低黃山先生耽  
書癡退戲不露龍麟姿對人不耻敝緼衣自甘  
貧困元知微籬邊黃菊香離披門前山色寒參  
差不以下體遺葑菲新詩遠寄盤龍螭胸中滿  
貯夷齊薇忘機臨水狎鷗鷺燕居申、不愆儀  
含光隱秀如文犀乘閑綸釣垂清漪躬耕禾黍  
方離、須信君子能自卑予知先生之獨悲深

憂海內生民疲生民擾攘如琴絲笑予素餐徒  
位尸先生識鑑如元龜旁通發而為教詩照我  
穹廬生光輝窮通進退元有時至人終不貪危  
機他時天子求墳麓欲行周禮脩周基先生好  
應千年期沙堤行人羨輕肥鳳凰到底鳳池棲  
太平釣石須君持蒼生未濟無言歸

寄嵩公堂頭同叅

嵩公聞道住南宮咲寫新詩託去鴻准備金桃  
三百顆因風寄与老髯公

寄移刺子春

說與沙城劉子春  
湛然垂老酷思君  
同遊青塚秋將盡  
共飲天山酒半醺  
蠟紙題詩熟鍊字  
檀廬談道細論文  
五年回首如真夢  
衰草寒烟正斷魂

寄妹夫人

三十年前旅永安  
鳳簫樓上倚闌干  
先叔故居之樓名  
初學書畫同遊戲  
靜閱琴棋相對閑  
聚散悲歡燈影裏  
興亡成敗夢魂間  
安書風送來天際  
望

斷中州一髮山

送姪九齡行

我欲歸休與願違  
而方知命正宜歸  
閭山自有當年月  
一舸西風賦式微

送姪了真行

吾兄繼世祿襲封  
食東平幼子死王  
事長女閨門英孀  
居二十年禮佛讀  
傳燈一旦遇宗匠  
了真訓其名前歲  
陽翟破道服潛偷  
生寧死不受辱託  
疾燕山京湛然憐  
孤族贖汝為編氓  
死生

本如夢寵辱真若驚莫忘離亂苦長思厭世情  
三學有龍溪叩叅宜盡誠喝碎須彌山打破乾  
闥城兩頭俱放下枯木一枝榮

和少林和尚英粹中山堂詩韵

我愛嵩山堂山堂秋寂、蒼煙自搖蕩白雲風  
出入冷、溪水寒細、琴書濕離塵欲無事又  
有閑蹤迹

和武善夫韵

不得潛身似許由鑿閭辜負萬山秋未竭犬馬

雖為慊忽憶猿鶴却自羞黃閣賴懸新篆印白  
霄元有舊漁舟他時雪夜尋良友且季當年王  
子猷

和馮揚善韵

揚善從來慕晉卿滄浪濁處不濯纓關東易學  
孰能与冀北詩教莫与京今日窮途雖蹇剥他  
時行道自亨貞須知遯世元無悶莫怨龍鍾出  
帝城

和董彥才東坡鐵杖詩二十韵

女媧未補青天裂神液飛精散為鐵嵒生箕踞  
鍛洪爐白汗翻漿滴清血黑虬彷彿欲飛躍鱗  
介蒼生乳節情知中散氣凌雲宵与凡工争巧  
拙柳君傳与東坡若神物終須歸後傑坡仙為壽  
文定公酬和新詩誇勝劣觀妙堂名龍尾硯睢  
陽并此為三絕睢陽城破兵火炎神器不随烟  
焰滅了然居士出伊洛登山渡水相扶挈燕然  
分付我清谿妙語雕鏤跨先哲遠來携贈白雪  
老天理侶為予所設湛然忝位本無功致主澤  
民愧臯契再遊北海復何恨与君同步龍沙雪  
大澤深山無所驚掃除魑魅驅兇孽輕篁歷々  
吐微語閑對幽人如鼓舌有時拈起擊須彌須  
彌擊碎同丘垤雲門遠遁德山去敢對髯翁閑  
口說一時驚倒野狐禪奔走不來予闡闢他年  
神武挂冠去谁知劫外乾坤別橫擔此杖入千  
峰大方獨步無蹉跌



構禍謀不軌魚鱗，首侵宸階蝶血京師萬人  
死君臣自此相嫌猜，居庸失守紫荊破天兵掣  
電騰八垓，潛濠遷都避凶禍，銜枝半夜宮門開  
河表偷生聊自固，京城留後除行臺，力窮食盡  
計安出，元戎守節甘自裁，虬龍奮迅脫大難，微  
波沉滯獨黃能，王師神武本不殺，一發鹿臺能  
散財，威殺遠震陝洛，俱勢同拉朽如枯摧，髯公  
退縮養愚拙，白麻一旦天邊來，萬里龍庭謁天  
子，軺車軋風塵，埋言輕無用，緘嘿浮沉駕

鷺相趨陪，布幕氈廬庇風雨，日中一食如持齋  
瀚海波聲寒，洶湧金山峰勢高，崔嵬十年行役  
亦艱苦，鹽車強駕同駑駘，美湏如飴潤喉吻，行  
伶獨撥寒爐灰，故園夢斷幾千里，燕然回首白  
雲堆，彈鋏悲歌望明月，山城明月空徘徊，往事  
如絲不敢憶，令人感慨生餘哀，聖人繼運踐九  
五，歡聲騰沸天之涯，萬國梯航喜奔走，幣帛交  
列陳瓊瑰，天子恩威溢中外，遠邇翕然無不懷  
四民樂業庶政舉，宗臣戮力諸王諧，行殿受朝

設鍾鼓明堂祭祀陳大壘卿雲輪囷自紛郁妖  
星不復侵天街否道已窮受諸泰人心已順天  
心迴制度一新從簡畧禁網踈濶如天恢賢才  
尚隱若冥雁區區人何慕哉自慙忝位司鈞  
軸可憐多士無梯媒願學留侯引年去不與赤  
松遊蓬萊閭陽舊隱度殘朽扁舟策笠江湖涯  
亦取子題龐居士陰德圖美教以詩歸其  
易之難各一機非難非易亦新奇若將三句  
分優劣露桂燈籠暗皺眉

和馮揚善韻  
天道不可窮此理自古然大暴壽盜跖至仁天  
顏淵偉材鮮遭遇君臣難兩全庸愚厭梁肉廣  
文寒無糧未逢知音人伯牙故絕絃我愛馮公  
子孔教窮高堅憂道不憂貧一室如罄懸却笑  
庠序生供薦徒備員詩書貯便腹一斗吟百篇  
遠蹈顏孟迹近比蘓黃肩寧受跨下辱不為天  
下先昇平已有期上道化日躔九州成一統刑  
賞歸朝權汴梁三戰定樂浪一檄傳先生謁承

明萬里來秦川徒步沙磧中往復幾一年揲著  
說易傳應詔命席前十年符應兆十世盈十千  
男兒志在道何論眠與胼一旦得榮遇閭巷車  
馬填窮通固由命何必與孜煎用之自可進舍  
之便可還自笑髯中書有過仍不悛三代不同  
禮勉欲相襲沿賢人正退隱強起居官聯冰炭  
豈共噐安可渾愚賢可惜和氏姿庸工浪雕鑿  
不能作大噐取次成弃捐潜龍喻君子或躍或  
在田未遂馬周志好墾楊雄屢伏臘粗酒脯旦

夕充羹饘窮途不足泣弔影無自憐人生一瞬  
息日月如璣旋學道如牧羊後者為之鞭離羣  
謝富貴遁世安林泉勿學躁進人扼腕長呼天

文章六和秀玉韵并序

三學老人背佛說法教僧幽半藏謗

清谿老人有頌因和之

清谿作寢語湛然大笑之僅能知大用尚未識  
大機貪隨言語轉錯認二阿師箇中閑挨子卓  
然絕百非三學未嘗坐何說非與是半藏未有

言奚論讚與毀解語非千古能知誠智非為報  
清谿公無事莫生事

知人者明自知者智仁人一言博哉其利

答聶庭玉

文章太守鎮榆關遠寄新詩与湛然卓尔功名  
君勉力歸与活計戒加鞭扶衰幸有東坡杖遣  
興猶存玉澗泉布鞵青鞋任真率東垣山水不  
拈錢

繼柏岩大禪師韻

行盡千程与萬程誰能退步見嚴宸饒渠解釋  
庭前雪笑彼難除室外塵翡翠簾前猶是汝琉  
璃殿上更何人直須雀出銀籠外受用壺天不  
夜春

和張善長韻

下馬如虹氣焰雄驚人詩筆有誰同銀鈎老字  
學顏體玉振竒辭類國風今日白衣聊養素他  
年皇屋好推忠經營江左須豪哲占取雲臺第

一功

愛栖岩彈琴教法二絕

須信希聲是大音  
猱多則亂吟多淫  
世人不識棲岩意  
祇愛時宜熱鬧琴

多著吟猱熟客耳  
強生取與媚俗情  
純音簡易誰能識  
却道棲岩無木教

冬夜彈琴頗有所得  
亂道拙語三十韻

以遺猶子蘭并序

予幼年刻意于琴  
初受指于弭大用

林君意其間雅平澹  
自成一家予愛棲岩如

蜀教之峻急快人耳目  
每恨不得對

指傳教間闕二十年  
予奏之索于汴

梁得為中道而卒  
其子蘭之琴事深

淵在幼時得棲岩之遺意  
甲午之冬子扈從羽

獵以足疾得告凡六十日  
對彈操弄

五十餘曲棲岩妙旨  
于是盡得之回

作是詩以紀其事云

湛然有琴癖不好凡絃竹  
兒時已存心壯年學

愈萬倉忙兵火際遺譜不及錄回首二十秋  
絲桐高閣束栖岩有後人萬里來相逐能  
繼箕裘業待予為季叔今冬六十日對彈  
五十曲五旬記新殺十朝温已熟高山壯  
意氣秋水清心目陽春撼瓊玖白雪碎瑤  
玉洛浦太含悲楚妃歎如哭離騷泣鬼神  
止息振林木秋思盡雅興三樂歌清福自  
餘不暇數渴心今已沃昔吾師弭君平淡  
声不但如奏清庙樂威儀自穆々今觀栖  
岩意節奏變神速雖繁而不乱欲斷還能  
續

吟猿從簡易輕重今起伏一聞棲岩殺不  
覺傾心服彼此成一家春蘭与秋菊我今  
會為一滄滄涵百谷稍疾意不急似遲声  
不跼二子終身學今日皆歸僕我本嗜踈  
懶富貴如桎梏幸遇萬松師一悟消三毒  
早晚挂冠去閣山結茅屋蔬笋粗充庖  
糲飯炊脱粟有我春雷子豈憚食無肉旦  
夕飽純音便是平生足

夜坐彈離騷

一曲離騷一椀茶箇中真味更可加香銷  
燭燼

穹廬冷星斗闌干山月斜

彈秋宵步月秋夜步月二曲

碧玉轂中步月歌彈來彈去不嫌多從教人笑  
成琴癖老子佯呆不管他  
信意彈秋水清商促軫成只疑天上曲不似世  
間轂海若誠無敵河神已清平三朝不彈此心  
竅覺塵生

彈秋思用樂天韻二絕示景賢

秋思而今不入時平和節奏苦嫌遲香山舊譜  
重拈出不問知音知不知  
籟、斷似烏蛇蚶瑟、微如古殿苔玉澗鳴泉  
獨受用穹廬祇少景賢來

彈廣陵散終日而成因賦詩五十韻

嵇叔夜能作廣陵散史氏謂叔夜宿  
華陽亭夜中有鬼神授之韓臯以為  
揚州者廣陵故地魏氏之季毋丘儉  
輩皆都督揚州為司馬懿父子所殺

叔夜痛憤之懷寫之于琴以名其曲  
言魏之忠臣散殄于廣陵也蓋避當  
時之禍乃託于鬼神耳叔夜自云斬  
固其曲不以傳表孝尼唐乾符間待  
詔王遨為季山甫鼓之近代大定間  
汴梁留後完顏光祿者命士人張研  
一彈之因請中議大夫張崇為譜序  
崇備序此事渠云驗予琴譜有井里  
別姊辭鄉報義取韓相投劍之類皆

刺客聶政為嚴仲子刺殺韓相俠累  
之事特無与揚州事相近者意其叔  
夜以廣陵名曲微見其意而終畏晉  
禍其序其声假聶之事為名耳韓臯  
徒知託于鬼物以避難而不知其序  
其殺皆有所託也崇之論侶是而非  
予以為叔夜作此曲也晉尚未受禪  
慢商而宮同殺臣行君道拍司馬懿  
父子權侷人主以悟時君也又序聶

政之事以說權臣之罪不啻俠累安  
得仗義之士以誅君側之惡有所激  
也不然則遠引聶政之事甚無謂也  
泰和間待詔張器之亦彈此曲每至  
沉思峻迹二篇緩彈之節奏支離未  
盡其善獨栖岩老人混而為一士大  
夫服其精妙其子蘭亦得棲岩之遺  
意焉

湛然數從軍十稔若行役而今近衰老足疾困

卑濕歲暮懶出門不欲為無益宮廬何所有祇  
有琴三尺時復一絃歌不猶賢博奕信能禁邪  
念鬧愁破堆積清旦炷幽香澄心彈止息薄暮  
已得意焚膏達中夕古譜成巨軸無慮盡千百  
大意分五節四十有四拍品絃款終調六絃一  
時劃初訝侶破竹不止如裂帛忘身志慷慨別  
妍情慘戚衝冠氣何壯投劍殺如擲呼幽達宮  
蒼長虹如玉立將彈發怒篇寒風自習、瓊珠  
落玉器電墜漁人笠別崔啖蒼松哀猿啼怪柏

數般如怨訴寒泉古澗澁幾折變軒昂奔流禹  
門急大絃忽一捻應絃如破的雲烟速變滅風  
雷恣呼吸數作撥刺般指邊轟霹靂一鼓息萬  
物再弄鬼神泣叔夜志豪邁般名動蠻貊洪爐  
煅神劍自覺乾坤窄鍾會來相過箕踞方袒裼  
一旦讚般之始知襟度阮新般東市絕孝尼無  
所獲密傳迨王遨曾為山甫客近代有張研妙  
指莫能及琴道震汴洛屢陪光祿席器之雖有  
般鍊此頭垂白中間另起意沉思至峻迹節奏

侶支離美玉成破壁為山麪一簣未精誠可惜  
我愛栖岩翁翻般從舊格始終成一貫雅趣超  
今昔三引入五序始作意如翁縱之果純如將  
終皦而繹嵇生能作此史臣書簡策又謂神所  
授傳自華陽驛韓臯破是說以為避晉諒張崇  
作譜序似是未易得我今通此論是非自懸隔  
商與宮同般斷知臣道逆權臣侔人主不啻韓  
相賊安知聶政凌元惡誅君側上欲悟天子下  
則有所激惜哉中散意千古無人識

吾山吟

見鑄學鼓琴未期月頗能成弄有古  
調絃泛轂一篇鑄凌之請予為文因  
補以木穀稍彙括之歸于羽音起于  
南呂終于太簇亦相生之義也以文  
之有句有吾山之語曰命為吾山吟  
聊塞鑄之請不敢示諸他人也湛然  
吾山吾山予將歸予將歸深溪蒼松圍茅亭局

柴扉水邊林下琴書樂矣水邊林下琴書樂矣  
不許市朝知猿窟悲吾山胡不歸

從萬松老師乞玉博山

吾師珍惜玉山爐可歎離文朴喪初無黨無偏  
三足峙不緇不磷一心虛禮佛誦課須資汝示  
衆拈香正起予對此好彈三澗雪因風遠寄萬  
松書

寄萬壽潤公禪師用舊韻

懶答禪師一紙書禪師佳句古誰知不才嘆我

垂々老美裕憐君綽々餘斲臂志能如慧祖點  
胸終不似雲居三閩叅到縱橫虜識破黃龍却  
伯驢

寄聖安澄公禪師

澄公屢有寄來書不著寒溫問訊予老柏依然  
籠古殿庭中有怪柏數株旃檀無恙鎮精廬金鱗透網  
三乘外大隱居鄧十載餘聖安居市中祇有些兒堪  
恨處向人剛覓護身符

寄甘泉禪師謝惠書

萬松節外有餘枝德業文章冠一時不惜臨風  
寄新句知音消得湛然詩

送房孫重奴行

汝亦東丹十世孫家亡國破一身存而今正好  
行仁義勿學輕薄辱我門

從龍溪乞西岩香并方

予愛龍溪老人之西岩香屢乞之每  
恨得少旋踵而盡因道鄙句乞香并

我愛龍溪新樣香西岩風韻卒難忘深玄欲說  
舌頭短妙觀先通鼻孔長秋水彈時宜受用碧  
岩讀處更相當清香妙譜都拈出莫惜十年舊  
藥方

乙未元旦  
劫前別有一壺天萬古長空無後先建化門頭  
聊爾耳也隨徒衆賀新年

付從究

曠劫茫茫困路塵回頭便是故園春而今既遇

松軒老究取元來不死人

旦日遺從祖

乙未旦日從祖索詩浪道數句以遺

之

塵世春風歲又遷遼屬來賀古川前誰知萬松  
生心上不覺雙毛落鬢邊人生能得幾緡屐文  
章不直一文錢威音邨畔乾坤別且道而今是  
幾年

旦日示從同仍簡忘憂

乙未旦日從同索詩因道拙偈二十  
韻仍簡忘憂

昔我馳星輅駐車歸化城汝方來摠衣從同訓  
其名侍子垂十年百事無一成律曆且及半琴  
道猶未精禪書置一隅尚未窮一徑大道若滄  
海萬古長澄清酌之而不竭注之而不盈偃鼠  
得滿腹亦足飽鯤鯨又如大圓鏡歷劫長圓明  
中間無影像應物而現形漢胡遜相照出沒能  
縱橫又如萬鈞鍾寂然藏雄声隨叩而即應圓

音自鏘鏗小擊而小響大撞而大鳴又如長明  
燭積歲長熒々分為百千萬光明如日星惠之  
而不費是為無盡燈日月照天下不可語瞽盲  
雷霆碎山岳聳者未曾聽枯木元無花却怨春  
不平作偈以勸汝可以為盤銘

元日勸忘憂進道

乙未元日忘憂居士索詩勉道數語

因勸其進道云

劫外風光別人間日月遷南洲添一歲北海又

三年榮利蝸粘壁功名蟻慕糞萬緣都放下好  
叩祖師禪

轉燈

乙未元日安慶以轉燈見贈忘憂居  
士索詩走筆作偈以驚世云

安慶作戲燈惠然來贈我藏燈借微明細火薰  
其座乘茲風火力盤旋如轉磨中有角抵人揮  
臂不知禍團、十萬匝輪迴莫能躲此燈雖戲  
具無異大因果三世塵沙佛皆如轉燈過三千

大千界成壞亦風火所以明眼人重道輕利貨  
生死比夢寐榮華等涕唾長行此觀心人間都  
看破多少看燈人知音無一箇

錄寄新詩呈冲霄

冲霄酷愛玉泉詩媿我年來無好辭錄寄新詩  
三十首莫教俗子等閒知

寄東林

屢承東林同叅賜書未遑書答亂道

鄙語以待手訥云

同叅萬里寄書來  
盟手緘封手自開  
沒骨舌頭我難說  
無根樹子若能栽  
金鵬手段平翻海  
任老釣竿不釣能  
何日萬松軒側畔  
笑談抵掌一開懷  
借琴泉韻  
龍崗居士本知音  
叅透淵明得趣心  
暫借桐君休格惜  
玉泉習氣未忘琴  
戲景賢  
景賢愛彈雉朝飛  
作是詩戲之

牧犢曾嘆雉朝飛  
七十無妻是以悲  
何事龍崗凌彈此  
欲學白傅覓楊枝

景賢彈雉朝飛子作詩以戲之蒙寵  
和有若有餘陰乞一枝之句予再用

前韵拒之

過住行雲不敢飛  
一散還噓一散悲  
蠻兒深慚龍崗意  
唱得香山楊柳枝

妙舞盤中塵不飛採蓮一曲遠梁悲慕素魯蠻  
獨當雨貫珠歌韻柳腰枝

因足疾在告彈琴逾時腕臂作痛自

訟其癡作詩以寄景賢

湛然有過必人知笑寄龍崗自訟詩闍浮衆生  
苦為樂華嚴皇覺藥能醫十年掾甲足疾作三  
月彈琴臂力衰因病得閑却病閑中雖病也  
便宜

再用知字韵戲景賢

薄德從來本畏知龍崗又有和來詩機閑不解  
活龍弄諺有是語癡疾還如死馬醫大舜再逢難永  
訣周公不夢覺吾哀鳳池元是夔龍宅山鹿野  
麋終不宜

復用前韵戲呈龍崗居士兼善長詩友

君有蠻兒我已知湛然援筆上新詩翠眉已惹  
禪心動玉頰休教懶隨醫舊有藥爐雖竭底新  
來鼎器却扶衰隆玉準能青眼不解雲霓也

自宜

西人多服白衣

行雨行雲一夜飛襄王從此莫含悲蠻兒侍寢  
龍崗老恰似桑梯生柳枝

慕樂天

荆水渾如八節灘

荆水出于玉泉

玉泉佳趣類香山

編周易忘深意貝葉佛經送老閑  
爽我琴書池

五畝侑人詩酒竹千竿樂天活計都相侶  
脂粉

獨嫌素與蠻兒吟  
廣陵散

彈廣陵散

借爐景贊

居士間談止息時胸中鬱結了無遺  
樂天若得嵇生意未肯獨吟秋思詩

戲劉潤之

從劉潤之借杜詩曰豪奪之作是詩

以戲之

休嗔久假不云歸長咲還書是一痴  
居士親行萬里地政須百註杜陵詩

用劉潤之韻

箇中消息本忘言一念從渠一萬年  
大地遍開

皆是水頑石不擊固無烟成佛莫落謝公後建  
業從教祖氏先萬法悉從心地起元來禍福不  
由天

湛然居士文集卷第十一

湛然居士文集卷第十二  
中書令同移刺楚材晉卿  
琴道喻五十韻以勉忘憂進道并序

余幼而喜佛蓋天性也壯而涉獵佛  
書稍有所得頗自矜大又癖于琴因  
檢閱舊譜自彈數十曲似是而非也  
後見琴士弭大用悉棄舊學再變新  
意方悟佛書之理未盡遂謁萬松老  
人旦夕不輟叩叅者且三十年始蒙

見許是知聖諦第一義諦不在言傳  
明矣邇因忘憂學鼓琴未期月稍成  
節奏又知學道之方在君子之自強  
耳故作琴道喻述得旨之由勉子進  
道之漸云

管我學鼓琴豪氣凌青天輕笑此小技何必師  
成連寶架翻舊譜對譜尋冰絃自彈數十弄以  
謂無差肩有客來勸予因舉莊生篇時君方誦  
書輪扁居其前釋椎而入請何故讀殘編上古

已久矣不得見聖賢遺書糟粕餘與道雲泥懸  
臣年七十秋雙鬢如垂綿斷輪固小巧性非方  
圓心手兩相應不能語子焉是知聖人道安  
得形言詮至今千載間此論不可遷琴書紙上  
語妙趣焉能傳不學妄穿鑿是為誰之愆予方  
謁弭君服膺乃拳拳相對受指訣初請歌水仙  
吟篠不踰矩節奏能平起伏與神會態狀如  
雲烟朝夕從之游琴事得大全小藝尚如此大  
道寧不然當年嗜佛書經論窮疏箋公案助談

柄賣弄猶頭禪一遇萬松師駑駘蒙策鞭委身  
事洒埽摳衣且三年圓教攝萬法始覺擔板偏  
回視平昔學尚未及埃洎漸能入堂奧稍窮  
高堅疑團一旦碎桶底七八穿洪爐片雪飛石  
上栽白蓮佛祖立下風俯視威音先忘憂西域  
時師我求真筌經今十五春進退猶遷延望涯  
自退縮甘心嗟無緣將求無價寶未肯酬一錢  
未啟半簣土欲酌九仞泉美玉付良工良工得  
雕鐫良金不受冶徒費爐鞴煽聞君近好琴傳

燭夜不眠彈之未期月曲道能相聯君初未彈  
時曾不知句蠲學道亦如此惟患無精專誰無  
摩尼珠誰無般若瓶立志勿猶豫叩叅宜勉旃  
他時大徹悟沛然如決川毛端吞巨海芥子含  
大千瞬息一世過生死相縈纏此生不得學曠  
劫徒悲煎吾言真藥石療子沉痾痊

彈琴逾時作解嘲以呈萬松老師

一曲悲風歷指寒昔年曾奉萬松軒本嫌浮脆  
刪吟抑為凌軒昂變撞敦高趣釀成真有味頌

襟洗盡了無痕禪人若道教塵妄孤負觀音正  
法門

勉景賢

昨日景賢坐間屢稱東坡真人中之  
龍也若慕其才而異其志採其華而  
弃其寔又何益于事哉因作偈以勉  
既慕東坡才當如東坡志君才如東坡其志未  
相似詩似東坡詩字如東坡字胡不學東坡且

學長不死

劉潤之館于忘憂門下作述懷詩有弟

子二三同會食誰曾開口開先生之句

予感而和之

從來重士還相重到底輕人却自輕醜廢翻然  
便歸去至今高尚穆先生  
劉潤之作詩有厭琴之句因和之  
學士既歸夫子道吾儒宜識仲尼心當年剛出  
詩三百時復絃歌不廢琴

懷古一百韻寄張敏之

興亡千古事勝負一枰棋感恨空興嘆悲吟乃  
賦詩三皇崇道德五帝重仁慈禮廢三皇謝權  
興五伯滴焚書嫌孔孟峻法用高斯政出人思  
亂身亡國亦隨阿房脩象魏徐福覓靈芝偶語  
真虛禁長城信謾為只知秦失鹿不覺亡楚驩  
約法三章日恩垂四百基漢興學校啟文作典  
章施黷武疲中夏窮兵攘四夷嗣君恩稍失劉  
氏德難衰新室雖興難真人已御期魏吳將奮

起靈獻自荒嬉賊子權移漢姦臣鄒築郿三朝  
如峙鼎四海若琴絲纜奉山陽主已生司馬師  
仲謀服孟德葛亮倍曹丕唯晉成獨統平吳混  
八維有初終鮮克居治亂誰思蟬鬢克蘭掖羊  
車遠竹坡孫謀無遠慮神器委癡兒國事歸椒  
室民飢詢肉糜為人昧菽麥聞螟向官私衛瓘  
嘗幾諫何曾已預知五胡雲擾攘六代電奔馳  
川谷流腥血郊原厭積屍天光兮耀日地里裂  
爪時曆數當歸李驅除暫假隋西陲開鄴善東

鄙討高麗鸞駕如江國龍舟泛汴漪錦帆遮水  
面粉浪污河湄府藏金帛積生靈氣力疲盜賊  
天下起章奏禁中欺海內空龍戰河東有鳳姿  
元戎展鷹犬頡利助熊羆奉表遵朝命尊王建  
豕旗經營于盜手禪讓託君辭豪哲歸戎穀要  
荒入吾羈太宗真令主真觀有皇規正美開元  
治俄成天寶悲曲江還故里林甫領台司裂土  
封三國纏頭受八姨霓裳猶未罷鞞鼓恨來遲  
逆寇凌丹闕君王捨翠眉兩京賊黨滅方鎮重

權移朱李元堪歎石劉亦可嘆九州重構亂五

代薦荒飢遼宋分南北翁孫講禮義

昔宋事遼為兄仍請

隨代以序昭穆至季年遼為翁宋為孫

宣和風侈靡教主德庸卑

背約絕鄰好興師借寇資懸知喪唇齒何事撤

藩籬失地人皆怨蒙塵悔可追遼家遵漢制孔

教祖宣尼煥若文章脩康哉政事熙朝廷嚴衮

冕郊廟奏璫麓校獵溫馳射行營習政竒南州

走玉帛諸國畏鞭笞天祚矯人上朝鮮叛海涯

未終三百祀不免一朝危鴨綠金朝起

鴨綠江起武元起

義之桑乾玉璽遺金兵逼京師天祚西狩遺傳

獲後遼興大石西域統龜茲萬里威嚴震百年

名教垂大石林牙遠之宗臣挈衆而止不滿二

武元平宋地殷禮雜宗姬金謂箕子之禮治國崇

文事拔賢尚賦詞邦昌君洛汭劉豫立青淄大

定民興詠明昌物適宜日中須景昃月滿必光

虧肘腋獨夫難丘墟七廟隳北朝天輔祐南國

俗瘡痍天子潛巡狩宗臣嚴守陴山西盡荆枳

河朔半豺豕食盡謀安出兵羸力不支長圍重

數匝久困再周期太液生秋草姑蘇遊野麋忠

臣全節死餘衆入降麾文猷生三子東丹第八

枝虛名如畫餅遺業學為箕自笑蓬垂髻誰憐

雪滿鬣撫膺長感慨搔首幾嗟咨車蓋如何處

衣冠問阿誰自天明下詔知我素通著發軔裝

琴劍登車執策綏穹廬或白黑駟騎半黃駝肥

鬢白如匏瓊漿甘似飴天山連北府天山之北

護府瀚海過西伊伊州之西北有瀚海天馬窮

渤海神兵過月氏感恩承聖勅寄住到尋恩尋

度西域城名西人云尋思肥也度城也通謂之肥城耳

春色多紅樹秋波

總綠陂西域家俗必有園池必不須賒酒飲隨

分有驢騎畎畝棲木粟園林足果梨春粳光璨

玉煮飯滑流匙聖祖方輕舉明君應樂推龍庭

陳大禮原廟獻明粢萬國朝金陛千官列玉墀

求賢為輔弼舉我忝丞疑才德真為慙顛危不

解持願從麋鹿性豈戀鳳皇池投老誰為伴黃

山有敏之示忘憂并序

予作懷古詩百韻非徒作已使世之

人知成敗之可鑑出世之人識興廢

之不常也曰作偈以見意云

歷代興亡數張紙十年勝負一枰碁曰而識破

人間夢始信空門一著奇

和金城寶官旭公禪師三絕

知公已得夜明符任運騰、無所拘見說金城

多長者有人青眼待君無

南北東西揔一家纔生擬議便生瑕人、錯認

髯居士只有禪師不眼華  
旭老今年錐也無糞堆却得舊明珠穹廬半夜  
無燈燭讀盡平安一紙書

再和世榮二十韻寄薛玄之

予嘗和李世榮詩二十韻薛玄之和  
元韻見寄以求拙語因再和之

尚記承平日為學體自強經書興我志功業逼人忙  
蟄窟長思震葵心本慕陽蛟龍初得兩日月近依光事主心無隱  
遭時策建長引君當正

道陳事上封章亦既尊仁義胡為失毅剛歲規  
盡忠赤人物敢雌黃斷似南山定言令北斗昂  
勸君師魏鄭嫉惡法張綱青眼蒙高顧白眉忝  
最良誰知天有數不覺漢亡疆人笑段干木誰  
師田子方上蒼垂天命天闕冊明王殷室君雖  
滅仁人道未亡南州遠煙水北海幾星霜仁政  
時將治明君國寢昌卿雲知有慶嘉穀又呈祥  
名遂宜思退機危乃自戕歸與今好賦聞道故  
園荒

簡仲文寄詩二十六韵勉和以謝之

我愛仲文公敦純有古風科名擢乙選制策肯  
宸衷作事能謀始為人克有終養如鄒軻去聲氣  
成自仲尼溶致主忠誠懇容人便腹空一朝淹  
驥足百里試鳩功牛刀聊施割囊錐已脫鋒屯  
方雷雨動泰未地天通聚散悲歡裏興亡夢寐  
中勢傾秦失鹿姦殞絲為熊不學東方朔誰徵  
皇甫嵩洛陽傳白傳江夏譽黃童上國平諸域  
輿情達四聰百司將布置多士想登庸未識荆

州面徒思衛玠容中原期混一天子訪英雄嘉  
運人皆幸亨時君又逢汚俗風已變明主德方  
隆施雨皇恩布如流直諫從凱元咸戮力稷契  
各言忠我愧凡庸士恩霑造化兵氛箕尾沒  
劍氣斗牛衝西華將歸馬南陽莫卧龍孝廉為  
選舉仁義作幘幪歷運千年合衣冠萬國同草  
儀獨有子行待泰山封

又二首

文仲才華冠人間工部壇前第一班世上久無

孔北海雲中誰識謝東山  
忘懷詩酒醒還醉適  
書琴書樂且閑野有遺賢  
猶未用中書寧得不  
胡顏

室中忝預萬松籌  
脫得中間與兩頭  
反覆人心厭殷室  
咄嗟天下屬宗周  
直須勇退中書事  
未肯榮貪留國侯  
收拾綸竿與蓑笠  
華亭却覓舊漁舟

用曹楨韻

楨金城人字幹臣始冠上詩于我文

采可觀曰和元韻以勉後進云

征南都護將旋旆  
平北將軍已罷師  
寰海謳歌歸大舜  
明堂鍾鼓奏咸池  
咸陽父老傾心日  
魯國書生得志時  
收拾琴書我歸去  
朝廷人物有臯夔

怨浩然

韓浩然嘗以詩許昇元寶器玉澗鳴  
泉二琴予已有謝書今得書以玉澗  
遺周漢臣藏昇元而託以他辭因用

浩然新韻以怨之○漢臣小字六和  
予嘗戲呼為六居士

先難後易真交契醉許醒違蓋世情玉澗白翰  
六居士昇元烏有一先生昔蒙佳句誠懽怍今  
得芳緘且嘆驚一入侯門深似海驢人空夢帳  
中散昇元寶器亦  
名帳中寶

從國才索閑煎茶賦

聞國才近得閑手書煎茶賦以詩  
索之

聞君久得煎茶賦故我先吟投李詩為報君侯  
休吝惜照人瓊玖算多時

贈高善長一百韻

高善長本書生也屢入御園而不撓  
乃翻然醫隱悉究難素之學後進咸  
師法焉與龍崗居士善尤長于詩而  
酷愛予之拙語蓋自厭家雞耳因漫  
成俚句一百韻以贈之

君本遼陽人居華表傍隨任來燕卜築金

臺坊幼蒙父兄訓讀書登上庠大義治三傳左  
氏為紀綱詩書究微理易道宗京房史學亦精  
妙議論亦馨香行道有餘力下筆能詩章典雅  
繼李杜浮華寫陳梁當年聞科舉郡國求圭璋  
御園屢不捷在前饒粃糠先生乃醫隱退身慕  
羲皇難素透玄旨鍼砭能起殭可並華扁跡可  
聯和緩芳門生皆良醫西海高名揚昔我知君  
名方且王事忙兵塵隔東西忽成參與商君初  
涉洛漚我已達燉煌瀚海浪奔激金山路彷徨  
西遊幾萬里兩髻今蒼々西方好風土大率無  
蚕桑家々植木棉是為墮種羊年々旱作魃未  
識舜鵠鴉決水溉田圃無歲無豐穰遠近無飢  
人田野棲餘糧是以農家處々皆池塘飛泉  
遶曲水亦可斟流觴早春而晚秋河中類餘杭  
濯足或濯纓肥水如滄浪雜花間側柏園林如  
綉粧爛醉蒲萄酒渴飲石榴漿隨分有絃管巷  
陌雜優娼佳人多碧髯皎々白衣裳市井安丘  
墳畎畝連城隍錢貨無孔郭賣餘稱斤量甘瓜

如馬首大者狐可藏採杏西方杏仁皆食核生食之甘香

如杞攬如棗可愛白沙糖人生為口腹何必思吾

鄉一住十餘年物我皆相忘神祖上仙去聖主

登明堂駟騎徵吾歸忝位居岩廊河表寒舊盟

廊秦成戰場翠華乃南渡鸞馭殺鏘六軍臨

孟津偏師出太行間路入斜谷南鄙侵壽唐犄

角皆受敵應戰實未遑一旦汴梁破何足依金

湯下詔求明醫先生隱藥囊馳軺來北闕失措

空倉惶我于羣雞中忽見孤鳳凰下馬執君手

涕淚其如雩我嘆白頭翁君亦嗟髯即停燈舊

話事談咲吐肺腸酬酢覓嘉句沉思搜微茫湛

然訪醫藥預備庸何妨高君畧啟口確論聞未

嘗醫術占治道二者元一方武事類藥石文事

如膏梁膏梁日用藥石藏巾箱一朝有急病

藥石施鋒鋌病愈速藏藥膏梁復如常緩急冠

難作大劍須長槍冠止兵弗戢自焚必不長發

表勿攻裏治內無外傷朝廷有內亂安可搖邊

其然集 卷十二 十四

疆：場或警急中變決自戕陰病陽脉生陽證  
陰脉止暴法譬之陰仁政喻之陽太平雖日久  
恣暴降百殃大亂遍天下行仁降百祥一君必  
二臣佐使仍叅詳不殊世間事杰民無二王國  
老似甘草良將比大黃一緩輔一急一柔濟一  
剛病來不速治安居養豺狼疾作倘無藥遇水  
乏舟航病固有寒熱藥性分溫涼療熱用連蘖  
理寒宜桂薑君子與小人禮刑令相當虛者補  
其羸寔者瀉其強扶衰食枸杞破血服檳榔柳

高舉其下天道猶弓張損餘補不足貧富無低  
昂寒多成冷瘡熱盛為瘡瘍政猛民傷殘政慢  
賊猖狂保生必求源胃府為太倉四時胃為主  
端居正中央朝廷天下本，固邦家昌實，而  
虛，其謀元不臧五行不偏勝所以壽而康太  
宗平府兵是致威要荒未病宜預治未亂宜預  
防賊臣弒君父禍難生蕭牆辨之由不早即漸  
成堅霜心腹尚難治向復及膏肓湛然聞此語  
不覺興胡床謝君贈誨言若口如藥良問一而

得二和璧并夜光走筆書新詩一笑呈龍岡

再贖仲祥韻寄之

金城薛玄之用李世榮舊韻寄詩于予索拙語已和寄忽思水岩再贖仲祥元韻以寄之

能談仁義兵經傳宗素臣字畫類閑之句法如之純澹然與世踈渭水獨垂綸蒿菜塞庭除塵土霑衣紳歸我夫子門三月無違仁後生來從學善誘能循之顏巷不改樂范甌長生塵仰不

愧于天俯不作於人進德方乾之慎行而脩身旅食秦晉間騎驢三十春珠玉炙人口麗藻嘉彬之今年又絕糧生涯如在陳歌詠猶不輟真為葛天民雜詩過子卿離騷齊靈均忘機天壤間舉措皆天真濯足滄浪中鷗鷺來相親胸中萬卷書下筆端如神素負經濟才人品伊臯倫桂林祇一枝亦何慙却詵

寄金城士大夫

遠聞金城學齋絕糧因奉粟十斛助

鑿鹽之資故作小詩以礪本土學士

大夫

金城人士本多奇何事庠宮久茂資周急無輕  
五秉粟傷時因寄一篇詩  
聞舉許誠之索偈  
誠之久侍萬松師何事十年下手遲劫火光中  
須退步青春寧有再來時  
遺姪淑卿香方偈  
姪淑卿疾作索安息香于予欲辟邪

也將謂汝是箇中人猶有這箇在因  
作香方偈以遺之

我有一香：秘之不敢說心生種：法生心滅  
種：法滅退身一念未生前此是真香太奇絕  
邪神惡鬼求沉蹤外道天魔皆腦裂

為子鑄作詩三十韻  
乙未為子鑄壽作是詩以遺之鑄方

年十有五也

皇祖遼太祖奕世功德積彎弓三百鈞天威

萬國一旦義旗舉中原如捲席東鄙收勾麗西  
南窮九譯古器獲軒鼎神寶得和璧南陬稱子  
孫皇業幾三百赫、東丹王讓位如夷伯藏書  
萬卷堂丹青成畫癖四世皆太師名德超今昔  
我祖建四節功勛冠黃閣先考文獻公弱冠已卓  
立學業飽典墳創作乙未曆入仕三十年廟  
堂為柱石重義而疎財後世遺清白我受先人  
體統、常業、十三學詩書二十應制策禪理  
窮畢竟方年二十七萬里渡流沙十霜泊西域

自愧無才術忝位人臣極未能扶顛危虛名徒  
伴食汝方志學年寸陰真可惜攷、進仁義不  
可為無益經史宜勉旃慎毋耽博奕深思識言  
行每戒迷穀色德業時乾、自強當不息幼歲  
儲皇侍且作春宮客一旦衝青天翱翔騰六翮  
儒術勿踈廢祖道宜薰笑汝父不足學汝祖真  
宜式酌酒壽汝年五福自天錫

湛然居士文集卷第十三  
移刺楚材晉卿  
榜嚴外解序  
昔洪覺範有言天台智者禪師聞天竺有首楞嚴經旦暮西向拜祝願此經早來東土續佛慧命竟不得一見今板鬻徧天下有終身不聞其名者因起法輕信劣之嘆若夫徵心辨見證悟窮魔明三界之根深七趣之本原始要終廣大悉備與禪理相為表裏雖具眼衲僧不可不熟

湛然居士文集卷第十三  
移刺楚材晉卿  
榜嚴外解序

昔洪覺範有言天台智者禪師聞天竺有首楞嚴經旦暮西向拜祝願此經早來東土續佛慧命竟不得一見今板鬻徧天下有終身不聞其名者因起法輕信劣之嘆若夫徵心辨見證悟窮魔明三界之根深七趣之本原始要終廣大悉備與禪理相為表裏雖具眼衲僧不可不熟

繹之也予故人屏山居士牽引易論語孟子老  
氏莊列之書与此經相合緝成一編謂之外解  
實漸誘吾儒不信佛書者之餌也吾儒中喜佛  
乘者固亦多矣其全信者鮮焉或信其理而棄  
其事者或信其理事而破其因果者或信經論  
而誣其神通者或鄙其持經或譏其建寺塵沙  
之世界以為迂濶之言成壞之劫波反疑駕馭  
之說亦何異信吾夫子之仁義詆其禮樂取吾  
夫子之政事舍其文學者耶或有攘竊相侶之  
語以謂皆出于吾書中何必讀經然後為佛此  
輩尤可笑也且竊人之財猶為盜矧竊人之道  
乎我屏山則不然深究其理不廢其事其于因  
果也則舉作善降祥之文引羊祜鮑勣之事其  
于塵累也則隘鄒子之說婉禦寇之談其神通  
也則云左慈術士耳變形于魏都皆同物也疑  
吾佛不能變千百億化身乎其于劫波也則云  
郭璞日者卜年于晉室若合符券疑吾佛不能  
記百萬之多劫耶其于持經也則云佛日禪師

目聞誦心經咒言下大悟田天俚婦持念諸課者詎可輕笑之哉其于建寺也則云阿蘭若法當供養波區、者尚以土木之功為費何庸望之甚耶其評品三聖人理趣之淺深也初云稍尋舊學且窺道家之言又繙內典至其邃處吾中國之書侶不及也晚節復云予以此求三聖人垂化之理而後知吾佛之所以為人天師無上大法王者非諸聖之所以能侔也學至于佛則無可學者乃知佛即聖人聖人非佛西方有

中國書中國無西方書也或問屏山何好佛之深乎答云感恩之深則深報之屏山所謂心不負人者矣渠又云吾佛之所誨人者真寔如不誑不妄豈有毛髮許可疑者耶噫古昔以來篤信佛書之君子未有如我屏山之大全者也近代一人而已泰和中屏山作釋迦文佛贊不遠千里以序見託于萬松老師永長巨豪劉潤甫者笑謂老師曰屏山兒時聞佛以手加額既冠排佛今復贊佛吾師之序可慎而之庸詎知

他日得不復侶韓歐排佛乎老師曰不然今屏山信解入微如理而說豈直悔悟于前非將資信于來者且兒時喜佛者生知宿稟也既冠排佛者筆報盡惑也退而贊佛者不遠而復也而今而後世尊所謂吾保此木決定入海矣後果如吾師言予与屏山通家相与尔汝曾不檢羈其子阿同輩待予以叔礼天兵既克汴梁阿同挈遺稿來燕寓居萬松老師之席老師助鋟木之資欲廣其傳阿同致書請予為引予亦不

讓援筆疾書以題其端不惟彰我萬松老師之有知人之鑑抑亦紀我屏山居士克終全信之心且為方來淺信竊道者之戒云甲午清明後五日湛然居士漆水移刺楚才晉卿序于和林城

心經宗說後序

白華山主措折脚鐺煮熟沒米粥萬松野老用穿心椀盛与無口人雖然拍空話空爭奈依寔具寔嗟見渾掄吞棗只管誦持故教混沌開眉

妄生穿鑿如明以字莫認經頭未解本文且看  
注脚湛然居士添水移刺楚才晋卿詳勘印行

糠蟹教民十無益論序

昔子友以此論見寄囑子求序以行世子恐謗  
歸于誦主者辭而不序遂採萬松老師賦意及  
講主餘論述辨邪論之意以謂世人皆云釋子  
黨教護宗由是飛謗流言得以藉口予本書生  
非釋非糠從傍杖義辨而證之何為不可予子  
又謂昔屏山居士序輔教編有云儒者嘗為佛

者害佛者未嘗為儒者害誠哉是言也蓋儒者  
率掌銓衡故得高下其手其山林之士不与物  
競加以力孤勢劣曷能為哉予觀作頭陀賦數  
君子皆儒也予不辨則成市虎矣不獨成市虎  
抑恐崔浩李德裕之徒一唱一和撼搖佛教為  
患不淺故率引儒術比而論之以勵吾儒為糠  
蟹所惑者論既述所謂子友者復以書見示其  
大畧曰講主上人者以糠蟹叛教頹風乃檢閱  
藏教尋繹儒經積有年矣窮諸佛之深意達三

乘之至真列十篇之目成一家之言語辨而詞  
溫文野而理親聞之者是非莫逃誦之者邪正  
斯分雷震獅吼邪推魔奔良謂偃德草之仕風  
釋凝冰之陽春噫或佛道之未喪也諒必由子  
斯文子是以信奉佛教者展轉錄傳不可勝紀  
京城禪伯尊宿欲流之無窮不憚萬里往復數  
書託子為序今之士大夫才筆勝子者固亦多  
矣豈不能序此一書乎以子素淘汰禪道涉獵  
佛書頗知旨歸故也子何讓焉此老不避嫌疑

自其謗讟而為此書彼且不避子何代彼而避  
謗乎吾觀子所著辨邪論止為儒者述儒之信  
糠者止二三子而已矣市井工商之徒信糠者  
十居四五自非此書彼曹何從而化之乎子所  
得者少所失者不為不多矣書既至子不能答  
謹以書意序諸論首丙戌重午日題於肅州鄯  
善城

釋氏新聞序

昔仰嶠叢林為燕然之景主事僧輩歷久不更

執權附勢動搖住持人恭和中本寺奏請萬松  
老人住持上許之萬松忻然奉詔人或勸之曰  
師新出世彼易師之季少彼不得施其欲必起  
風波無遺後悔乎師笑而不答既住院師一遵  
舊法無所變更惟拱默而已夏罷主事輩依例  
辭職師因其辭也悉罷之師預于衆中詢訪者  
德選為衆推仰者數人至是咸代其職積歲積  
風一朝頓革遠近翕然祿吾師素有將相之才  
矣迺後章廟秋獵于山主事輩白師曰故事車

駕巡幸本寺必進珍玩不然則有司必有詰問  
師責之曰十方檀信布施為出家兒子与若不  
具正眼空食施物理應償報汝不聞木耳之緣  
予富有四海貴為一人豈需我曹之珍貨也哉  
且君子凌人也以德豈可以此瑕類貽君主乎  
因手錄偈一章詣行宮進之大蒙稱賞有成湯  
狩野恢天網呂尚漁磯浸月鈎之句誠仁人之  
言也翌日章廟入山行香屢垂顧問仍御書詩  
一章遺之師亦淡如也車駕還宮遣使賜錢二

百萬使者傳勅命師跪聽師曰出家兒安有以此例使者怒曰若然則予當迴車師曰傳旨則安敢不聽不傳則亦由使者意竟焚香立聽詔旨章庶知之責其使曰朕施財祈福耳安用野人閑禮耶上下悚然服吾師不屈王公之前矣此二事天下所共知者也其餘師之隱德默行未播于人間者可勝道哉師之切于扶聖教急于化人心也萬分之一見之于以書于師應物傳道之暇手不釋卷凡三閱歲教無書不讀每有

多聞能利害于佛乘閑涉于教化者悉錄之目之曰釋氏新聞將使見書而知歸聞言而嚮道真謂治邪之藥石濟迷塗之津梁也豈小補哉石門洪覺範著林間錄辯而且文間有偏黨之語後之成人之美者未嘗不歎息于斯焉我萬松老師之意扶教利人也深是以推舉他宗談不容口此占覺範之用心相去萬之者也讀是書者當知是心矣於戲偉哉予請刊是書行于世因為之序甲午上元後一日湛然居士移刺

楚才題

屏山居士金剛經別解序  
佛法之西來也二千餘祀寶藏琅函幾盈萬軸  
可謂廣大悉備矣獨金剛一經或明眼禪客若  
脫白沙彌上至學士大夫下及野夫田婦里巷  
兒女子曹無不誦者以頻見如閑姑置而不問  
者有之以至理叵測望涯而退者有之噫信其  
小而不信其大信其近而不信其遠信其所聞  
而不信其所未聞信其所見而不信其所未見

是自而非他執一而廢百者比之然又何訝焉  
偉哉屏山居士取儒道兩家之書會運裝二師  
之論牽引雜說錯綜諸經著為別解一編莫不  
融理事之門合性相之義折六如之生滅剖四  
相之鍵闕謂真空不空透無得之得序圓頓而  
有據識宗說之相須辯因緣自然喻以明珠論  
諸佛衆生辟之圓鏡若出聖人之口冥契吾師  
之心可謂天下之奇才矣噫此書之行于世也  
何止化書生之學佛者偏見衲僧無因外道皆

可發藥矣昔子與屏山同為省掾時同僚譏此書以為餌餒餽之具子尚未染指于佛書亦少惑焉今熟繹之自非精于三聖人之學者敢措一辭于此書乎吁小人之言誠可畏哉乙未元日湛然居士漆水移刺楚才晉卿序于大磧黃石山

書金剛經別解後

孔子有云吾十有五而志于學三十而立四十而不惑是知學道未至于純粹精微之域雖聖

人亦有惑焉昔樂天答制策稍涉佛教之譏中年鄙海山而脩兜率垂老為讚佛發願文乃云起因張本其事見于本集子瞻上萬言頗稱釋氏之弊晚節專翰墨為佛事臨終作神咒浪出之偈且曰著力即差其事見于年譜退之屈論于大巔而稍信佛書韓文公別傳在焉永叔服膺于圓通而自稱居士歐陽公別傳在焉是知君子始惑而終悟初過而後悛又何害也屏山先生幼年作排佛說殆不忍聞未幾翻然而改

火其書作二解以滌前非所謂改過不吝者予  
于屏山居士有所取焉後之人立志未定惑于  
初年者當以此數君子為法乙未清明日湛然  
居士題于別解之後

屏山居士鳴道集序

屏山居士年二十有九闕復性書知李習之亦  
二十有九叅藥山而退著書大發感嘆日抵萬  
松老師深攻亟擊宿稟生知一聞千悟注首楞  
嚴金剛般若贊釋迦文達摩祖師夢語贊談翰

墨佛事等數十萬言會三聖人理性之學要終  
指歸佛祖而已江左道學倡于伊川昆季和之  
者十有餘家涉獵釋老庸淺一二著鳴道集食  
我園樵不見好音誣謗聖人聾瞽學者噫憑虛  
氣任私情一讚一毀獨去獨取其如天下後世  
何屏山哀矜著鳴道集說廓萬世之見聞正天  
下之性命發揮孔聖幽隱不揚之道將攀附游  
龍駸于吾佛所列五乘教中人天乘之俗諦  
疆隅矣鳴道諸儒力排釋老拮陷韓歐之隘黨

孰如屏山尊孔聖與釋老鼎峙耳諸方崇匠皆  
引屏山為入幕之賓鳴道諸儒鑽仰藩垣莫窺  
戶牖輒肆浮議不亦僭予予忝歷宗門堂室之  
奧懇為保證固非師心昧誠之黨如謂不然報  
惟影響耳屏山臨終出此書付敬鼎臣曰此吾  
末後把交之作也子其秘之當有賞音者鼎臣  
聞予購屏山書甚切不遠三數百里徒步之燕  
獻的稿于萬松老師轉致于予、覽而感泣者  
累日昔予嘗見鳴道集甚不平之欲為書糾其

蕪謬而未暇豈意屏山先我著鞭遂為序引以  
鍼江左書生膏肓之病焉中原學士大夫有斯  
疾者亦可發藥矣甲午冬十有五日湛然居士  
漆水移刺楚才晉卿序

蘇外書賈非熊修夫子廟疏  
天產宣尼降季周血食千祀德難酬重新庠序  
獨無力試向滄溟下釣鉤

前再孝義永安寺請予為功德主因作疏  
塵緣不盡淹鳳池而有年習氣難忘慕禪林而

未暇適遇昭公老子請作永安主人乞聞一教  
何須再讓葛藤舊案宛如馬耳之風松菊新堂  
便是終焉之計謹疏

請旭公禪師住應州寶宮寺疏  
孫枝出自萬松中便好移來植寶宮覆陰人天  
正今日不妨鼓動劫前風

請文公庵主任玉山開堂出世疏  
兒大做翁當仁不讓便請承當何須再勸  
請嚴庵主任東堂出世疏

西堂棄東堂山東過山西禪師開狗口居士展

驢蹄

請希庵主任晉祠奉聖寺開堂疏

晉祠山水冠人間好請希公向此閑飯了蒙頭  
三覺睡逢人休說趙州閑

請學庵主任翠微山寶林寺開堂出世

疏

金城元有翠微山寶刹禪林積歲閑笑請學公  
來領畧一瓠游戲白雲間

請石州海秀首座任文水壽永寺疏

聞道霖師退壽寧秀公難弟亦難兄新詩遠寄

石州去貶起看毛便好行

霖公寔沾秀法屬也

太原山開化寺灰燼之餘再新故宇請

予為功德主因作疏

竊以塵緣有數否則泰則亨聖道無窮變則通則久惟開化之故刹寔太原之名藍兵火以來劫灰而已住持人固有定老功德主乃請湛然良憫殷勤強為領畧禪心佛語誰知教外

別傳梵刹蓮宮更看無中唱出謹疏

重脩宣聖廟疏

精藍道觀已重新獨有庠宮尚坳垣試問中州

士君子誰人不出仲尼門

燕京大萬壽寺化水陸疏

竊以生死蒙恩便見法門不二怨親普濟始知檀度無私仰惟佛悅興悲爰自阿難張本欲啟無遮之大會必資有衆之良緣但肯同心便希垂手謹疏

請奧公禪師開堂疏五首

竊以深達大本何妨摘葉尋枝截斷衆流便是  
隨波逐浪欲整雲門窠窟必求佛覺兒孫伏惟  
奧公和尚道合圓通法傳圓照逢人便出方為  
禪子家風戀土難移未是衲僧氣息謹疏  
竊以轉身就父從來禪子宗風借路還家好箇  
衲僧消息伏惟奧公和尚受戒崇壽得法聖安  
未闡徽猷權棲大覺回席就請何須特地人情  
准帖奉行折合這翻公案謹疏

竊以釋迦慳迦葉富無物與人奧公俏聖安慙  
慢藏悔盜既收鋤斧子不藉破皮鞋須要拈龍  
似龍何礙將錯就錯拖將十字街裏便好投衙  
推來百尺竿頭更教進步謹疏  
竊以法海彌深曹水五流分派化風猶扇雲門  
一葉重華奧公庵主透圓照之重闈提圓通之  
正令善作降魔相能談文字禪開裏刺頭最好  
逢人便出穩處下脚何礙遇緣即宗謹疏  
竊以當年嚼飯喂嬰兒聖安左錯今日把棒喚

狗子居士風顛你打開漆桶徹底承當我孽破  
面皮須要相見橫柳栗木獨行正令莫壓弱倚  
強與旃檀佛共演梵音好棧行奪寺謹疏  
請湘公上人住持新院仍名興教寺者  
寶刹成空隨劫灰而已滅精廬如聖逐化日而  
重新為報國恩可名興教志軸黃卷且圖摘葉  
尋枝寶藏琅函何礙尋行數墨謹疏  
德興府岷峪雲岩寺請東林老人住持

疏

昔日山中養聖胎峪中松檜手親栽院荒松老  
無龍象便請東林更一來

公幼年嘗在此寺  
有手植松在焉

請松巖儼公疏

良弼施宅創天寧却請天寧舊衲僧為報柏岩  
休遜讓閑中續出祖師燈

祁州重脩宣聖廟疏

宣尼萬世帝王師可嘆荆榛沒古祠重整庠宮  
闡文教顯觀日月再明時

安慶織萬佛疏

予自忝預政事以來懶為疏文恐物  
議挾勢故也安慶者工巧妙天下自  
初新意織萬佛為施嘉其意曰破戒  
作此疏云

十方三世萬如來不犯梭頭宝座開單手元知  
不成拍三臺須要大家催

請聰公和尚住山陰縣復宿山疏世傳文殊

顯化再宿于此山故得名

昔日文殊曾復宿當年聰者可重來公舊嘗住此山此

山便是真佛窟何必區區禮五臺

題萬壽寺碑陰

昔達磨西來禪宗大播門庭峻峭樅變驟馳非  
世智辯聰所能曉也其與奪之間固有賓主抑  
揚之際不無權寔其未具透關眼者豈免隨語  
生解之病哉香山俊公和尚受法于大明渠為  
洞山之後偏正五位失其本意亦行權之語與  
同叅榮公聞之果吞鈎餌俊公門人輩從而勒

諸石遠發後世之一笑噫受師之道而反謗之  
是自謗也何止自謗也曹山枝子青州諸師之  
道皆不足法矣顧香山亦近世之豪邁者也忍  
為此事耶昔雲門拈世尊初生因緣云我當時  
若見一棒打殺與狗子喫琅琊覺云雲門可謂  
將此身心奉塵刹是則名為報佛恩臨濟臨終  
謂三聖云誰知吾正法眼藏向這瞎驢邊滅却  
至今法道大行是知宗門之語一槩一搨豈可  
以世間語言定其準的也哉若香山果無毀大

明意後之子孫宜改覆車之轍不然則自有勝  
默老人之韵語予手書于故碑之陰以為來者  
誠其詞曰

燕俊與朔榮齊足出大明俊趨住巨刹堂奮梟  
獍獍探抱洞山足逆坳大明睛聞見吊澆李搦  
腕皆含情榮甘溺齏瓮掉尾求羶腥曲助碑其  
言欺賊晚來誠我覽取諸譬、被秦築城秦非  
不謀固無德秦亦傾上德無可德下德方紀銘  
端然居上德非碑道亦行况聖不自會古德云其足聖

人法聖其肯自矜盈脩毋致子有反是而未聆  
目花只自見耳磬約誰聽雖欲信天下未必同  
為聲不見三葉祖削迹捨身名兒孫愈岳立史  
傳愈金鏗不見北宗下功勳石上爭期昌竟何  
昌千古招論評俄柔慶基敗大明老師嘗記曰  
好嗣果敗于慶玷累斯文負贅然冥虛堂徒表  
黨宗明

和公大禪師塔記

師本平水人俗姓段氏幼習儒業甫冠應經義

舉曰閱春秋左氏傳悟興衰之不常慨然投筆  
退居山林年三十棄俗出家礼平陽大慈雲寺  
僧宗言為師受戒披剃頗習經論後聞教外別  
傳之旨乃傾心焉遍謁諸方因緣不契師知萬  
松老人之教價照映南北真抵燕然而見之居  
數載師資道契始獲密許人頗知之丙戌夏六  
月故勸農使王公為功德主作大齋又蒙行省  
相公洎以下僚佐專使賚疏勸請開堂出世因  
住持大萬壽禪寺師素剛毅寡合末期退居漁

陽之盤山報因寺建州元帥葛公權府朱公彈  
壓樊公聞師之名飛疏敦請辭不獲已杖錫北  
行詣建州梨花道院以塞其命未幾示微疾移  
居閭山之崇福寺養病一日忽召門人普淨輩  
謂之曰生死去來猶空花水月何足為訝遂淨  
髮更衣端坐而囑後事乃作頌曰臨行一句當  
面不諱皓月清風不居正位頌畢右脇而寂師  
將順世有本寺傳戒大師臨謂之曰善為道路  
師笑而不答令衆且去勿誼衆皆出聞師咄一  
聲衆驚視之師已寂矣三日神色不變茶毘之  
日頗有祥異數州士民焚香拜禮者絡繹于路  
師俗壽四十六僧臘一十六其徒迎其靈骨藏  
于萬壽祖塋之側噫師之處萬壽也每聞誦經  
之聲形不憚之色由是人皆譏之臨行之際命  
其徒諷尊勝咒者何哉殊不知大善知識臨攬  
應物一抑一揚一奪一縱若珠之走盤千變萬  
化詎可以一途而測耶至于巨川海和尚平日  
亦行此今執相者諷之而謂毀梵行掠虛者讚

之而謂無礙禪皆失之矣後之學者當以此為  
誠已丑之清明其徒囑予為記遂以所聞之語  
信筆記之湛然居士云

萬壽寺創建厨室上梁文

萬壽寺新建厨室浪著上梁文六首

幸付工人輩歌之用光法席

拋梁東香積移來不犯功却笑維摩無手段但  
將盂飯到塵中

拋梁南底箇因緣最好叅試問助緣多少衆前

三：與後三

拋梁西巧匠騎驢倒上梯四面無門何用鑊十

方沒壁不須泥

拋梁北柱石宛有擎天力欲摸此樣向諸方慳

殺僧繇描不得

拋梁上手不傷材真大匠虛堂窮劫鎮叢林借

與兒孫為榜樣

拋梁下聊倩般輸成大厦朝朝香飯供諸佛承

事悉無空過者

茶榜

今辰齋退特為新堂頭與公長老設茶一  
聊表住持開堂陳謝之儀仍請知事大眾同垂光  
降者竊以箇中滋味誰是知音向上封題罕逢  
藻鑑伏惟新堂頭長老名超絕品價重諸方黃  
金碾畔析微塵輸他三昧手碧玉甌中轟巨浪  
別是一家春睡鬼潛奔便使至人無夢湯穀微  
發解教醉眼先醒誌老三盃莫作道理會盧公  
七椀且是仁彖中雖然櫛桶新陳不得顛預甘  
苦便請大家下口且圖一衆開懷幸甚

約善長和詩戰書

子奉善長詩百韵仍乞光和渠謙抑  
退讓以降啟見戲予亦戲作戰書以  
督之聊發一笑耳

維旃蒙協洽之歲三月甲午朔湛然謹致書于  
詩將善長先生幕府愚聞李杜齊名已有登壇  
之序元白並駕嘗興定霸之書在昔云然于今  
亦可既久陳于師旅宜一決于雄雌無約而和

者必謀有備則所以止患在德不在險雖粗聞  
于古語受降如受敵則為戒于兵家伏惟善長  
先生真北無雙斗南第一能投壺而誦禮善橫  
槊而賦詩詞鋒折萬里之衝筆陣掃千人之敵  
將畧多々而益辦雄材一一而難陳遇險韻而  
愈竒見大敵而倍勇君倡之而來挑戰我和之  
以為應兵方及交綏輒陳降戲前鋒少却尚未  
損于一毫勇氣未衰遂引退于三舍張羸帥以  
誘我遺厚利以餌予曠日持久以老師重幣甘  
言以驕我志深藏九地必發九天故示之以不  
能將攻我之所短儻弗遵于術勝亦非功苟不  
推于至誠盟之何益此妄疑耳理亦灼然兵不  
戰而屈人可為上策心未服而紉款豈無詐謀  
若非先見之明徒貽後悔之誚是以載嚴文璧  
爰整詩兵比尔于立尔矛一乃心齊乃力文章  
燦爛依稀整々之旗聲律精嚴彷彿堂々之陣  
乃一鼓而成列決再戰而立功願天下之英雄  
唯使君与操嘆文章之微婉非夫子而誰竚待

兵塵願聞金諾謹奉戰書以聞指不多及  
寄萬松老人書

嗣法弟子從源頓首再拜師父丈室承手教諭  
及弟子有以儒治國以佛治心之語近乎破二  
作三屈佛道以徇儒情者此亦弟子之行權也  
教不云乎無為小乘人而說大乘法弟子亦謂  
舉世皆黃能任公之餌不足投也故以是語餌  
束教之庸儒為信道之漸焉雖然非屈佛道也  
是道不足以治心僅能治天下則固為道之餘

滓矣戴經云欲治其國先正其心未有心正而  
天下不治者也是知治天下之道為治心之所  
兼耳普門示現三十二應法華治世資生皆順  
正法豈非佛事門中不捨一法者歟孔子稱夷  
齊之賢求仁而得仁死而不怨後世行者難之  
又安知視生歿如逆旅坐脫立止乃衲僧之餘  
事耳且五善十戒人天之淺教父益慈子益孝  
不殺之仁不妄之信不化自行于八荒之外豈  
止有耻且格哉是知五常之道已為佛教之淺

者兼而有之弟子且讓之以儒治國以佛治心  
庸儒已切齒謂弟子叛道忘本矣又安足以語  
大道哉又知稚川子尚以叅禪卜之立見其効  
師嘗有頌試本分鉗鎚一下便知真假正謂此  
耳呵、春深萬冀為道珍重區、不備、  
萬松老人萬壽語錄序  
予忝侍萬松老師謬承子印因遍閱諸派宗旨  
各有所長利出害隨法當爾耳雲門之宗悟者  
得之于緊俏迷者失之于識情臨濟之宗明者

得之于峻拔迷者失之于莽鹵曹洞之宗智者  
得之于綿密愚者失之于庶纖獨萬松老人得  
大自在三昧決澤玄微全曹洞之血派判斷語  
錄具雲門之善巧拈提公案備臨濟之機鋒為  
仰法眼之爐熅兼而有之使學人不墮于識情  
莽鹵庶纖之病真間世之宗師也畧舉中秋日  
為建州和長老圓寂上堂云有人問既是建州  
遷化為甚萬壽設齋師云此夜一輪滿清光何  
處無又問不是盡七百日又非周年大祥闢勘

今日設齋師云月色四時好人心此夜偏衆中  
道長老座上誦中秋月詩佛法安在師云萬里  
此時同皎潔一年今夜最分明將此勝日用嚴  
和公覺靈中秋玩月徹曉登樓直饒上生兜率  
西徃淨方未必有燕京蒸梨鑼枣爆栗燒蔬衆  
中道長老只解說食不見有纖毫佛法師云謝  
子證明即且致為甚中秋閉目坐却道月無光  
有餘勝利迴向諸家檀信然軟蒸豆角新煮雞  
頭葡萄駐顏西瓜止渴無邊功德難盡讚揚假

饒今夜天陰暗裏一般滋味忽若天晴月朗管  
定不索點燈老師語錄似此之類尤多不可徧  
舉且道五派中是那一宗門風具眼者試辨看  
噫千載之下自有知音乙未夏四月湛然居士  
添水移刺楚才晉卿序于和林城

祭侄女淑卿文

維乙未之春三月二十六日叔湛然居士謹以  
蔬食清茗致祭于猶子舜婉淑卿之靈維靈胄  
出遼室支分太宗我考賢王夙植于令德吾兄

按察載振于清風汝幼奉母訓長知父從禪理  
頗究儒學悉通稟鄭娘之標格有靈昭之心骨  
不食葷于笄年欲為尼于高嵩德播人口名達  
帝聰遣使求于故鄉有詔入于深宮守志持節  
慎心飾躬垂及知命尚為嬰童古所未有耒者  
孰同章奏父掌名位日隆上謂之女學士人呼  
之官相公屢有諫諍多所彌縫德殊辭輦之班  
功勝當熊之馮忽家亡之國破嘆勢盡而途窮  
果全身而不辱示微疾而善終正悟之名得之

于空老徒悟之號乞之于髯翁信約有之非有  
知真空之不空來兮無跡去兮無踪來無跡兮  
出燕山之白雲去無蹤兮聳和林之青松明日  
灰飛烟滅後天涯無處不相逢嗚呼哀哉伏惟  
尚享

和林城建行宮上梁文

拋梁東萬里山川一望中靈沼靈臺未為比宸  
宮不日已成功  
拋梁南一帶南山揖翠嵐創築和林建宮室鬱

侯功業冠曹叅  
拋梁西碧海寒濤雪拍提臣庶稱觴來上壽萬  
呼拜舞一聲齊  
拋梁北聖主守成能潤色明堂壯麗鎮龍沙萬  
世魏：威萬國

拋梁上棟宇施功遵大壯鳴鞘聲散翠華來五  
雲深處瞻天仗  
拋梁下柱石相資成大厦君臣鍾鼓樂清時喜  
見山陽歸戰馬

為武川摩訶院創建佛牙塔疏

佛日增輝國政和靈牙有詔賜摩訶因風吹火  
何勞力垂手同脩宰堵波

湛然居士文集卷第十三

中書令移刺楚材晉卿  
法語示猶子淑卿

湛然居士文集卷第十四

中書令移刺楚材晉卿

法語示猶子淑卿

汝自謂幼年嘗禮空禪師求名因書頌云父母  
未生前凝然一相圓釋迦猶不會迦葉豈能傳  
此語極妙且道汝作麼生會古昔以來有志師  
僧辭親出家尋師訪道千辛萬苦三二十年祇  
為一段空劫以前大事尚有未透脫者汝勿  
居閨閣久在掖庭未嘗用功叩叅大善知識但

博尋宗師語錄徒增狂慧深背真道賣弄滑頭  
于道何益所以古人道叅須實叅悟須實悟又  
云滿肚學來無用處閻王不要葛藤看真良言  
也只如空老所書頌亦論父母未生前面目又  
道釋迦猶不會迦葉豈能傳此是何意趣若云  
釋迦不會能仁四十九年橫說豎說貝藏琅函  
遍滿人間末後拈花以傳教外之旨且道此法  
從何而得若云迦葉無傳西天二十八祖東土  
歷代諸師相傳之道自何而來若謂釋迦不會

迦葉無傳這空禪師亦是佛祖兒孫寫此頌圖  
箇甚麼箇中閑揆盡在此兩句不可不細叅詳  
予今謂汝透漏些子消息父母未生前老夫云  
水泄不通凝然一相圓老夫云針劄不入釋迦  
猶不會老夫云非思量處迦葉豈能傳老夫云  
識情難測父母未生前老夫云三更神世界凝  
然一相圓老夫云半夜鬼乾坤釋迦猶不會老  
夫云只許老胡知迦葉豈能傳老夫云直饒將  
來他亦不要父母未生前老夫云頭圓象天凝

然一相圓老夫云足方象地釋迦猶不會老夫  
云寒山撫掌迦葉豈能傳老夫云拾得呵之老  
大為汝橫批豎判正用顛拈十字打開兩手分  
付了也一句子薦得可与佛祖為師一句子薦  
得可与人天為師一句子薦得自救不了閑中  
試定省看其或未明若到燕然問取萬松老子  
和潤之韻

潤之館于忘憂門下生徒乘駟渠徒  
步抵和林城有詩云破帽麻鞋布腿

裊強扶衰病且徒行區區不道圖他  
甚一夜山妻罵到明予憐而和之

疎笋籬邊正說裊故山清處便宜行鏡湖他日  
應屬我好向湖邊訪四明

贈景賢

茶隣藥物成邪氣琴伴箏教變鄭音可惜龍崗  
老居士却將邪教污真心

寄東林

東林已秀兩三枝覆蔭人天正此時貪向龍宮

翻身葉惱人不寄玉泉詩

以來書云見閱藏經故有是語

寄萬壽潤公禪師

林泉人笑鳳皇枝我慕林泉嘆後時  
問消息太平和尚又無詩

寄甘泉慧公和尚

東林枝勝桂林枝不惜甘泉濟旱時  
含咲面可人能字更能詩

遺龍崗鹿尾二絕并序

去歲秋獮予謁龍崗因彈秋水龍崗

出山羊一隻為贈渠笑曰已過價矣

予夢客多設鹿尾漿今年上獵于秋

山龍崗託以鹿尾可入藥得數十枚

悉以遺予目錄近和人詩數篇以報

仍作詩二絕為引聊發一咲耳

秋水清毅忽變商龍崗曾遺二山羊今年祇奉

詩三首為報先生鹿尾漿

去歲山羊酬過價今年鹿尾不值錢龍崗藥物

都竭底只得髯翁詩數篇

和景賢贈鹿尾二絕

日暮長楊獵騎歸  
西風弓硬馬初肥  
今年獵尾休嫌少  
且喜君王不合圍

禁鬻酷思濃鹿汁  
香蔬久厭小兒拳  
龍崗採得斑龍尾  
一串穿來寄玉泉

中秋召景賢飲

中秋北海景妻好  
拚今宵醉侶泥  
快請龍崗疾過我  
與君同泛玉東西

請定公住大覺疏

龍龕寶藏照人寒  
與老功成住聖安  
却請定公來領畧  
收拾香火禮旃檀

補大藏經板疏

十年天下滿兵埃  
可惜金文半劫灰  
欲析微塵出經卷  
隨緣湏動世間財

武川摩訶院新建瑞像殿疏

邦人創刻旃檀像  
寺象新脩窣堵波  
兩段因緣非細事  
成功湏仗大檀那

請與公住崇壽院

泥湫昔日隱蟄龍一震重新大覺宮却請收雲  
歸舊壑晨昏香火祀師翁

泥湫院圓通禪師真空在焉

寄聖安澄老乞藥

登高回首望燕山試道新詩怨聖安  
賺得護身符子去二年不寄大還丹

信之和予酬賈非熊三字韵見寄因再

賈元韻以復之

鷓鴣徒羨大鵬南駕馬終須後  
衰驂至理猶刪萬歸一庸儒劉說  
二生三透閑活眼嫌金屑恋

土瘠人宿草庵寄与雲川賢  
太守洗心滌慮請

君叅

惱人捷徑起終南虛忝沙提相國驂  
幻術莫驚

殷七、真筌誰後三、家鄰荆水

玉泉也

宜栽

竹綠在香山好結菴斫斷葛藤窠  
已後閑家破具不須叅

鴻雁翩、自北南歸与何日駕  
歸驂潛龍在下宜初九即鹿無虞戒  
六三洛下好遊白傳寺濟

源重負寺中菴哀翁自揣何多幸  
昨夢齋中得

罷叅

萬松老人住持大覺寺榜其齋曰昨夢

雲漢遠寄新詩四十韻因和而謝之

允文符太一天相叅文昌泛海難追蠹封留欲  
學良穢形伴珠玉朽木廁松樟直節心雖赤哀  
年鬢已蒼伴食居相府無德報君王草甲濡春  
雨葵心傾太陽大榷歸禁闕成算出岩廊自北  
王師蕞平南上策長皇朝將革命亡國自頽綱  
漢水偏師渡長河一葦航股肱無敢惰元首載  
歌康號令傳諸域英雄守四方大勳雖已集遺

命未嘗忘萬國未馳幣諸侯敬奉璋兆民涵舜  
德百郡仰天光大威如吉重乾體自強碩賢  
起編戶良將出戎行太庙陳籩豆明堂服冕裳  
宋朝微寢滅皇嫡久成戕政乱人思變君愚自  
底亡右師潛入劍元子直臨襄殺氣侵南斗長  
庚壯玉堂幽州之分弓猶藏寶玉劍未識干將皇業  
超千古天威聳八荒元戎施帟畧勇士展鷹揚  
武繼元封跡文聯貞觀芳宮庭敢諫鼓帷幄上  
書囊佇待卿雲見行觀丹鳳翔武文能迭用威

德是相當多士思登用遺賢宥退歲詩書搜鳥  
篆功業柳龍驤國用恒無闕民財若不傷八音  
歌雅頌百戲屏優倡聖澤傳朝露明刑肅暮霜  
永垂塵劫祚一混九州彊重任司鈞石微材匪  
棟梁思歸心似醉感媿淚如滂嚴子終辭漢黃  
公合隱商窮通真有數憂樂寔難量雖受千鐘  
祿何如歸故鄉

乙未閏月上旬日玉泉書

命未嘗謝之  
德新先生惠然見寄佳製二十韵和而

當年職都水曾不入其門德重文章傑年高道  
義尊雖聞傳國士恨不識王孫韻語如蘓武離  
騷類屈原烟霞供好句江海入雄吞意氣輕三  
傑才名冠八元著述歸至願議論探深源藉  
名雖重區、席不溫家貧謁魯肅國難避王敦  
北鄙來雲內西邊近吐蕃勉將嚴韻繼不得細  
文論遠害雖君智全身亦聖恩大才宜應詔豪  
氣傲司閣學識先哲風流遺後昆莫尋三島  
客好謁萬松軒六度真光發三毒妄影奔素緣

晏染習古鏡去塵昏爐上飛寒雪胸中洗熱煩  
到家渾不識得象因忘言心目孤圓處澄々泥  
六根

乙未閏月上休日玉泉書

子鑄生朝潤之以詩為壽子因繼其韻

岩松傲歲寒枝幹騰千尺男兒若稽古功名垂  
竹帛我祖東丹王施仁能善積我考文獻公清  
白遺四壁威名流萬世馨香光赫々予生嘆不  
辰西域十年客貧困志不渝未肯忘平昔々日

出燕然辰當攝提格鶉尾得鳳毛續後子無責  
汝知學不學何啻雲泥隔為山斷一簣龍門空  
點額遠襲周孔風近追顏孟跡優游禮樂方造  
次仁義宅繼夜誦詩書廢時毋博奕勤惰分龍  
猪三十成骨骼攷々寢食廢安可忘朝夕行身  
謹而信於禮順而撫祥麟具五蹄溟鵬全六翮  
為人脩五常奚憂仕與謫成功不自滿始知謙  
受益慎毋忘此詩吾言真藥石

甲午重午

前三日湛然居士書

去國十年久還鄉西髻皤三川猶梗澁百越政  
干戈東勝城無恙西征事若何凭高吟望久尊  
酒酌長河  
用梁斗南韻  
丁年學道難成却道中原浪播名否德自慙  
調鼎鷲微材不可典璣衡誰知東海潛姜望好  
向南陽起孔明收拾琴書作歸計玉泉佳處老

餘生

贈姪正卿

遼室東丹九葉芳曾陪劍佩侍明昌學書寫盡  
千林葉習射能穿百步楊興廢人間戰白蟻榮  
枯枕上夢黃梁故山咫尺宜歸去莫使回循三  
徑荒

寄張鳴道

張君宗派自留侯壯歲成名入士流一代詩教  
如玉振千鈞筆力挽銀鈎平山邂逅初青眼汴

水伶仃已白頭  
遙想荷花好時節  
故人吟倚仲宣樓

送省掾郭仲仁行

蘭省而今已預名  
還鄉衣錦也為榮  
遼陽幹事須詳悉  
速駕星輅上玉京  
直報去莫與回辭三  
十林箬送燕京  
高慶民行與燕人  
國用繁多我政憂  
上章清選倅徵收  
好陪劉晏勤王事  
早使錢如地上流

和趙庭玉子贄韻

萬里龍庭白草秋  
時時歸夢日漁舟  
酌殘白酒難成醉  
老盡黃華無限愁  
久識人心多厭政  
喜逢天下已歸劉  
而今子入中州去  
莫惜寒梅寄隴頭

贈東平主事王玉

聖主方思治邊臣  
未奉行憑君達此意  
無得負蒼生

周敬之脩夫子廟

天皇有意用吾儒  
四海欽風盡讀書  
可惜風流

賢太守天山敝起仲尼居

寄萬壽堂頭乞湖山

削玉剡瓊出自然依稀岩竇吐雲烟禪師手段  
掀山嶽便好移來向玉泉

寄東林同叅

東林屢有寄來書忙裏何嘗報一詞豈是玉泉  
生吝惜言無滋味不宜時  
巨川生下此村牛千百頭中祇一頭鼻孔撩天

寄簡堂頭

無主伴不風流處也風流

寄孔雀便面奉萬松老師

風流彩扇出鹵州寄與白蓮老社頭遮日招風  
都不礙休從侍者索犀牛

答倪公故人

玉泉回報故人書問子叅玄着意無且趁萬松  
鑪鐵熱疾忙索取護身符

一作夜明符

送王璘行

天涯九日出龍沙冬後冬前却到家餽運功成

須報我好遊天漢上浮槎

繼介丘穆景華韻

北海慵傾北海尊予懷為向景華伸奇才管葛  
堪為匹何事唐虞不得臣行道欲期丹鳳出忘  
机且与白鷗親龍庭萬里休辭遠六出奇書正  
賴陳

繼平陶張才美韻

才美風流自一時因風來寄湛然詩新朝制度  
知將近晚節功名未是遲識子固為天下士微

君孰撫我民瘼援毫欲繼清新句笑我却無黃  
絹辭

德柔嘗許柞鞍玉轡且數年矣作詩以  
督之

異物當時許晉卿幾年思渴動詩情龍庭風細  
沙堤軟玉轡雕鞍政好行

卜鄰一絕寄鄭景賢

龍沙幽隱子真家自撥寒泉出淺沙我願卜隣  
穹帳側旋分清酌煮新茶

寄岳君索玉博山

玉鑪精巧若裁貯寄與髯翁也不妨古廟多年  
無氣息直消一注返魂香

雲中重脩宣聖廡疏

槐宮悉混玉石焚廟貌依然唯古雲須仗吾儕  
更脩葺休教感世喪斯文

寄光祖

漁陽光祖冠當時筆法詞源我獨知君有家雞  
君自厭為何偏羨玉泉詩

送德潤南行

燕然民庶久瘡痍摩撫瘡痍改此時暴吏猾昏  
諂君日開緘三復味子詩

再和萬壽潤禪師書字韻五首

憂道

不肯參禪不讀書徒喧口鼓說真如未能即色  
明真色只道無餘已有餘法眼凋殘浮海去為  
山寂寞少人居一從三聖承當後季世寡無  
瞎驢

述懷

寶箴翻窮貝葉書方知真理本如一  
心不動無生滅萬古長空豈欠餘  
妙藥更靈雖忘口長安雖貴不堪居  
毛吞大海渾閑事誰訝歌中出白驢

警世

看盡人間萬卷書校量佛法總難如  
本無妄疾剛尋藥幸有回波好乞餘  
方丈名山真碧海含元古殿是皇居  
行人半老家何在終日騎驢却

寬驢

傷時

金馬門前數上書子虛新賦笑相如  
萬言警策才無敵六國縱橫智有餘  
千里兵車討姦宄五更朝馬候興居  
功名賺得頭如雪不悞團圓如磨驢

投老

囊裏瑤琴架上書箇中真味更何如  
伴閑美竹千竿許養老田園二頃餘  
睡起焚香誦圓覺興

未緩軫品幽居宮音有北曲夕陽半下山偏好吟入  
煙霞穩跨驢

贈景賢玉澗鳴泉琴

玉泉珍惜玉泉琴不遇高人不許心素軫四三  
排碧玉明徽六七架黃金臨風好奏朝飛曲對  
月宜彈清夜吟渠能彈雅朝飛清夜吟贈與龍崗老居士  
須教下指便知音

丙申元日為景賢壽

龍沙一住二十年獨識龍崗鄭景賢詩筆饒君

甘在後棊棋笑我強爭先冷官何啻廣文樂歸  
計猶存谷口由劫外壺天壽無量請公勤叩祖  
師禪

景賢作詩頗有思歸意因和元韻以勉

我訪龍崗老珠璣咳唾間酒熟香馥、棊滑水  
潺、王吉河中栽菊和林也有山但能心放下  
何處不安間

景賢召予飲以事不果翌日子訪景賢

值出予開尊盡醉而歸留詩戲之

昨朝命我初無與今日尋君不在家不問主人

都飲盡醉吟倒載黑羶車

和景賢名飲韻

書滿穹廬酒滿尊龍崗名我謝殷勤琴中別有

無絃曲醉裏用懷舉侶君

丙申上元夜夢中偶得

超佛越祖透真空也與瀉山說夢同面貌眼睛

鼻孔裏大千沙界一漚中

送門人劉德真征蜀

門弟遼陽劉德真剛直木訥近乎仁憐君粗有

才學術師我精通天地人今日從軍征兩劍他

時擁旆入三秦三辰測驗須吾子創作天朝寶

曆新

送門人劉復亨征蜀

誠之識吾二十年不讀經書不學禪誤爾儒冠

好投筆逼人勲業可加鞭浣花溪畔春如畫濯

錦江邊酒侶川壯歲從軍真樂事鄧侯遺躅勉

爭先  
趙州柏樹頌  
古佛猶存舊道場  
庭前依舊柏蒼蒼  
莫謗諸州  
無此語  
禪林奔走  
鎔商量

黃龍三閔頌

我手何似佛手  
稱頭斤兩  
湏端的短少  
毫釐不可欺  
函關辨認  
合同券未肯輕  
放過伊  
我脚何似驢脚

行令如同車脚  
圓你三文後  
我三錢直  
饒道底  
分明是也  
是當年鸚鵡洲

如何是上座生緣

只打野盤  
無寺宿不供  
餬口趁村齋  
上戶莫椿  
虛物力  
僧司無得錯  
推排

和太原元文舉韻

魏帝兒孫氣  
侶龍而今飄泊  
困塵中君遊泉石  
初無悶我秉鈞  
衡未有功元氏  
從來多慨懷  
并門自古出英雄  
李唐名相沙堤  
在好与微之繼

舊風古出無  
登車憑軾我怡顏飽看和林一帶山新構幽齋  
堪偃息不閑處得閑

題新居壁

舊隱西山五畝宮和林新院典刑同此齋喚省  
當年夢白晝誰知是夢中

太原脩夫子廟疏

并門連歲不年豐證父攘羊禮羨空既倒狂瀾

扶不起直須急手建庠宮

和林建佛寺疏

龍沙玄教未全行故築精藍近帝城須仗檀那  
垂手力一輪佛日

湛然居士文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

蘇軾詩文集卷第十四終

道光己酉閏四月下旬得于寶倫堂書願沅記



